



XXV\*

D

63

NAPOLI


~~83 - R - 40~~~~B~~

115

G

60


43  
44  
45



S3

R

40



*Iustrum cum decimum sextumq. ætatis iniret  
 Hac Franciscus erat Niccolos facie.  
 Fortis, magnanimusq. idem, sapiensque, disertusque,  
 Et Latij cultor nobilis eloquij ~*



118. J. G. S.

FRANCISCI NICOLAI

C A R M I N A




N E A P O L I

MDCCLXXII.

TYPIS RAYMUNDIANIS

SUPERIORUM VENIA.







## Nic. Eug. Angelius Lectori.

*Q*uotidianis pene, ut ita dicam, convivii laceffitus eruditum hominum, atque doctissimorum, en tandem latina Francisci Nicolai carmina collegi, atque edidi. Anne, diceret fortasse aliquis, sic apud te fluxa maximorum ejus erga te meritum memoria, ut tanto opus esset negotio, quo tuum in eum, tantula in re, grati animi testimonium ferres? minime quidem; non modo enim semper ante oculos obversatur me quidquid in litteris profecerim si modo aliquid profeci, quidquid denique sim, ei acceptum referre debere, verum perpetuo prae me tuli singularem ejus erga me benevolentiam, amorem, benignitatem, caritatem. At plurimae fuerunt causae, quibus serius quam vellem id efficere potuerim; quarum duae potissimae fuerunt; turbulenta nempe vitae meae ratio, semperque sollicita in alienis curandis quam ingratis negotiis; & maximum inter me, atque eum, intervallum, quo distinemur. Cum enim quam saepissime per litteras secum egissem ut ad me quae apud se exstarent latina sua poemata mitteret; dici vix potest quantas mihi semper, causas praetenderit. Tandem factum est ut, cum ad eum iterum invisendum superioribus annis me Locros contulissem, paucis illis diebus, quibus ibidem moratus sum, naviter operam dederim, ut quidquid vel eum, vel ejus cives rogando, vel ipse furrim surri-

piendo scriptorum ejus in manus meas pervenire possent, colligerem, & mecum deferrem. Doleo tamen magnopere quod multa interciderint, atque ea praesertim, quae scripsit dum Romae esset; mihi quoque interdum irascor quod negligens adeo fuerim, ut non ea inter pretiosiora servaverim, auro contra non cara. Etsi, ut verum fatear, admodum ea multa non fuere; nam quae primis illis annis, quibus ad Urbem advenit, atque ipse discerpserit, vel combussit, ea fuere, ut eorum non valde sit dolenda jactura. Ille etenim quinque & viginti annos natus cum domo discessisset, nullis bonis vel praeceptoribus, vel demonstratoribus usus, etsi valde memoria ingenioque vigeret, atque assidua multiplicique omne genus scriptorum lectione delectaretur, tamen cum sibi optimos ad imitandum minime proponere potuisset, quippe qui quinam essent optimi ignoraret, nil sane admodum elegans atque excultum scribendo potuit praestare. At postea ab eruditissimis, doctissimisque viris, quibuscum frequens versabatur, admonitus, ac praecipue ab eruditissimo elegantissimoque Jacometto, rectam studiorum ingressus viam, mirum quantum in doctrinis, cultioribusque literis profecerit; ita ut cum ejus jam fama in Urbe percrebuisse, certatim viri principes, ac summi praefecti in Romana civitate muneribus, eum vel adiutorem, vel comitem studiorum suorum, vel epistolarum scriptorem advocaverint, ultro rogaverint. Quos inter praecipue numerandus Nicolaus Coscia, is enim grande Nicolai nostri ingenium,

nium, literas, dexteritatem, ac fidem admiratus, baud cunctanter, cum a Pontifice Benedicto XIII. inter Patres Purpuratos est adlectus, ad maxima, quae per eum erant expedienda negotia, illum adscivit. In cujus Pontificis obitu satis luculentum enisuit in Nicolao suae integritatis, morumque innocentiae testimonium. Cum enim non modo ipse Coscia, verum etiam familiares ejus omnes atque amici, vel a concitata plebe dirivati, lapidibus insectari, direpti, praecipites ejelli, vel in carcerem conjecti fuissent; unus Franciscus Nicolaus, sua paupertate, recteque factorum conscientia ac fama tectus, tantae immunis exitit tempestatis, perque ipsa celebriora Urbis loca, ad miraculum visebatur: nemini enim non erat persuasum, nihil unquam in eo fuisse, quod a viri boni officio esset alienum. Paucis post annis Cardinalis Alberonus, ac postremo Cardinalis Burghesius ejus sunt opera usi: ille in sua legatione in Flaminiam provinciam, hic in conscribendis latinis epistolis ad Carolum VII. Imp., cum Imperii, ejusque hereditariarum ditionum patronus factus est. Sed quid ego haec persequor? perinde quasi ejus vitae historiam scribere sim adgressus; quod nunc facere in animum non induxi meum. Tantum, te monendum duxi, qua ratione ad me pleraque ejus poemata pervenerint, ut si quid uspiam in hac editione titubatum sit, sive necessariam, ad quorundam eorum intelligentiam, vel ἐτυμολογῆναι vel notulam requiras, eorum qui ea exscripserunt negligentiae tribuas. Nec enim  
posui

potui ferventi typorum opere , auctorem consulere . Incidi etiam aliquoties in loca vel verbis , vel integris etiam versibus deficiencia , quae supplere necesse fuit . Atque utinam conjectura ipsius auctoris vel verba , vel sententiam sim affectus . Superioribus diebus aliud apud me inveni exemplum carminis in *Passione Domini* , in quo legitur versus 156.

Adripiunt tenduntque manus utrinque jacentis ,  
cum correxisset illud hinc inde a probatissimis scriptoribus minime usurpatum , ut in primis hujus carminis exemplis scriptum erat , unde excerpta est hujus editionis lectio . Id etiam fere plerumque in interpunctionibus accidit , quae cum commata periodorum designent , nemo est qui ignoret quantum valeant ad aliam , vel aliam sententiam induendam . Accuratissima tamen , qua potui , diligentia sum usus , ut sine mendis ederentur omnia . Qua in re multam & novam operam contulit in omni literarum genere doctissimus , moribusque suavissimus Domini-  
cus Malarbius , praeter coeteros Nicolai nostri scriptorum admirator . Nec mirum , tantam enim in hisce poematibus perspicies elegantiam , & non fucata , sed germanam venustatem ; tantam cum exquisita prudentia verborum ac sententiarum varietatem & copiam , ut non facile quem cum eo post beatum illud aurei , ut vulgo appellatur , seculi aevum , comparare possis , adinvenias . Videas enim licet non exilem , non jejunum atque exsuccum poetam , sed omnem

omnem tenentem antiquitatis historiam, philosophiam, geographiam, verumque omnium magnarum, atque artium scientiam; nullis ut terminis, ut de perfecto Oratore loquitur Cicero, circumscribat aut definiat jus suum, quo minus ei liceat eadem illa facultate, & copia vagari qua velit. Quid dicam de elegantia, puritate, ac proprietate sermonis? adeo in hoc mirandus, ut in medio Latio Augusti temporibus natus, atque educatus videatur, sive sublime ac grave adgrediatur, sive nitidum, sive vernaculum genus scribendi. Scio equidem latine scribendo seculo illo XVI. complures clarissimos viros praestitisse; at nescio quomodo fere plerumque in eorum scriptis nimis exquisitam industriam, & molestant, ne dicam putidam, diligentiam deprehendas. At hic noster, perpetuo par, ubique quiddam recinens Romanum, ac pene nativum, quod sibi assidua, diuturnaue lectione, accuratissimaque commentatione comparavit. Ceterum tuum esto judicium, quod a meo ut minime abhorreat facile quidem confido futurum. Apponendam etiam in calce hujus editionis curavi epistolam Castrucci Bonamicii, qui, dum Romae degeret, Nicolao nostro familiari, ac hospite usus est; qua quidem epistola satis praeclarum, vir acerrimi judicii, protulit testimonium in Hymnum de Diva Ven. re, cum superioribus annis editum est Romae. Dum in eo esset ut haec absolveretur editio, duo ad me pervenerunt auctoris nostri pbaleucia, unum ad C.V. Andream Serream, alterum ad Dominicum Malarbium inscriptum, quae extre-

ma videbis huius collectionis poemata. Monstri, mediussidius, simile, hominem quinque & octoginta annos natum, iis adhuc mentis atque animi viribus vigere, ut haec etiamdum cudat proferatque. Corpore enim senescente, animus ipse, quasi spiritus per tibias vel labefactatas, vel vetustate corruptas, quiddam resonet insuave ac dissonum necesse est; nam, ut ait Lucretius,

. . . ubi jam validis quassatu' st viribus aevi  
Corpus; & obtulis ceciderunt viribus artus:  
Claudicat ingenium, delirat linguaque, mensque,  
Omnia deficiunt, atque uno tempore defunt.

Quod praecipue maturius in doctis accidit viris, in quibus assidua, atque acri mentis intentione, animales spiritus citius diffiantur, ac dispereunt. Vale.

I N

# D. V E N E R A N D A M

V. & M.

H I M N U S.

**E**T te, Diva, cano Venus o fortissima Virgo :  
Tertia quandoquidem post Christi funera, postque  
Adscensum magnae caeli super ardua Matris,  
Sunt sacra Maenaliis tua nunc celebranda colonis .  
Anne alios aliàs laudavi carmine saepe, 5  
Non divos modo, verum homines, & plurima lusi,  
Teque sinam nostris illaudatam ire camoenis?  
Nec pudeat tacitum de te exaudire canentes,  
Queis unus voluique prior, valuique per artem  
Sternere iter, Cyrrhaeque sacros aperire recessus? 10  
Quin mea jamdudum, Virgo, pietasque, fidesque  
In tete, ac patriam, mihi quae carissima semper  
Exitit, exiguum quamvis hoc muneris esset  
Musaei nostrum, patriaeque, tibi, petebant .  
Illa etenim, sese licet inter tollere possit 15  
Illustres urbes, uno nec nomine; belli,  
Pacisque studiis quae florentissima; vere  
Quod Sagra, pugnatae ac magnae terraeque, marique  
Pugnae, totque manu declarant oppida capta:  
Artibus atque bonis exculi pectora cives 20  
Omnibus, & rerum juxta, vitaeque magistri;

A

Pri-

Primaque descriptis quae legibus usa feratur :  
 Quaeque potens opibus, felicitis & ubere glebae,  
 Laetaque, tam pura caeli miraeque fruatur  
 Temperie, ut nulla externi contagia morbi 25  
 Senferit, aut pecudum, aut hominum unquam pestilitatem:  
 Haud ulla re alia mage se effert, luminibusque  
 Cujusque ipsa sibi populi obstruxisse videtur,  
 Quam quod te genuit, Virgo. hinc, hinc illa superbit  
 Verius, intonso viridis quam Nyfa Lyaeo, 30  
 Quam Jove Creta suo, quam candida Apolline Delos.

An vero nostris abs tete gloria rebus

Parva venit, quae agitante Deo, primaque juventa  
 Praeclarum aggressa es facinus, nullique priorum  
 Ante, nec auditum unquam post venientibus annis; 35  
 Quum primum excedens patriis e sinibus, urbes,  
 Itala quot tellus, quot Trinacris insula alebat,  
 Graeciaeque insignes, illo tunc tempore adisti?  
 Quum magno in populi conventu, animosa virago,  
 Unumque, Trinumque Deum, aeternique tonabas 40  
 Ore Patris Gnatum unigenam, qui labe parentis  
 A prima infectos, proprio nos sanguine lavit,  
 Obstructasque fores cunctis patefecit Olympi?  
 Quaeque sitim, tristemque famem, quae vincula, & ignes  
 Non dubitas perferre, & triste subire tyranni 45  
 Immanis ferrum, fortique occumbere morti?  
 Sed praestat rerum causas evolvere primum,  
 Ac memorare tui quibus acti, o Virgo, parentes  
 Auspiciis, Locros unam, praeque omnibus unam  
 Optarint sedem, memorique haec tradere chartae, 50  
 Plurima quae fuerant caeca jam nocte sepulta.

2. 2

Tu



Tu modo, Diva, fave, atque orsus ne despice nostros.  
 Principio, ut perhibent, Agatho, pulcherrimus unus  
 Qui fuit Infubrum juvenis, gentisque togatae,  
 Hippolyteque, Padi inter formosissima nymphas 55  
 Quae fuit una, genus decores, & sanguine clari  
 Romulidum: virtute pares, Christique initiati  
 Ambo sacris, firmo & conjuncti foedere amoris,  
 Moerentes multum, quod adhuc haud ulla daretur  
 Conjugio in sterili proles, quae nomen avorum, 60  
 Fortunaeque domus posset inventa tueri;  
 Ire parant peregre magnas invisere ad urbes  
 Italiae, valeant aliqua si avertere curam,  
 Vincere supplicibus vel divum numina votis.  
 Ergo iter ingressi, quamvis contendere mens sit 65  
 Ad septemgeminæ quamprimum moenia Romae,  
 Non adeo properant tamen, ut novitatis amore  
 Multa prius nolint circum oppida perlustrare,  
 Et loca, quae veteri sint fama, aut clara recenti.  
 Plurima perque viam passim virtutis ubique 70  
 Dant exempla bonis dictis, factisque benignis,  
 Aeternam donec veniunt Mavortis ad urbem.  
 Hic vero vestrum, defunctaque corpora vita  
 Cura fuit primum venerari, bustaque largo  
 Spargere flore, Petre, & Paule, o clarissima terrae 75  
 Lumina, & o iidem clarissima lumina caeli.  
 Sed neque vestra, boni, hic complentur vota: sat urbi  
 Est decoris rerum dominae, fideique cathedrae.  
 Ex vobis, sobole & vestra decus omne futurum  
 Vult nostrum Pater omnipotens, Locrisque reservat. 80  
 Ergo post aliquot conversis orbibus annos,

4  
 Postque fatigata incassum prece numina divum,  
 Haud spe dejecti excedunt, atque Appia calcant  
 Strata viae; populosque juvat, claraeque videre  
 Urbes, quotquot alit felix Campania, quotque 85  
 Praecipuas superum mare continet, infernumque.  
 Te magnae imprimis Romae, Capua, aemula quondam  
 Mirantur, tantum nunc forte, animisque minorem:  
 Calcidicaeque adeunt Cumas: ac, pallida Ditis  
 Ostia quae fingunt, graveolentia stagna; tepentes 90  
 Fontibus & Bajas; magnum & cratera sepulchro  
 Clarum Parthenopes: & circum rura beata  
 Cernunt, bis laeto vernantia flore quotannis.  
 Hinc excedentes Hirpinus, & Appulus, & mox  
 Excipiunt Calabri. Gaudent vidisse tot urbes, 95  
 Et Rhudias Enni cunas; natoque Tarentum  
 Archita tumidum; Sybarimque, Crotonaque luxu  
 Ab nimio everfas; & navisfragum Scylacaeum.  
 Atque hinc conversi ad dextram navalia spectant,  
 Quaeque mei aedificant Vibonis tecta Locrenses. 100  
 Jamque procul Lipare Cyclopum exesa caminis  
 Vertice se attollit candenti, altumque remugit.  
 Et freta Sicaniae apparent, & saxa Pelori,  
 Aetnaque terrificas volvens super astra favillas,  
 Scyllaeo, & longe resonantia saxa latratu: 105  
 Felicesque agros, & moenia Rheginorum  
 Transgressi, tandem scandunt juga montis, ad austros  
 Qui spectans, longe pelagus procurrit in altum.  
 Et jam summa tenent; species pulcherrima rerum  
 Quum subito est oblata oculis, ut corda tuendo 110  
 Expleri nequeant. Inhibent cursum ergo, resistuntque,  
 Ac-

Aequora prospiciunt dum puri ingentia ponti,  
 Aequora & ingentis curvato litore campi,  
 Atque rates, classem, prope sub portusque jacentes.  
 Sed nihil est, viso illorum mage quo capiantur 115  
 Lumina, quam tumulo adfurgens urbs magna virenti  
 Adscensu facili, hinc quae cingitur Apennino,  
 Et maris hinc propius subjeſtis clauditur undis.  
 Talia perstabant servantes: grandis & ecce  
 Advorsum nova forma viri properare. Senecta 120  
 Ille gravi incurvus, propexam & pectore barbam  
 Canamque effusus, macie confecta saligno  
 Sustentat baculo membra, & vestigia firmat.  
 Qui prope ut accessit, totam intuitusque cohortem est,  
 Admirans, ambas sustollit ad aethera palmas, 125  
 Ac ea voce refert: Nempe haec, Pater optime divum,  
 Haec erat illa dies, quam me sperare jubebas.  
 Agnosco ora virum, cultusque, habitusque, viai  
 Et comites, quae jam, te monstrante, omnia noram.  
 Nam quid ego dubitem ex hac nunc concedere vita, 130  
 Quum video extorris patria, longeque remotus,  
 Tempore post tanto, tam dulcia pignora, Christo  
 Quae peperī? quid enim vivens hic amplius optem?  
 Haec ille: aſt primos Agatho Hippolyteque loquentis  
 Vix aure accipiunt sonitus, quum protinus horrent, 135  
 Perculſi ſubita novitatis imagine mentem:  
 Attonitique ſenem ſublīmi a vertice ad imos  
 Nunc luſtrare pedes oculis, & membra notare  
 Grandia; converſi ſeſe nunc ſaepe tueri;  
 Nunc illum rurfus; nunc & ſe mutua rurfus: 140  
 Exſiliunt tandem, lacrymiſque ita ſantur obortis:

Ve.

Verane tu facies? falsa an nos ludis imago  
 Flore pater? vivisne? ecquis superare pericla  
 Tot valuisse putet, tantum te degere & aevi?  
 Hic Florus: vivo certe, mihi credite: namque 145  
 Diluvio ex illo ut fugio, dirique Neronis  
 E manibus, saltusque peto, latebrasque ferarum;  
 E monte in montem, quartam post denique messem,  
 Huc venio; sistoque gradum, quod nulla daretur  
 Ultra tendere iter, pelago obistente, facultas. 150  
 Verum jucunde tamen hic mea vita fluebat,  
 Quod late circum populi plerique fideles  
 Inventi, sociique boni: nec cura coquebat  
 Me nimium vestrorum, postquam caelituum rex  
 Per visum haud semel admonuit, quandoque futurum 155  
 Ut vos Ausoniae extremo hoc in litore laetus  
 Laetos adspicerem, prole & divinitus auctos,  
 Qua decus illa novum inveniat, quam cernitis urbem,  
 Inveniantque novos caelestia regna triumphos.  
 Quin nocte hac, fateor, cessit quae proxima, visi 160  
 Vos mihi per somnum hic loci ibidem occurrere eunti;  
 Visus & insigni juvenis forma, meus esset  
 Qui comes, apprehendisse manum, talesque dedisse  
 Ore sonos: Flore, ecce tui Flore o tibi fratris  
 Filius; ecce ejus simul & sanctissima conjux, 165  
 Justus amor tuus ambo, tua & justissima cura.  
 Cum dicto & somnus, noctisque recessit imago.  
 Quare agite o alacres, telis succedite Locrum,  
 Quandoquidem huc vos fata vocant, & numina sancta,  
 Nam vos pone sequar, capita o dulcissima, & illic 170  
 Erroresque viae vestros, casusque docebor.

Di.

7

Dixerat, inque pios certatim saepe ruentes  
 Amplexus, miscent lacrymas, atque oscula miscent.  
 Et jam laetitiae finis fit nullus, ab altis  
 Ni moneant longe fugientes montibus umbrae. 175  
 Ergo discedunt. Soliti vicina tugurj  
 Tecta petit Florus, primo excursurus ad urbem  
 Mahe die: cui longa nimis nox illa futura.  
 Rursus equos alii inscendunt, stimulisque fatigant,  
 Donec conficiunt iter, & data moenia, divis 180  
 Auspiciis, subeunt, requiem, finemque laborum.

Quis non officio credat tunc mutua nostros  
 Certasse, hospitibus possent quo talibus esse  
 Sese homines lautos, comes, facilesque probare?  
 Quin adeo & cuncti illos admirantur, amantque, 185  
 Hoc vulgo obscurum quod haberent carmen in ore:  
 Vate sed incertum quo, mortaline, Deone:  
*Galla genus parvu Locros aequabit Olympo.*  
 Quamvis multo erat Hippolyte provectior annis  
 Jam tandem, quam dulce viro ut patris addere nomen, 190  
 Et sibi jucundum speraret matris apisci.  
 Naturae at leges frangit, quas ipse tulisset  
 Saepe Deus, sua vult quoties notescere facta.  
 Quod modo fit: senior subito nam denique turget  
 Hippolyte; inque dies mage jam gestare videtur 195  
 Ipsa sibi, & pondus sentit, sentitque moveri.

Et vaga jam decies Phoebe repararat eundo  
 Cornua: vitales editque in luminis oras  
 Perpulchram facili partu miroque puellam,  
 Rura etenim, memorant, (quod ruri nata puella est) 200  
 Disclusisse sinu passim, calthasque, rosasque,

Lilia, & omne genus flores: lateque repente  
 Dulcisonis circum completos cantibus agros.  
 Quam sacris postquam lymphis de more sacerdos  
 Conceptis lavit verbis, venere frequentes 205  
 Matres, atque patres, pueri, innuptaeque puellae  
 Visere, & acceptam prolem genitoribus ipsis  
 Gratari. Et jam Florus adest laetissimus unus,  
 Atque Parasceven, Graeci quam nomine dicunt,  
 At vero Ausonii Venerem, & Veneram, & Venerandam, 210  
 Sustollit manibus, stringitque ad pectora raptim.  
 Adflatusque adeo caelesti est numine quando,  
 Fortia facta canit, magnosque ex hoste triumphos.  
 Non haec aut lanae digitos, telaeve, canebat,  
 Non picturatis assuescet vestibibus auro; 215  
 Et non compta comas, ac multo languida cultu  
 Connubia optabit fortis mortalia Virgo.  
 Quos haec non populos, quas non peragraverit urbes  
 Virtute, eloquioque potens, & fortibus ausis,  
 Plena Deo? quanta & victrix non damna Cocyto 220  
 Intulerit? quos non exhauserit una labores,  
 Usque suo decoret nostros dum funere Gallós?  
 Queis mage laetati dictis Agatho, Hippolyteque  
 Tot promissa suo divos uti numine firment,  
 Orant, & grati cumulant altaria donis. 225  
 Nec minus interea genitorum absumitur omnis  
 In tete cura, o Virgo; neque corporis illi  
 Tam spectant bona: uti sis scilicet ipsa superstes:  
 Quam quae sunt animi; nempe ut sis religiosa,  
 Atque pia in primis, recte de numine sancto 230  
 Quo sentire Dei valeas, castumque adhibere  
 Cac-

Caelitibus cultum, quae homini sapientia prima est.  
 Tum vero, ut potuit primum apparere per annos  
 Ingenium sublime tuum, tuaque ignea virtus,  
 Naturam & tibi natus amor cognoscere rerum, 235  
 Doctrinasque artesque bonas tum velle doceri;  
 Doctorum extemplo tibi facta est copia, nostra  
 Quae facilis fuerat res urbe altrice sophorum.  
 Hortos ergo brevi Sophiae spatiosa repostos,  
 Discis uti prognata Chao antiquissima rerum 240  
 Materies, pulchri speciem quum vidit, amarit;  
 Cui conjuncta thoro discordia miserit alvo  
 Corpora prima: immensum quis per inane volutis  
 Existerit tellus, & pontus, & ignis, & aer,  
 Qui loca captarint propria, & mage commoda cuique. 245  
 Hinc, aether quotquot lucentia sidera pascit,  
 Esse: hinc humanum genus: hinc genus esse ferarum,  
 Aera quot, terrasque colunt, pelagusque profundum:  
 Hinc arbusa, hinc & segetes, & pascua laeta.  
 Discis & unde salis verrentes aequora venti; 250  
 Unde fit & tonitru, & nubes, & fulgura, & imbres,  
 Terraique tremor, fontes, atque omnia demum,  
 Quae fieri caeca ratione videmus in Omni,  
 Auctoremque Deum, qui tot molitus amore,  
 Tantaque nostrorum est, ac illa tuetur, adoras: 255  
 Et numeros tentas, mensurasque: addis & artem,  
 Aptae qua valeas, ac dicere Virgo diserte:  
 Volvere & omne juvat scripti genus: omnia & hauris,  
 Quae bona, quae vero sint convenientia. Sacros  
 Atque adeo libros rapis. His noctesque diesque 260  
 Advigilas, mira pectus dulcedine tacta.

His etenim manifesto se Deus ipse revelat,  
 Naturamque aperit rerum, quae nocte sepulta  
 Perpetua fuerat, nosque his nos novimus ipsi,  
 Et quae, morte obita, nobis sunt regna parata; 265  
 Regna Patris summi, aeterna queis pace fruamur.  
 Hinc celebris circum Grajas it fama per urbes,  
 Unam te esse Locris, cujus sapientia tanta  
 Sit, quantam prior ulla aetas non viderit unquam,  
 Non videat praefens. Unam te praedicat esse, 270  
 Cui gravitas, cui religio, pietasque, tenaxque  
 Integritatis amor, cui excellens forma, puellam  
 Haud ullam sinat esse parem, sinat esse priorem.  
 Quot juvenes ergo, claro qui sanguine creti  
 Essent, te thalami sociam optavisse putarim? 275  
 Quot foribus suspensa tuis & florea ferta?  
 Quot tua flebilibus per multam limina noctem  
 Insonuisse elegis? matres & denique honestas  
 Te quaesivisse nurum? Nihilum tamen ipsa moveris  
 Vel prece, vel fletu; castum stat corpore florem 280  
 Caelesti sponso, ac mentem servare pudicam,  
 Aeterno captam qui te sibi jungit amore;  
 Cui aeternum primis sacras te parvula ab annis,  
 Cuique placere studens uni, mortalia temnis  
 Omnia prorsus: consilio & persistis in illo; 285  
 Quum primum terrae mandaveris ossa parentum  
 Officio defuncta pio, non amplius aevum  
 In patria terere incassum: sed longius ire  
 Semotas terras, ac barbara regna petitum,  
 Dummodo per sponsum liceat, praeceptaque vitae 290  
 Latius, atque Crucis vexillum ferre per orbem.

Haud



Haud tamen interea magno sine soenore soles  
 Virgo tibi pereunt. Veri nunc tramite certo  
 Monstras nempe viam, omnigenae & praecepta frequenti  
 Turbae auditorum doctrinae tradis: honesti 293  
 Nunc speciem sic fingis, uti capiantur amore  
 Ejus & haud peccent quidquam in divosque hominesque:  
 Nunc vatam sacra dicta, arcanaque sensa recludis:  
 Antiquasque doces in Christo rege figuras  
 Impletas omnes, partam cunctisque salutem: 300  
 Nunc si quid dictum asperius, factumve proterve  
 Fortassis cives inter, turbaeque coortae  
 Sint, iraeque; aut cui faciat fortuna maligne;  
 Siquid amor cedat fratrum, & sibi consulat uni;  
 Sanctaeque quis violet communis foedera vitae; 305  
 Denique relligio siquid, pietasque laborent;  
 Tempore ades cunctis, quibus est usus mage, rebus:  
 Nullaque difficilis res est adeo, inque pedita,  
 Quin cito conficias; tanta est prudentia rerum,  
 Tantaque vis linguae, & gravitas, probitasque, fidesque.  
 Una sed insignis curas supereminet omnes  
 Illa puellaris, fundaras quod modo Virgo,  
 Cura sodalicii: & Christo quas rite jugaras  
 Vittatas casto sponfas cum flore juventae,  
 Has tu multa doces; quae sint veniente canenda, 315  
 Quaeque canenda die sint decedente per umbras  
 Carmina sacra Deo; quid sit prece numen & ipsum  
 Orandum, quibus atque modis: commissa piandum  
 Quanam sit ratione: ac multa vetaeque jubetque:  
 Juraque describis, legesque volentibus aequas, 220  
 Quois stet pacta fides, sociae quois foedera vitae

Firmentur: discant, faciant sua munera & omnes.  
 Et quoniam nihil est prorsus rectique bonique,  
 Quod non unanimis studiis ardentibus ultro  
 Lecta cohors faciat, gaudes tu; durus ut olim 325  
 Gaudet, apes aestate cavo qui cortice claudit  
 Agricola, & parvis figit nova testâ colonis,  
 Cernit ubi jam fervere opus, pendere tenaces  
 Jam ceras, fluere & dulci jam nectare cellas.  
 Et jam terdenos aetatis conficis annos, 330  
 Quum longa fessi mater, genitorque senecta  
 Decedunt, vitamque tua inter brachia ponunt,  
 Hippolyte prior, & parvo pater intervallo  
 Post lunarum Agatho, Christi par nobile amantum.  
 Queis tu non lacrymis, non femineis lamentis, 335  
 Sed votis operata piis, iustisque solutis,  
 Post longa exilia, aeternum grataris adepta  
 Aurea templa deum, mensasque epulasque beatas.  
 Quid facias, modo quae tanta sis libera cura,  
 Atque animo fixum illud sit, per tela, per ignes, 340  
 Per caedesque novos populos, nova subdere regi  
 Sponso regna, tuum testari & sanguine amorem?  
 Scilicet hoc unum flagranti pectore versas  
 Noctes, atque dies; unum hoc noctesque diesque  
 Oras strata solo ante aras, simulacraque divum. 345  
 Sed nec differri tuus amplius irrita ventis  
 Passus amor tua vota; vigil dum multa precaris  
 Per noctem, ecce tibi manifestus lumine claro  
 Sese offert; legio auratis insignis in armis  
 Quem stipant circum juvenes, sine corpore vitae; 350  
 Ipse autem picta in trabea, quinisque decorus,  
 Quos

Quos spargunt radiis clavorum, & signa veruti  
 Quina, crucem fulvo ex auro, viridique smaragdo  
 Arboream ingentem laeva sustentat, amicis  
 Teque his solatur dictis, atque occupat aegram: 355  
 Ne tete, mea tu, neu nos, jam desine tandem,  
 Exerce orando dedimus quod scilicet ultro;

Verum distulimus, tua dum foret auctior aetas,  
 Atque ea par nostris ceptis: nunc ire, subactos  
 Et populos firmare animis, nostrisque solutos 360  
 Legibus imperio tibi fas adungere nostro.

Tecum adero: & potui tantum qui in plebe meorum  
 Bissena, videat, faxo, quid femina in una  
 Nunc possim gens magna hominum; tuque ipsa videbi s  
 Vix haec, atque novum ori, oculisque afflavit honorem: 365  
 Et simul obducta aetutum se nube recepit.

Quo attonita affatu, praesenti & numine sponfi,  
 Colligis ut mentem primum, tenebrisque fugatis,  
 Rebus restitui cernis cum luce colores,  
 Exurgens delubra petis, divosque salutas, 370  
 Multa orans, donis onerans altaria multis.

Tum res constituis: tuaque omnia dividere ipsis  
 Virginibusque tuis, turbis & pauperiorum  
 Incipis, ut nequid possit tibi, virgo, perire.  
 Quod signi quoniam poterat satis omnibus esse 375  
 Quid strueres, subito concussi pectora cives

Se miserosque vocant, desolatosque per urbem;  
 Haud aliter trepidi, quam si vis ingruat hostium  
 Improvisa, ipsas quatiat jamque arjete portas.  
 Ergo tuas raptim concurrunt undique ad aedes 380  
 Cives, prima virum, matronarumque, tenere

Si

Si te qua valeant; istoque avertere mentem  
 Consilio. Sed ubi primum datur ora tueri,  
 Insolitaque vident tua scintillantia luce  
 Lumina; supra hominemque oris decus; atque decentem 385  
 Mirantur faciem, majestatemque verendam,  
 Nilque tuas adeo voces mortale sonantes;  
 Quae tibi jamdudum addiderat tuus omnia sponsus;  
 Nolunt quippe Deo, placitaeque obfistere causae:  
 Sed tua coepta ferunt ad caelum laudibus omnes, 390  
 Actam quandoquidem caelesti numine cernunt,  
 Teque Deo, quaecunque moves, auctore movere.  
 Quin super haec aliquem cunctis pro civibus unum  
 Ore sonos videor tales audire cientem:  
 I decus, i nostrum, quo te tua vivida virtus; 395  
 Quo te regis honos; quo te pietasque, fidesque,  
 Religioque vocat. Te noverit ultima Thule,  
 Te Tanais, Phasisque, & te Nilotica regna,  
 Tethios, & quantum terrarum clauditur undis,  
 Locrorumque tuis factis fer ad aethera famam. 400  
 Quos omnes vultu acceptos laetoque, serenoque  
 Absolvīs paucis, abitu defixa propinquo.  
 Jamque dies, alterque dies processerat, ast quum  
 Proxima praecipites urget nox aetheris ignes  
 Pervigil Euphemen conclamas, quae tua nutrix 405  
 Jam fuerat. Haec prae cunctis magis una fidelis,  
 Haec studioque pio, haec longo & magis una probata  
 Usu: cui senior licet aetas asperet ora,  
 Procero tamen integrae sunt corpore vires,  
 Viribus atque ipsis animi praesentia major. 410  
 Delecta haec igitur, tibi quae comitetur eunti,  
 Ser-

Servitio ex omni ut coram astitit: Eja age mater  
 Quid cessamus, ais? duplicato & poplite terram  
 Cum dicto petis ante tui parvam crucifixi  
 Effigiem sponsi, quae dextra a parte grabati 415  
 Pendebat lino: tundens & pectora palmis  
 Illum de caelo comitemque, ducemque viai,  
 Praesidiumque vocas tibi rebus in omnibus aequum.  
 Mox & confurgens, sanctum de pariete signum  
 Accipis, admotumque ori, suspendit eburno 420  
 E collo, insertans protento guttura filo:  
 Collectoque sinu, laevae veterisque, novique  
 Sacra instrumenti supponis biblia: dextramque  
 Armas enodi baculo, taciteque per umbras  
 Aedibus e patriis, patriaque excedis ab urbe. 425  
 Tempus erat, sparsis rident quum floribus herbae:  
 Idque horae, primum parvas quum sedula cantu  
 Excitat, exercetque suas, nova pignora, natas  
 Daulias: inque vicem arguto illae gutture matri  
 Cuncta iterant dociles, concentuque arva resultant. 430  
 Sed Venus his mentem rebus non tangitur hilum;  
 Nam novus ad bellum veluti quum mittitur, acri  
 Cui thyrsos laudis percussit corda cupido,  
 Induperator; iter dum corripit ad legiones,  
 Omnia, quae fieri possunt, praesentia fingit, 435  
 Praefensque exsequitur: censet, suppletque catervas  
 Ipse suas: nunc castra movet, nunc admovet hosti,  
 Post longum & tandem certamen, re bene gesta,  
 Excipitur magno Capitolia ad alta triumpho:  
 Haud aliter Venerae ratio est, quae bella tyranno 440  
 Tanta movet stygio: verae & virtutis amore

Exar-

Exardens; adstare sibi nunc ipsa videtur,  
 Et facere in populi sat spissa verba corona:  
 Nunc ad matronas adit, innuptasque puellas,  
 Atque hic multa docet; hic multa docetque, refellitque 445  
 Inter nunc doctos homines, turbamque sophorum;  
 Multa inter mundi procures, regesque superbos:  
 Judicis injusti hic folio modo sistitur: ardet  
 Ille oculis, additque minas, ac territat armis.  
 Pugnarumque genus nullum dirumque, novumque est, 450  
 Quod spe non avide praesumat: fortiter offert  
 Denique lictori jugulum, palmamque potita,  
 Caelestum coetu, caelestes inter ovantes  
 Accipitur victrix regnis fruitura beatis.  
 Haec, hujusque modi ingrediens dum multa revolvit, 455  
 Laetatur, fallitque viae fastidia longae.

Fama sed interea longinqua vel oppida complet,  
 , Ignoram peregre a patria te, Virgo, profectam  
 Esse pio fratrum studio, ac caelestis honore  
 Excitam regis; nec longius abfore, quin sit 460  
 Jam cunctis data visendi, affandique potestas:  
 Tanta Parasceves, Agathonis denique fama est.  
 Sed tu nota petis quae proxima litora, dextram  
 Carpere certa viam, & Siculas transmittere ad oras,  
 Agnosci minus a multis ubi rere: legisque 465  
 Propterea propius quantum potes aequoris undas,  
 Si quis abire modus praefens sit: donec Halecem  
 Transis, agris olim nostris qui terminus amnis;  
 Leucopetramque venis, dum carbasa forte secundis  
 Traiecturus aquas expandit navita ventis. 470  
 Excipit ille autem, cum sole & prorsus eodem

Cur-

Curvato bimaris sistit te litore Tapfi :  
 Felicem nimium Tapsum, felicia & urbis  
 Ampla Syracusiae quae proxima moenia surgunt,  
 Magnanimam quibus est primis vidisse puellam, 475  
 Atque audisse datum, magno simul ore tonantem !  
 Quantae hic divitiae, pleno quas pectore fundit,  
 Collectae ? quanta hic oculis excussa repente  
 Caligo ? quanta & vestrae lux addita menti ?  
 Nam nunc multa docet vulgo: nunc & sapientum 480  
 Disputat in coetu, atque scholas evertit avitas  
 Grajorum: tantis assurgit viribus ipsa:  
 Nunc aeterna piis sperandum gaudia vincit,  
 Aeternasque malis poenas in morte timendum:  
 Nunc surdis aures, nunc reddit lumina caecis, 485  
 Nunc prope confectos morbo jubet esse valentes:  
 Et nunc pulsa loco, varios referentia vultus,  
 Mille minutatim frangit simulacra deorum.  
 Atque ubi visa sibi, hic curarum quod satis esset  
 Expendisse, agros reliquos, felicia & illa 490  
 Tarfensis magni agricolae sata semina in omnes  
 Oras certa sequi, propiusque juvare colendo,  
 Hinc abit: ingrediturque viam, quae ducit ad austros,  
 Oppida quot crassus, populosque, & rura Pachynus,  
 Et Lilybes claudunt vada caeca, & saxa Pelori, 495  
 Pleraque convisit Venus omnia virgo. Sed unam  
 Haud Acym certe potuit convisere. Nulla  
 Scilicet Acys erat tunc: nulla prioribus annis  
 Usquam Acys fuerat: nongentas nullaue prorsus  
 Visa per aestates fuit Acys tempore ab illo. 500  
 Haud Venere ergo mea jactet sese Acys alumna,

Civibus aut ullis, ullo quos nomine claros  
 Scriptores ulli memorent: seque efferat ipsa  
 Rebus, habet siquas, propriis; nihil amplius optet.  
 Jamque triennali fuerat satis ille labore 505  
 Per te cultus ager: segetemque haud amplius illam  
 Lappaeque, tribulique necant: non horridus alte  
 Carduus assurgens urit: nec dira venenat  
 Vis lolii, aut alia, est frugum quae plurima pestis;  
 Quum, lembo inscensu, Rheginam transis ad urbem: 510  
 Postque peragratas omnes circum undique terras,  
 Quotquot utrumque supra pelagus includit, & infra,  
 Brundisio solvis, dexter dum spirat Hyapix:  
 Unoque attingis Phaeacum litora cursu.  
 Atque hinc Leucadiae portus, hinc & Cephalenis, 515  
 Teque Ithacae excipiunt scopuli, & nemora alta Zacynthi:  
 Transque fretum Pylii, populi que fere Elidis omnes.  
 Nec te non veteres viderunt Arcades, unde  
 Pastorum genus est nostrum: Messenia & arva,  
 Unde tuus vates cognomina ducit Abedon: 520  
 Nec qui Taygeti pascunt juga, quique Erymanthi,  
 Et qui fatidicum potant torrentibus undis  
 Cephysum, baccatumque Eurotam undique ripis,  
 Argique, Spartaeque, Agamemnoniaeque Mycenae,  
 Ruderibusque suis haud dudum effossa Corinthus. 525  
 Nam quos, Virgo, tuos animos sensusque fuisse  
 Crediderim, magno dum nomine conspicias urbes  
 Tot magnorum hominum matres, rerumque potentes  
 Quae fuerint, pene everfas, peneque sepultas,  
 Vix uti nunc valeas ipsas cognoscere in ipsis? 530  
 Qui pote non tantae nimis indoluisset ruinae,  
 Et



Et male non illi genti dixisse, adeo quos  
 Discordes animis transversos egit inanis  
 Ambitio, stulta & levitas, & caeca libido,  
 Culmine uti e tanto tantas stulti ruerent res? 535  
 Prisci autem si quid decoris manet, artibus unis  
 Palladis id servant, unaque tuentur Athenae.  
 Cui tu post Megaras succedens protinus urbi,  
 Impigra opus coeptum urges, ac mortalia passim  
 Pectora abundanti perfundis flumine linguae: 540  
 Sustollensque alte jam pactae insigne salutis,  
 Foedera conclamas Christi percussa cruore.  
 Cives hic autem studio novitatis adesse  
 Omnes, atque tuo pendere loquentis ab ore,  
 Tanta admirantes verborum pondera, tamque 545  
 Eximium formae decus, & tua dicta probare.  
 Nec mora, nec requies, alias excurris ad oras,  
 Omnia collustrans late loca, quae mare circum,  
 Aemoniusque Oetas claudit, Pindusque nivalis.  
 Nullusque est adeo populus, quin iussa faceffat, 550  
 Legesque accipiat sanctas: sic mollia fando  
 Fingis corda premens; sic sponsus & adjuvat ipse.  
 Haecenus ex animo procedunt omnia: quamvis  
 Non satis ex animo vitas, quae plurima passi  
 Heroes illi magni, per tela per hostes 555  
 Qui crucis intulerunt primi victricia signa  
 In partes terrarum omnes, & sanguine fuso  
 Projecere animas: quorum stat facta imitari.  
 Namque animos aequos facile, mentemque benignam  
 In te, nempe suam, vanissima Grajugenarum 560  
 Gens subito accepit, summae dans id sibi laudi,

Vel tales gignat si Graecia docta puellas.  
 Res alia at vero, varios si moribus usquam  
 Mortales attentes, barbariemque lacesas.  
 Ergo ubi Chaonios saltus, & litora tandem 565  
 Pervadis, rate conscensa, pelagoque remenso;  
 Italiam repetis, Romam impietatis ad ipsam  
 Accelerans arcem, quam demum ingressa, frequentem  
 Saepe doces populum vitae praecepta beatæ:  
 Incusausque hominum scelerosa atque impia facta, 570  
 Veridicis purgas mortalia pectora dictis.  
 Et jam sponfus adest, viresque, animosque ministrat:  
 Verbaque dat, verbisque fidem; datque omnia, quae vis,  
 Te posse efficere, humanos superantia sensus.  
 Jamque facis passim innumeralia lucra animarum; 575  
 Lucra tamen, quae pene tuo tibi funere consent,  
 Ni tu lucra putes, caris pro fratribus omne  
 Supplicium, & quamvis letum crudele subire.  
 Sed tu caeca nimis gens perfida Iudaeorum!  
 Nempe tibi haud magnum satis insanisse videris, 580  
 Caelestem diro mergis dum funere regem,  
 Illius extinguis nisi nomen, discipulosque  
 Infectere odiis. Quin tete respicis ipsam,  
 Quam sis exul inops, magnum dispersa per orbem,  
 Et superis simul invisa, & mortalibus aequae? 585  
 Ecce tua modo fit culpa studioque maligno,  
 Tam grave uti nostrae, placido vel tempore, bellum  
 Insurgat subito Venerae. Sed perdis & omnes  
 Hic etiam incassum vires: quoque acrius urges  
 Eruere, hoc Christi regnum magis una propagas. 590  
 Et jam non illam possunt aut mollia fatu,

Ullius aut minimum crudelia flectere dicta;  
 Non carcer, manicaeque movent; non lamina & ignis;  
 Lactea sacrato non ubera pectore vulsa;  
 Robora non duplicis ligni, clavique tenaces; 595  
 Nec super imposita scopuli pars magna jacentem:  
 Omnia enim superat victrix, & munere sponfi  
 Sana vices nullas vitat, rerumque pericla:  
 Quin, ingens veluti sublimi in vertice Tauri  
 Proceros dura ramos attonsa bipenni 600  
 Ilex, majores & opes, viresque animosque;  
 Per damna, & caedes ferro sibi quaerit ab ipso.  
 Fortunata nimis! cupida quod mente petebas,  
 Tormenti haud ullum desit genus. Undat ahenum,  
 Exultatque labris sevo, pice, crasso & olivo. 605  
 Tuque rosas inter veluti versere, frequentem  
 Alloqueris placide turbam, quantumque videntem  
 Viventemque Deum, lapidesque, & numina ligna  
 Interfit monstras, quorum nil tale viderent.  
 Jamque omnes fremere, & jam sacra abolenda priorum, 610  
 Cessandum & vanis rerum clamare; satis jam  
 Sanguinis innocui fufum; populata sat arva  
 Agricolis; sat vastatas & civibus urbes.  
 Jamque adeo exsiliens medius non Orphitus ipse  
 Urbi Praefectus potis est compescere plebem 615  
 Exultantem animis, fustelque & saxa minantem.  
 Dum tamen ingenti nequicquam voce quiritat,  
 Nilque admirandi hic omnino praedicat esse,  
 Monstrive, extinctis si frigeat ignibus olla;  
 Ecce oculos subito ferventi aspergine massae 620  
 Perfusus, dulci privatur lumine Solis:

Ten-

Tendentem vero duplices ad fidera palmas,  
 Et sua damnantem crudelia & impia facta,  
 Tranquillo esse jubes animo: simul omnibus alte  
 Visa hominum nullo, mirum! molimine tolli, 625  
 Ac terrae statui, haud vestes, haud laesa capillum: &  
 Concinnare lutum sputo, Christi inque vocato  
 Nomine, signare illi oculos, ac reddere lucem.

Fortunata animi! tacitum quae gaudia pectus  
 Pertentasse tuum dicam, quum tanta videres 630  
 Tam parvo tibi stare lucra? Hic jam millia multa  
 Sunt hominum quaesita Deo, quaesitus & ipse  
 Orphitus in primis, claro qui cedit honori,  
 Omnibus & rebus, caeli correptus amore.

Aspera nulla tibi tamen hic speranda supersunt, 635  
 Conversis hominum studiis: aliaeque petendae  
 Orae. Si quaeras, est proxima Thuscia, fibras  
 Scrutari solers pecudum: est antiquus & Umber,  
 Plurimus errores etiam qui nutrit avitos.

Sunt Ligures: sunt & Galli, tua busta, togati: 640  
 Totque aliae gentes: sed te miseratus ab alto,  
 Quam tres atque decem legatio longa fatigat  
 Annos, haud patitur differri praemia, laudi  
 Quae sint digna tuae; Mediolanumque dat esse  
 Tantorum requiem Genitor, metamque laborum. 645

O nimum vero felix Agathonia Virgo!

Quae si non patria in Locro, saltem urbe parentum  
 In patria occumbis, collum submissa securi:  
 Ut nec cognatum lacrymae, neque funeris ullus  
 Desit honos: multo ante alias felicior autem, 650  
 Quae decore aucta novo, quod adhuc tibi contigit uni,  
 In-

Ingredieris magno insignis super astra triumpho,  
 Aurata triplici a sponso redimita corona.  
 Salve, diva Venus, virgo o fortissima, salve.  
 Haud alia, intacto aetatis quae flore, profusa 655  
 Atque anima, aeterni sit Regis adepta hymenaeos,  
 Audeat ire prior, tecum & contendere honore.  
 Illum incedentem per lilia tu Genitricem  
 Proxima post magnam, claro spectabilis auro,  
 Pictaque in palla sequeris, ductasque choreas. 660  
 Aspice nos oro: ac tantas miserata ruinas  
 Communis patriae, meliorem, da prece, mentem  
 Accipiant cives. Vigeat da coetus in aevum  
 Pastorum noster: nihil &, te praeside, iniqui  
 Aut ferat, aut faciat: longum & da vivat Abedon; 665  
 Quo parere ipse queat, quae plurima parturit, & te  
 Saepe alias, aliisque modis celebrare canendo.

F I N I S.

IN

## THERESIAE MARIAE GRIMOALDAE

## SUAM AD URBEM LOCROS GRATULATIO.

**V**Enisti tandem, Ligurina, tuusque Locrensem  
 In populum pervicit amor. Nihil Apennini  
 Ardua, praeruptis nil cautibus, aspraeque dumis,  
 Duraque tanta viae obstiterunt, quin ocyus ires  
 Hanc nostram, licuit quum primum, invisere ad urbem:  
 Jamque vides, gaudensque vides, minitantia caelo  
 Saxa, aedesque deum sanctas, arcesque Locrorum  
 Aerias super extantes: tanta, æquora ponti,  
 Aequora tanta agri, ad zephyros tendentia & euros,  
 Oppidaque, & pagos, & circum rura beata: 10  
 Quae sane poterat species pulcherrima rerum  
 Hospitis una tuos oculosque animosque tenere.  
 Sed nihil est horum, viso quo tangeris aequae,  
 Atque pio populi studio, qui effusus apertis  
 Haud aliter portis, quam tempestate coorta 15  
 Collectus subito nostris e montibus imber  
 Praecipitans, late sitientis aperta Meryci  
 Arva sternit aquis; venit obvius, agmine inundans  
 Strata viae denso, ac dominam, matremque salutat,  
 Magnanimamque bonamque: ingens ferit aethera clamor. 20  
 Ast multo majora tuum mox gaudia pectus  
 Crediderim tetigisse tamen, quum moenia nostra  
 Ingrediens, reliqui servas omnino fuisse  
 Nil factum, studia in tete mage clara paterent

No-

Nostra, tuoque minus quo serviretur honori.  
 Clarifonis late bombis circumtonat aer:  
 Subtremit & pedibus tellus excussa: viaeque,  
 Quis itur, festa sternuntur fronde per urbem.  
 Gestit laetitia plebs immemor ante malorum,  
 Vivendi & studio concursat: nec fatis illi est  
 Te vidisse semel: matres, pueri, atque puellae  
 Aedibus e summis flores, viridesque corollas  
 Floribus intextas spargunt; simul & bona verba  
 Multa iterant alii passim, & famulantur eunti.  
 Haecenus haec cives; at ludos mutua nostros  
 Edere nunc tempus nostro de more, brevesque  
 Suaviter has cessantis herae oblectarier horas,  
 O socii: tempus nunc, nunc, agitare choreas,  
 Et duris terram pedibus dispellere matrem,  
 Ac dulces risus, clarosque excire cachinnos:  
 Nunc calamos inflare leves; nunc cymbala palmis  
 Percutere, ac varios numeris nunc ludere versus.  
 Eja agite ergo boni, Phoebæ devota, novemque,  
 Docta cohors, musis; vires promatis oportet  
 Nunc vestras omnes, coetum & celebretis ovantes.  
 Ipse adero; fessusque adeo sum quamlibet annis,  
 Cana tamen viridi velatus tempora fronde,  
 Et restim ductans saltabo, raucifonaque  
 Voce canam ut potero. Nemo hic me dixerit ullas  
 Vitavisse vices: nemo accusarit inertem.  
 Et jam jamque mihi video viresque animosque  
 Crescere, & antiquo suffundi membra calore;  
 Quin etiam tenuem simul ipsam assurgere vocem,  
 Altas conantem res consecrarier ipsas,

D

Quae

Quae sunt in manibus, grandesque accedere ad orsus,  
 Rustica quos nunquam queat ipsa aequare furro  
 Fistula tam tenui, septem compacta cicutis.  
 Pastorum nec enim, molli distentus in herba  
 Fluminis ad ripas, umbraque sub arboris altae  
 Hic meditor curas, queis jam sunt omnia plena: 60  
 Sed magnas magno virtutes ore canendum,  
 Altaque mi sumpsi matronae principis acta,  
 Quae prope jam meritis divos accedit ad ipsos.  
 Quod faustum felix fortunatumque sit ergo,  
 Expectata diu venit, jam denique tandem  
 Venit hera. Ergo animis cives, linguisque favete,  
 Et super haec alacres alte bona dicite verba.  
 Dicite io cives, io io vos dicite vates.  
 Venit noster amor, spes nostraque, quae potis una  
 Sit, miserisque velit nostris succurrere rebus. 70  
 Venerat atque prius, si non rationibus esset  
 Tot tantisque suis graviter servire coacta:  
 Et non dira fames etiam invasisset in oras  
 Illas occiduas regni; quam pellere pestem  
 Cura fuit prior, atque huc post ocyus ire.  
 Serius at multo venit, citiusque penates  
 Plus etiam nimio ad patrios reditura. Quid ergo?  
 Ergo, ajunt, quid moliri, quid discere rerum  
 Nostrarum poterit tam paucis illa diebus,  
 Tot turbis, abituque adeo distenta propinquo? 80  
 Solvite corde metu, aegrasque has ponite curas;  
 Namque diu est, partem magnam quum docta laborum  
 Et causas est nostrorum, mihi credite cives.  
 Nec fieri pote, (cui celsi regnator olympi

Prin-



Principio dedit esse bonae humanaeque benignaeque,  
 Et cui tanta fides, res tanta, & gratia tanta est )  
 Non illam similemque sui, auxilioque paratam  
 Esse hominum semper, qui sorte premantur iniqua,  
 Nos uti nunc premimur, casus queis ultimus instat.

Nam quae fortunae afflueret tot femina princeps 90

Muneribus, primaque esset formosa juventa,  
 Delicias cur illa domus, patriaeque perennes,  
 Regalesque frui nollet? cur dulcia, natas,  
 Pignora defereret, tantum & telluris obiret,  
 Ultima ad Ausoniae dum visere regna veniret?  
 Cur facilesque aditus, bipotentia & ostia velis  
 Praebet suspensis, pronasque dat omnibus aures,  
 Multa super multis rogitans, reddensque vicissim?  
 Scilicet id spectat: mores vult discere primum  
 Quales sint hominum, & partem quae facta in utramq. 100  
 Anne aliqua & sit, quae miserorum sanguine hirudo  
 Turgeat exhausto: aut populi quis rector; honore  
 Fulgeat aut alio quisquam, seseque superbe,  
 Injusteque, avideque gerat: quaeque oppida pestes  
 Pessundent fortasse aliae, morbique maligni.  
 Cuncta sua memori servat quae mente reposta,  
 Rerum momenta expectans; ut quamlibet absens,  
 Tempore provisum nostrae velit esse saluti.

Nimirum recte sapiens tu femina haberis;

Quippe nihil temere adgrederis, nil & facis unquam, 110  
 Ni lente placideque, &, uti jam sueta, modeste;  
 Tam celer, ac certa est tua perspicientia veri.  
 Quod dictum ille quidem solus mirabitur hospes,  
 Qui grandi ignoret te natam ac principe in urbe,

Et Genuae natam, quae fortia pectora cives  
 Urbs foecunda animis in cunctas parturit horas;  
 Quique sua prudens nolit cum mente putare,  
 Num plerumque alios, quae iusti mater & aequi est,  
 Libera & ipsa sibi imperitat sapientia, ( si quae 120  
 Est tamen in nostris etiam sapientia terris )  
 Illa velit coetus hominum celebrare aliorum,  
 Quam quibus immineat nemo, nempe imperet ullus,  
 Atque ubi sit legum majestas una verenda.  
 Quorum ego nunc hominum si fortia dicere facta  
 Coner, & aeternae jam tradita nomina famae,  
 Ante diem referet referato Phoebus Olympo,  
 Atque diem tenebris obducat mutua Vesper,  
 Quam capita ipsa queam rerum percurrere summa.  
 Quin nihil alta modo refert tentare canendo 130  
 Tantaе urbis laudum pelage, quae nomen & arma  
 Diffudit victrix, omnes Lybiaeque Asiaeque  
 Europaeque per oras, quot cano mare fluctu  
 Alluit interius primis a Gadiis usque  
 Tarda ad Hyperboreas tolerantes plaustra lacunas.  
 Quae egregium prorsus quidquam ut ne gesserit unquam:  
 Et pia Romulei sacrorum regis ad arma  
 Vel nutu Ligures cessarint ire aliquando;  
 Quod certe haud factum; & non quo pietasque fidesque  
 Aut laus, aut iustus raperet dolor, iraque iusta, 140  
 Irruerint alacres: sanctamque Syonis ad urbem,  
 Perque agros, quos Cidnus aquis fecat: Ioniosque  
 Quos despectat Athos, fluctus: superumque per aequor:  
 Atque ubi Tyrrheno surgunt infamia saxa,  
 Saxa Patrum sacro, infandum! polluta cruore:

At-

Atque alibi haud magnum gestum, & mirabile quicquam:  
 Tantumque id gestum fuerit quod vidimus omnes  
 Pene oculis, ingens facinus, quo pulchrius unquam  
 Nulla dies vidit, fortasse & nulla videbit;  
 Militiae bello indomitae quum denique cives 150  
 Defessi hospitio longoque gravique, repente  
 Jam refides licet ipsi pridem, atque arma perosi,  
 Excussere foras tamen illam, & comminus ausi  
 Stare diu contra, ac paribus concurrere in armis;  
 Non facile hinc possent omnes ediscere gentes,  
 Nil esse omnino caussae, cur nomina nostra  
 Prae se tam spernant Italum, placeantque sibi ipsae?  
 Ergo o tu nimium felix Grimoalda, potentem  
 Regalemque tuis hanc cui natalibus urbem,  
 Atque alte a Gothico magnorum sanguine regum 160  
 Nobile tot per avos ductum genus invenisse  
 Sorte datum! qui divitiis opibusque vigentes,  
 Fretique ingenio, magnis & honoribus aucti;  
 Seu tu militiam, creperique opera horrida belli,  
 Seu placidae spectes praedulcia tempora pacis,  
 Consilioque, manuque boni, tam naviter omni  
 Tempore rem gessere & fortiter, & sapienter,  
 Vivat uti illorum per saecula fama superstes.  
 Vel rebus sacris qui se addixere volentes,  
 Virtutisque ergo summos ad laudis honores 170  
 Mature evecti, sacri implevere senatus  
 Seu numerum, pileo, ac trabea circumdati & ostro;  
 Tempora sive illi viridi texere galeo;  
 Praepositique duces populis, fideique magistri;  
 Quanta & ii gentis decora, aetatibus fuere

Lu-

Lumina quisque suae, repetitaque nomina fastis,  
Gloria & in laetos quanta hinc diffusa nepotes!

Et vero inficias quis eat, natalia in ampla

Sit quicumque domo fortunataque potitus:

Porticibusque idem longis, passimque per aedes 180

Magnanimum servet veros referentia avorum

Vultus signa puer, titulosque & nomina discat,

Non illum magno donatum munere divum?

Quum valide hinc stimuli, conanti addantur ad aspram

Sentibus ire viam, ac montem superare beatum?

Quamvis haud ollis opus haec, queis maximus optat

Eximiis uti divum pater, atque hominum rex.

Illos namque solens tali dat mente vigere,

Reginae facile ut rationis, honesta monentis,

Iussa queant, laudemque sequi re semper in omni: 190

Qualis nostra fuit, mature effusus ab alto

Cui favor accessit tantus, cui & tanta bonorum

Addita sedulitas, doctrinaque fida parentum,

Vertere uti facile, et si parvula, quiverit ante

Virtutem, accipere & curas, animosque seniles.

Atque o cordatos hominum aetas prima parentes

Doctores nanciscatur, castosque pioque,

Custodesque unos vitae; nec protinus ulli

Dedatur, veluti noxae, famulo, argutove,

Ut sit saepe, magistello; servilia morum 200

Certe nulla trahat contagia; nullaque discat

Nulla usu, sibi quin fraudi quandoque futura.

At te Socratica genitor cui factus ab arte,

Rerumque experiens, ac servantissimus aequi

Obtigit, & genitrix pietatis plena, animique

Illa etiam magni lectissima femina, qualem  
 Brignolio fuerat par esse e sanguine cretam,  
 Qui recte saperent, illas doctam voluerunt  
 Artes praecipue, bene quas calleret uterque,  
 Ac te discere oporteret, quae sola caducam  
 210 Servatura domum fueras, recturaque avito  
 Jure populos tantos cari post funera patris.  
 Talibus ergo domi quae sis doctoribus usa,  
 Ac tali facta ingenio, non te otia luxu  
 Languida, non ullae vitiorum avertere recto  
 Illecebrae potuere, scatet quis plurima primum  
 Amens tot vanis rerum decepta juvenus.  
 Sed nunc vel patris pendere loquentis ab ore,  
 Ac verba illius, sapientia & aurea verba,  
 Singula colligere, ac animo signare reposta;  
 220 Aures vel matri intentas praebere, pudoris  
 Atque pudicitiae repetenti exempla priorum  
 Multa, novique aevi: tum denique cuncta docenti,  
 Quae gnatas, quo tu numeroque locoque, decerent.  
 Demum pingere acu, aut alias res auribus aptas,  
 Aut oculis, animi causa, usurpare aliquando;  
 Quis tamen in rebus mixtum foret utile dulci.  
 Cum primis pietati autem, cultuque deorum  
 ( Justitiae munus quod primum, praecipuumque est )  
 Castoque assiduoque operam dare: denique nulli  
 230 Officio prorsum in divos, hominesque deesse.  
 Nempe Deo tu cara nimis, Ligurina, tuaque  
 Carus & ipse tuus genitor causa: omnia quando,  
 Maxime uti vellet, cecidisse vel ultima vidit.  
 Vidit enim prolata seni sibi tempora vitae,

Dum

Dum tu, sollicitas quae curas illius omnes  
 Ad te traheres, esses grandiuscula facta,  
 Ac matura viro, primis & nubilis annis;  
 Posset uti pactos dudum celebrare hymenaeos  
 Sidere cum sauto tandem, cupidoque volentem 240  
 Tradere te juveni; quo non praestantior alter  
 Mille procos inter pietate fideque repertus,  
 Seu facie melior, sive ore decentior ullus,  
 Atque magis cui cor saperet, qui strenuus esset.  
 Tradidit; & pulchram primo cum tempore prolem,  
 Perpulchram sane prolem, factamque putares  
 Quam Charitum manibus, demissamque aethere ab alto,  
 Vidit ovans, teque incolumi, quam maxime amabat.  
 Inde aliam sexu similem formaque priorem  
 Vidit, seque duas circum jam ludere neptes. 250  
 Viderat & sexus etiam quandoque virilis  
 Germina multa procul dubio, nisi dura negassent  
 Ipsa tuae valide minitancia fata, juventae,  
 Quandocumque novum dein alvo onus accepisses.  
 Quod tamen haud potuit sapienti, omnesque parato  
 Ad casus, aegri quicquam apportare; minusque  
 Hoc etiam multo, prudens quod nempe videbat,  
 Praeclaramque domum rursus, gentisque vetustae  
 Nomina cognato defendi sanguine posse.  
 Atque hinc ex illo castum servare cubile; 260  
 Tuque virum, fratris; vir te instar habere sororis;  
 Praetereaque tamen vobis communia cuncta,  
 Quippe bonis, vere & vos inter amantibus, esse.  
 Atque tuum hinc etiam magis inclarescere nomen,  
 Extollique astris animi admirabile robur;

Cui

Cui postquam tantum inflixit fors improba vulnus ,  
 Spesque omnino omnis foret abjicienda virilis ,  
 Qua cupide ardebas, sobolis, nec te ulla manerent  
 In primo nitidae versantem flore juventae  
 Praemia jam posthac ab foedere certa jugali; 270  
 Tu tamen his rebus potuisti nulla moveri,  
 Docta satis subitos casus, qui avertier ullo  
 Consilio nequeunt, contemnere fortiter omnes .  
 Ast aliunde etiam ingens est tibi gloria parta :  
 Quod veri, rectique tenax: quod relligiosa :  
 Quod pia: quod fastu nullo generosa: quod aures  
 Remque operamque alacri studio promptoque sueta  
 Tradere, qui te cumque rogaret: denique quod nil  
 Usquam te melius, nihil & prope sanctius esset .  
 Atque equidem haud vereor, ne quis mea dicta, sodales, 280  
 Vestrorum in dubium revocet; qui sumere & illud  
 Docti, virtutes omnes simul esse jugatas ,  
 Communi & quodam copulatas vinculo, ut ulla  
 Haud ulli desit virtus, qui possidet unam :  
 Quique etiam mecum tam multa audistis, & una  
 Multa videtis herae praeclaraque honestaque facta ;  
 Ut pateat orbem hic illum constare beatum .  
 Praecipue illa autem, justae quae sedula custos ,  
 Qua late imperitat, cunctis mortalibus aequae  
 Jus dictum, tenui juxta, juxtaque potenti 290  
 Quam primis curare: illosque ex omnibus unos  
 Velle dioecetas, praetores, quaestoresque ,  
 Ambitione procul, quorum testator esset  
 Integritas, rebusque ipsis exercita virtus .  
 Nam quid ego memorem quam sit justissima & ipsa ,  
 E Quam

Quam clemens, dictisque eadem, factisque benigna,  
 Quandocumque homines veros sit nacta probosque,  
 Immeritos plerumque suum ludumque jocumque  
 Quos fortuna facit, solvendoque haud finit esse?

His etenim persaepe suo facilisque alacrisque  
 Concedit de jure, inductaque nomina clare,  
 Prolatamque diem jubet esse, atque illa minuta.

300

Nec fatis haec; de more etiam superaddit eisdem,  
 Munera muneribus cumulans, quot novit egenos  
 Atque humiles magis esse, suos quod debitor ille  
 Pistrini sensit non multis ante diebus  
 Conductor, cujus natam, quae venerat ad se  
 Oratura patri veniam, laxataque vincla,  
 Intuita ut Princeps est, admirataque valde  
 Eximium formae decus, auditque jugali  
 Haecenus haud vinclo necti potuisse, quod ulla  
 Dos esset nusquam infortunataeque inopique;  
 Magnanimae prior extemplo tunc excita virtus  
 Exarsit. Miserans ergo natamque patremque  
 Hunc missum facit, illam autem dote ampliter auget,  
 Ac juveni nuptam curat duroque bonoque.

Quid genere hoc laudis, quaeso, praeclarius, ipsi  
 Gratus atque Deo fieri, humanisque putandum est  
 Commodius rebus, quam ( quod facit una, decori  
 Custos haec Grimoalda ) operam navare, pudoris 320  
 Ut ne claustra semel proculcet, eoque malorum,  
 Unde pedem referat nunquam, prima irruat aetas?  
 Nec tamen ista semel, semel aut arisque operisque  
 Et divum templis pietate accedit ab hujus  
 Parvus honor, nitor & parvus: aut munera mystis

Par.



Parvola cinctus veniunt, famulisque deorum .  
 Quanta famem porro hinc pellit, vitamque tueretur  
 Undique egenorum plebes collecta; diurna  
 Quae petitura velut de more stipendia, postes  
 Sic conferta obsidit & atria longa palatj ! 330  
 Quantaque vel taciti hinc etiam munuscula honesti,  
 Quos retinet pudor, ac nulli finit esse molestos,  
 Saepe homines referunt, aegrae solatia vitae !  
 Invidi ergo tibi, meritoque, urbs inclyta, Terram  
 Quam p. tres dixere novam immemorabili ab aevo,  
 Anno quum primum, vester novus hospes, amice  
 Lauteque acceptus, potui res discere vestras,  
 Et studia, & cultus hominum moresque animosque,  
 Ac tua propitiae admirari munera sortis :  
 Et colles late exstantes, vallesque reductas, 340  
 Et campos & rura patri dilecta Lyaeo,  
 Et Cereri frugum dilecta, oleaeque Minervae  
 Inventrici; hortosque tuos, felicia & illa  
 Perpetuo Marnum tua flumine culta rigantem .  
 At non ista tibi invidi, quantumlibet alte  
 Suspicienda forent ( nam praestat vera fateri )  
 Sed dominae hospitium, unde auri tam larga videbam  
 In cives, novus arentes ut sanguis in artus,  
 Ire fluente tuos, alia & bona ferrier inde .  
 Nec tamen ipse mea feci, mihi credite, caussa, 350  
 Sed patriae, cui quisque suae velit esse beate .  
 Sed nolim nostros aliquis vitasse penates  
 Credat heram, sedemque alibi posuisse, quod urbem  
 Sperneret hanc nostram, magno quae nomine claret,  
 Quaque eadem magno claret cognomine Princeps .

Scilicet hoc tantum fuit. urbs haec nostra, quod inter  
 Austrosque, Eurosque ad mare pertinet, aeriisque  
 Montibus a tergo quasi clauditur undique septa,  
 Divisa ab reliquis ditionibus, occiduum quae  
 Ad mare pertingunt, viridantis & ora Metauri, 360  
 Opportuna minus visa est pro rebus agendis;  
 Abstinitque adeo nobis; nam caetera honestos  
 Quos habeat magis & caros re cernitur ipsa.

Quin est hic etiam dominae cur insuper ipsi  
 Gratuler ex animo: quod ibi, haud sine numine divum,  
 Praetulerit sedisse, ubi mentem explorare benignam  
 Mox potuit, simul & tantam sibi quaerere laudem,  
 Quanta famem fuit illa illis defendere ab oris.  
 Sidere nam primum fata laeta afflata maligno,  
 Ac subito cassas riguisse ut vidit aristas, 370  
 Atque dies pretio cerealia munera in omnes  
 Augeri magis ac magis; annonaeque repente  
 Desitui coeptum, desolarique macellum,  
 Fraude mala illorum, quorum terraque marique  
 Quod venit omne, sua id merx est priva, ut nihil esse,  
 Nil uti possit quisquam, nisi prosteret ab illis;  
 Continuo tenerae concepta matris in omnes  
 Cura pervigili, edicit, granaria quotquot  
 Sint sua, laxari, quo possit quisquis abuti.  
 Nec mora: Zancleas alios, aliosque Liburnas 380  
 Solertes homines, auri argentique talentis  
 Instructos magnis celerans allegat in oras,  
 Qui frumenta parent, referant atque ocys ad se,  
 Quo mature anni sarciri incommoda possent.  
 Nec tamen interea illa quidem cessare vel hilum

His coeptis. Liquido nunc, sese authore, jubere  
 Esse omnes animo; populo & simul aera frequenti,  
 Inque dies panem dare; nunc mittere in aedes,  
 Luce palam tenui, noctu melioribus; atque his  
 Saepe etiam id tritici praebere, quod ipsa propinquam 390  
 Crederet in messem domui satis esse tuendae;  
 Et nunc quos rigido trepidare videret ab algo  
 Hos operire nova, hos pignore veste reluta.  
 Credo equidem, nec vana fides: producere vitam  
 Nec famis imperia ulla pati, mala multa jubentis,  
 Perpaucos fane potuisse, hac absque fuisset.

Ecquam magnificam nos dicere verius unam  
 Possumus o socii? Genus huic: huic regia gaza,  
 Divitiaeque instar regum sunt: huic generique  
 Divitiisque pares animi: huic ratioque modusque est, 400  
 Quidquid agit rerum; quae tot modo pascit egentum  
 Millia; quae numum modo millia mille Aquilonum  
 Ac pelagi exponit rabie, Afrorumque rapinis  
 Praedonum, quaestu nullo; quam denique nulla,  
 Grandia quantumvis ea sint, dispendia mordent;  
 Haurit inexhaustis quando de fontibus, ac se  
 Esse hominem, natamque homini putat, haud sibi soli.

Nam quod saepe alii fastuque opibusque superbi  
 Sunt etiam proceres, qui falsa ab imagine veri  
 Decepti, & ludos ipsi, & spectacula stulto  
 Dant populo, & mimos, & ridicularia multa,  
 Armatisque pari cultuque statuque manipulis  
 Stripantur circum, quantumvis nulla timentes;  
 Hisque, hujusque modi rebus quandoque profusas  
 Jacturas ultro faciunt, studia ut sibi vulgi

Hoc

Hoc saltem pretio adjungant, famamque bonorum;  
 Non ego magnificos illos eapropter habebō.  
 Nam dare & accipere alternis; ventique moveri  
 Praecipue causa; & non ratione modoque  
 Ut quidquid agas, virtus ea nulla putanda est. 420

Ut tibi dent Pythiae, Theresia, longa senectae  
 Tempora dii faciles; numeris quando omnibus imple  
 Virtutes omnes: simul & mortalibus aegris,  
 Principibusque viris, vera ab regione viai  
 Devius incautos quoscumque averterit error,  
 Dent te velle sequi, his tenebris, nomenque parare  
 Ipsi etiam sibi praeclarum. Non munere in ullo  
 Officioque ulli peccent: nil desit & uni,  
 Quicquid habent, possuntque alii: & non tempora demum  
 Invideant nostri priscis Saturnia seclis. 430

Atque utinam tanto haud nobis fortuna negasset  
 Munere posse frui, nisi paucis inimica diebus.  
 Sperabamus enim, quam mox fore, te duce, Mater,  
 Praeque facem tollente, mei ut jam denique cives  
 Amplius haud vellent communi deesse saluti.  
 Sed curas tecum, quae nos tam diligis una,  
 Felicesque omnes vis esse, & maxime honestos,  
 Partiti, rei praesto essent nostraeque, suaeque:  
 Atque ita tum reduces ad nos probitasque, fidesque  
 Et pudor, & pietas, omnisque rediret honestas, 440  
 Ac doctae pone Aonides sequerentur ovantes:  
 Quas omnes nostris e sinibus ejecerunt  
 Dudum praecipites communia tempora; & ipsa  
 Hospita barbaries, scelere omni incesta nefando.  
 Sed te natarum revocat pia cura tuarum.

Quan-

Quarum quum referat duplex tibi parvulus orbis  
 Effigias, suetum laevae gestamen & aurum;  
 Haud pote non illas tibi saepe videre videri  
 Dissidia haec misere flentes tam longa, tuoque  
 Se penite exsculptas e pectore lamentantes.

430

Et facis ipsa quidem recte tu denique, ad illas  
 Quum properas; etenim refert tua, nostraque adaeque  
 Maxime, uti tenerae Euphemeque, Marinaque vitae  
 Non aliunde petant artem, quam matre magistra  
 Abs te, quae magna hac es & admirabilis arte.  
 Ergo age, teque viae, ne cessa, protinus infer,  
 Aurae dum spirant molles, & roscida vulgo  
 Pinguntur variis distincta coloribus arva,  
 Aestifer ut ne quid laedat te Phoebus euntem,  
 Quominus incolumis natas sospesque revisas,  
 Vade, vale, nostrumque memor sis usque tuorum.

---



---

 IN ASSUMPTIONE B. M. V.

## C A R M E N.

U T te Diva lubens laudo! ut mihi magnus eunti  
 In laudes, tuaque, alma Parens, praeconia, Phoebus  
 Dexter adest, animosque & vires sufficit ultro!  
 Tu meus unus amor, mea tu spes unica, cui me  
 Aetatemque meam & studia ingeniumque dicavi. 5  
 Nam quid ego volui abs te, Mater, conquecupivi  
 Unquam, quod non sis mihi largita benigne?  
 Aut ea parva quidem in meae quae munera confers?  
 Tu me, tu nigrae revocas a limine mortis  
 Lethali pressum morbo: tu mille pericla: 10  
 Tu das mille hominum technas vitare malorum:  
 Tu vires, & opes addis: tu nomen in urbe  
 Das aliquod, famamque boni, famamque diserti;  
 Vel magnam cum suscipio patriaeque, tuamque  
 In meae causam, Patribusque frequentibus oro. 15  
 Confortes utinam non me tam turpiter illi  
 Defererent, contra & starent: non & sua nostri  
 Lenti spectarent ingentia vulnera cives.  
 Ditia jam spolia illa manu raptoris avari  
 Ipse extorxissem: tua non modo templa procellas 20  
 Acciperent omnes, pluviasque, animasque Aquilonum:  
 Non facerent, rimosa adeo & suffossa, ruinam.

Aft

f.

41  
 Ast aliter tamen est tibi visum: scilicet alti  
 Conscia consilii, majus tu mente animoque  
 Versabas opus, ac nobis, Regina, studebas. 25  
 Ergo ubi praedo novos animos capit inde, furitque  
 Ut liber campis sonipes admissus apertis;  
 Contemptorque deum miscet fasque omne nefasque:  
 Ac fessi cives odiis tum denique justis  
 Exardent, rapiuntque in jus, me actore, meoque 30  
 Gallo, nequam illum; magni tu Judicis aures  
 Das nobis pronas, Virgo, mentemque benignam.  
 Vincimus ergo, tua freti virtute, meosque  
 Servitio duro cives absolvimus omnes.  
 Hinc ego victor ovans, magno comes additus illi, 35  
 Qui bonus afflictis unus succurrere rebus  
 Inventus, patriam ingredior, carosque reviso.  
 Haec cum accepta tibi referam tot tantaque, Virgo,  
 Speremque abs te etiam multo majora, profecto  
 Non mea sacra unquam deerunt, non munera faxo, 40  
 Quae tua cunque dies celebretur festa quotannis.  
 Nunc alios quando nequeo tibi solvere honores,  
 Ascensumque tuum in caelum de more frequentes,  
 Laeta cohors, cives recolunt, haud segnis & ipse  
 Ire tuas adsum in laudes, cantusque movere. 45  
 Ast humana tamen quatenam solertia de te  
 Praedicet, o Virgo, quod sit te denique dignum:  
 Aligeri quando vates, caelestis origo,  
 Vix tentare audent laudum pelage alta tuarum?  
 Nam quatenam terris unquam sunt parta, polove 50  
 Gaudia, quae certe sunt saepe, & maxima parta,  
 Quae non parta tua sint omnia pleraque causa?

Tu rerum dominum, regem divumque hominumque  
 Aeterno vinctum divini vulnere amoris,  
 Stelliferique alto deductum culmine caeli 55  
 In gremium, formosa, tuum, mortalibus aegris  
 Concilias; per te genitor quam obstruxerat Adam,  
 Credulus heu nimium matri, referatur Olympi  
 Janua: te propter laetantur regna beata  
 Civibus aucta novis: laetatur libera vinclis 60  
 Per te gens hominum, inque epulas admissa deorum.  
 Sed quid ego his autem longum nunc immoror? anne  
 Non haec festa dies, quam laeti agitamus, & ipsa  
 Laetities proprias, proprios sibi poscit honores?  
 Et vero poscit, quando ullo haud tempore quidquam 65  
 Est superisque datum simile, humanisque videre,  
 Nec certe dabitur: caeli terraeque marisque  
 Reginam magno evectam super astra triumpho.  
 Jamque mihi videor, Virgo, te cernere euntem,  
 Cernere & aligeros caeli omniparentis alumnos 70  
 Laetos te circum volitantes agmine longo  
 Ire, redire vias. Jam illorum exaudio voces  
 Clarifonas. Mariam Mariam plagae aetheris omnes  
 En resonant: Mariam referunt silvaeque profundae,  
 Atque humiles valles, montes, cava saxa, lacusque. 75  
 Palmiferae pastor summo de vertice Idumes,  
 Et qui rura Tabor pascit, Galilaeaeque arva,  
 Et quos Jordanis longum determinat agros,  
 Exsilit, aériasque vias ecce ordine longo  
 Flammarum lucescentes, convexaque caeli 80  
 Jam Mariam Mariam resonantia demiratur,  
 Obtutuque haeret tacitus defixus eodem.

Par-



Parte alia video discedere magna Sionis 43  
 Moenia caelestis: video plateasque viasque  
 Floribus instratas variis: passimque per urbem 85  
 Divorum festis velatas frondibus aedes .  
 Atque acies ecce auratas, civesque beatos  
 Moenibus effundi: in primis en aspice ut ipsa  
 Sanctorum pia turba Patrum venit obvia cursu,  
 Grataturque suae, & laetans famulatur eunti! 90  
 Denique eam Natus, rerum sator, advenientem  
 Excipit, & carae protendens brachia Matri,  
 Optatos petit amplexus: dextraque prehensam,  
 AEterno sistit Patri: aeternusque decorae  
 Affigit fronti Pater osculum: & haud mora circum 95  
 Imponit stellis diadema ardentibus aptum,  
 Sublimique locat folio, cui argentea luna,  
 Cui sol auricomus, cui sidera substernuntur:  
 Atque Deam caeli, terraeque dat esse potentem.  
 Salve magna parens, Virgo, decus addita divis: 100  
 Addita praesidium humanis, Virgo inclitya, rebus.  
 Tu face, namque potes, mea ne vota irrita venti  
 Discerpant rapidi. Longum da munere tanto  
 Posse frui, longo quo nos post tempore tandem  
 Donaasti. Sat jampridem impia facta parentum, 105  
 Nostraque nos luimus: finem da, Virgo, laborum  
 Tantorum. Salvum Locrensisbus incolumemque  
 Hunc tu, Virgo, virum serva: spes omnis in illo est.  
 Tum me quaeso tibi semper da posse placere  
 AEternoque tuo gnato: & quae tempora vitae 110  
 Omnia direxisti mea jam, quicumque laboris,  
 AEvique est nostri reliquus, tu dirige cursum:

Quo possim tandem emerſus tot fluctibus atris  
Tangere felicem patriam, & tua regna potiri.

## C A R M E N.

VIdi animis juxta meſſorem, ac viribus auſtum  
 Procurva ſegetem in magnam ſe immittere falce  
 Triticeam: late & jaſtantiem brachia circum  
 Sole ſub ardenti flaventes ſtringere culmos,  
 Ac gravibus paſſim ſtupas onerare manipulis.  
 Pone autem laetas vidi longo ordine nymphas,  
 Tempora velatas viridanti ex fronde corollis  
 Et ſpicas legere, inque ſinus inferre caducas,  
 Undique dulciſono mulcentes aera cantu.  
 Haud aliter mihi Nicoleos modo viſus inire 10  
 Immenſam in ſegetem laudum, pateq; alme, tuarum:  
 Nicoleos juris columen, Themidisque ſacerdos:  
 Unus qui ingenio & bonus unus flumine linguae  
 Virtutes tentare tuas, & grandia facta,  
 Seu juncto canere ipſe velit pede, ſive ſoluto, 15  
 Nec numero innumero rerum, nec mole moveri.  
 Haud aliter laudes modo ſunt decerpere viſi  
 Ille tuas, ac ille tuas, numerisque, modiſque  
 Omnibus ornatę noſtri componere vates;  
 Egregii vates, adeo quos carminis auſtor 20  
 Phoebus amat, cytharaque ſua dignatur Apollo,  
 Magnorumque virum magnis virtutibus aequat.

Ergo,

Ergo forte tua felix o tēque quaterque,  
 Caesar, tantorum vatum cui militat ardens  
 Virtus, pastorumque manus cui serviet ingens, 25  
 Latoo gens sacra deo, Nonacria pubes,  
 Quae incolere ad nostros Locrum nunc mittitur agros!  
 Quos inter parvus feret & sua munera pastor  
 Pastori magno, & te, te cantabit Abedon.  
 Cantabit lenem, facilem, in miserosque benignum, 30  
 Tum vita integrum casta, iustumque, piumque;  
 Assiduamque tuam in divos operam canet, atque  
 Ingenium studiis cultum omnibus, exque politum.  
 Tu modo respectes homines, queis pectus honesto  
 Incoctum, & vere queis nemo objecerit ullam 35  
 In vita maculam; turpes autem quibus imperat auri  
 Sacra fames, animi falsos, cervice putare  
 Obstipa nolito bonos, augere, fovere:  
 Illos negligere autem: culpa tu ne aliena  
 Flagres, qui ipse vacas propria; cuiusque sed aequus, 40  
 Aequa pro meritis trutina, sua praemia reddes.  
 Naviter id perge ergo operam dare, quo magis omnes  
 Hinc tua pervideas ire in praeconia linguas:  
 Ac magis ipse Deo placeas, nobisque, tibi que  
 Semper, laetitia & semper tangere recenti. 45  
 Namque erit ut reduces videas mox ire sorores  
 Aonias ad nos: juga tam Parnassia montis  
 His nostris mutare jugis, mutareque fontem  
 Castalium, ingenuo manat quo Francica fonte;  
 Hic agitare choros, certasque hic figere sedes. 50  
 Quas inter medius tu noster, Apollinis instar,  
 Caesar eris, dabis & praesens in carmina vires.

Carmina nostra, tuum tollentia ad aethera nomen:  
Carmina, quae possit nulla unquam abolere vetustas.

## IN NATIVITATE DOMINI

### C A R M E N.

Silicet huc bonitas tua te, rex magne deorum,  
Impulit, unigenam caelo demittere ab alto  
Ut velles gnatum, mortali in veste sacerdos  
Esset qui nostra, simul esset & hostia, qua nos  
Ab scelere antiquo, concreta & labe parentum  
Ablueret, crucis horrendam facturus ad aram!  
Nam, malefane pater, quae tanta infania, quatenam  
Arboris & vetitae illa fuit tua dira cupido,  
Imperium summi imbiberes uti temnere regis,  
Tantumque induere in fraudem teteque, nepotesque, 10  
Ac genus omne tuum? Ex illo nam pallida terris  
Incubuit mors, ac morborum exercitus omnis:  
Vecors ira, metus, & amor sceleratus habendi,  
Ambitioque mala. Et vero nos funditus omnes  
Perdideras, morti addictos, scelerisque luelae, 15  
Ni cladem tantam miseratus, ab aethere summo  
Demum ferret opem divum pater ipse, hominumque.  
Ergo ubi finita adfuerunt jam tempora primum,  
Hebdomadesque actae denae sunt denique septem,  
Ultimaque advenit Cumaei carminis aetas; 20

Aurea

Aurea tecta poli linquens, sedesque beatas,  
 Nate patris summi, ac terram delatus ad imam,  
 Conderis intactae sacrata virginis alvo.

Fortunata nimis, virgo, quam magnus Olympi

Rex, dominus rerum, tanto dignatus honore est, 35

AEquaeuum ut gnatum, per quem sunt cuncta creata,

Et maria, & terrae, & caelum, & candentia caeli

Sidera, totque hominum secla, & tot secla ferarum,

AEternum, immensum, quem totus non capit orbis,

Gestares, decimo & pareres post denique mense. 30

Quis te, quis possit partus celebrare verendos,

Diva, tuos, digno quis possit tollere cantu?

Non ego, cui gelidus circum praecordia sanguis,

Cui senio vires fractae, ac exilior est vox.

Ergo vicem focii vos, vos, vestramque, meamque 35

Pastores, decus Arcadiae, cantare periti;

Et quibus integrae juvenili in corpore vires,

Vos celebrare pii matrem, natumque canendo.

Et vero nostrae quae sunt communia sacra

Ac mores gentis, magnum quae sparsa per orbem, 40

Servandum nobis: decet atque exempla beatae

Illa sequi noctis, magni quae conscia partus,

Tempore post tanto demum mortalibus aegris

Attulit optatam lucem, finemque laborum.

Qua nocte excubias agitant dum Bethlema circum 45

Pastores, ovibusque cavent de more per agros,

En tonere, en subito compleri lumine caelum,

Aliger & juvenis caelo descendere aperto,

Insignis forma, claraque in luce coruscus,

Atque illos sic affari: Timor omnis abesto, 50

Pa-

Pastores, superis gens acceptissima divis:  
 Ne trepidate, bonus vobis nam nuncius adsum.  
 Servator vestri, ac populi nunc denique natus;  
 Et mundo expectata salus nunc denique parta est.  
 Ite agite, & magni cunas invisite regis: 35

Cunas, quas durum sternit praesepe sub antro.  
 Vix ea fatus erat, laetum & paeana per auras  
 Auditum: visaeque armisque auroque decorae  
 Caelestes acies, ac versicoloribus alis  
 Exercere choros, ac gaudia spargere terris. 60  
 Quois acti visis, faciunt caelestia jussa  
 Pastores, antrumque petunt, mora nulla, frequentes:  
 Et sua quisque ferunt, anni pro tempore, proque  
 Fortunis cujusque, agrestia munera laeti.  
 Hic super impositum stipulae puerum, inque volutum, 65  
 Ut didicere, vident pannis: matremque virumque  
 Matris: & ingenti mentem dulcedine tacti  
 Munera dant sua, quae tulerunt, Regemque salutant.

O vos felices, felici tempore nati,  
 Pastores, adeo genitor quos aequus amavit 70  
 Omnipotens, vobis manifesta ut luce videndos  
 Sponte darent superi sese: quin & Deus ipse,  
 Magna Patris soboles, magnum Patris incrementum,  
 Vos unos proprii testes optaverit ortus.  
 Nam quae laetitiae vos signa dedisse putarim! 75  
 Quos agitasse choros, quas & duxisse choreas!  
 Quos lituos inflasse leves, & cornua cantu!  
 Quot cava proceris planxisse & tympana palmis!  
 Quot pastoralis fudisse & carmina canna!  
 Credo equidem, antrum illud felix, super impendentes 80

Et

Et cautes, & agros, & circum compita, claris  
 Undique carminibus resonasse, atque undique avenis.  
 Haec vos facta sequi decet, haec exempla gregales;  
 Si vos esse pios vultis, vosque esse videri  
 Pastores, pastores & vos Arcadas esse.

## IN PASSIONE DOMINI.

**H**umana ante oculos foede cum vita jaceret  
 In terris, scelere primaevi infecta parentis,  
 Omnibus & misere devota laboribus esset,  
 Esset & aeternum stygiis devota tenebris;  
 Tu nostras hominum aerumnas miseratus acerbis 5  
 Nate patris summi, per quem sunt cuncta creata,  
 Et candens aether stellis, & lucidus aer,  
 Et mare piscosum, terraeque frugiferentes,  
 Illius e gremio digressus, & aethere ab alto  
 Haud dedignaris servi formam induere aegram, 10  
 Quo nos servitio, quo nos aegreore lebares,  
 Intactae & sacra te claudere virginis alvo:  
 Unde novem post exactas ex ordine lunas,  
 Vix dum vitales ingressus luminis auras,  
 Aras tu proprio conspergis sanguine: mox & 15  
 Cogeris eductos gladios exire tyranni,  
 Et Pelusiaci procurrere ad arva Canopi,  
 Pauperiemque pati duram sub paupere testro.  
 Unde reversus atrox odium & crudele tuorum

Es subito expertus. Non te tua plurima virtus, 20  
 Non benefacta tegunt: aegris quantum pote eorum  
 Succurre: & captis oculorum lumine claram  
 Redde diem: surdis aures, vitamque sepultis:  
 Legibus & populos quantumlibet instrue sanctis;  
 Nil agis. Immemores illi, caecique furore, 25  
 Crudeli unanimes urgent te absumere letho  
 Infonem, atque tuo rabiem exaturare cruore.  
 Ergo te rapiunt, vexant, & plurima ludunt,  
 Suffiguntque cruci, suffixum & plurima ludunt;  
 Quis tamen ipse bonus veniam, pacemque precaris, 30  
 Id spectans unum, generi succurrere lapsu,  
 Morte tua, regnis & nos inferre beatis.  
 Salve Christe pater: salve rex Christe redemptor:  
 Et nos, & tua dexter adi haec pede sacra secundo

---

## IN PASSIONE DOMINI.

**N**Am quis aquam capiti mihi det? nam quis lacrymarum  
 Det fontes oculis? dulci nam tincta lepore  
 Carmina nil opus hic, nihil hic & grandia verba:  
 Cunctarum quando rerum, quae iusta potenti  
 Annua sunt regi per nos decreta, sodales, 5  
 Primum hodie facturi: regi scilicet illi,  
 Cujus tantus amor nostrorum, & cura salutis,  
 Aurea uti linquens caeli capitolia, formamque  
 Humanam indutus, mactatu saeva suorum

Ho-



Hostia, pro nobis caderet, patrique litaret: 31  
 Haud igitur nunc est vel Apollinis implorandum, 10  
 Aut Aganippidum opem nobis: ploremus oportet,  
 Nostraque ferali mutemus ferta cupressu,  
 Flebilibus circum complentes quaestibus auras.  
 At duros memorare tuos quis, Christe, labores, 15  
 Quis turpes ignominias, ac omnia possit  
 Tot fera facta hominum, quae tu sat plurima passus?  
 Ut patris e gremio, caelique e sede beata,  
 Qui mare, qui terras, qui caelum numine comples,  
 Discedens, humanam animam, moribundaque membra 20  
 Indueris; matrisque decem te ex ordine menses  
 Clauferis intacta sacrae virginis alvo?  
 Ut teneros artus rigido percussus ab algu  
 Bethlehemia sub rupe recens egressus in auras  
 Traxeris ad tete, paleis distentus acutis? 25  
 Aut uti mox, patriis quo legibus obsequerere,  
 Sanguine sacratas proprio turpaveris aras?  
 Vel quum vagina vacuus exire tyranni  
 Es iussus gladios, Phariique ad regna Canopi  
 Ire, redire viam immensam per inhospita tesqua, 30  
 Perque nives, perque aspra gelu juga, & aspera dumis?  
 Quae tamen atque alia ut possim nunc omnia fando  
 Demonstrare, quod haud certe queo, sic rapit illa  
 Summa dies infanda meam mentemque animumque;  
 Ut stem, sive abeam: vigilem, seu lumina somno 35  
 Claudam: quidquid ago: quoquo me verto, supremac  
 Illius ante oculos cladis versetur imago.  
 Atque genu en lapsum video sub nocte silenti  
 Sanguineas sacro spargentem corpore guttas;

Dum tot dura suo tristi cum corde volutat, 40  
 Vincula, carnifices, plagas, clavosque, trabesque :  
 Quae quoniam perpeſſu homini nimis aſpera viſa,  
 Contrahiturque animus, genitorem ſic veneratur  
 Aeternum: Alme pater, caeli cui ſidera parent,  
 Quin hunc a meme calicem auſers, eripis & me 45  
 His, invicte, malis? nihilo magis ille movetur  
 Attamen atque rigens ſaxum, aut Marpeſia cautes  
 Fluſſibus aequoreis, animoſi aut flatibus Euri.  
 Haec portanda igitur dat ei mandata per auras:  
 Certum, ac diſpoſitum eſt, hominum mortalia ſecula 50  
 E tenebris tantis demum, tantisque periculis  
 Sedibus in patriis, claraque in luce locare.  
 Ergo nunc animis opus eſt, nunc peſtore firmo,  
 Gnate: tuos nec enim fas tot periſſe labores.  
 Hoſtis adeſt: ſurge eja, & contra audentior ito: 55  
 Neve malis cedas. Sic patris nuncius ales.  
 Queis dictis recreati animi formidine ab omni,  
 Quidquid atrox ardent, dirum, crudele, magisque  
 Horrenſum, ac letum quamvis informe ſubire.  
 Quid modo vult autem, quod Oliveti juga circum 60  
 Tam ſubito denſis collucent ignibus: & quod  
 Omnes ſic aditus montis turba obſidet ingens  
 Stricta parata neci? Quis tantus poſcitur hoſtis  
 Ad poenam communis, atrox ſeu bellua dente?  
 Nempe ille appetitur juvenis mitiſſimus unus 65  
 Praeſentem qui ferret opem mortalibus aegris.  
 Heu ſcelus infandum! Abramidasque cheu dementes!  
 Ecquiſnam tantos vobis ſactura dolores  
 Ulcera tetra, manu medici attrectata, putaret,

Perdere uti leto medicum imbiberetis acerbo? 53  
 : ergite vos modo: nil agitis, nisi clarius extet 70  
 Illius ut virtus, rerumque immensa potestas.  
 Atque ecce ut vestras metuit nihil ille cohortes  
 Horrentes gladiis, ac fustibus: obuius ultro  
 Quin offert sese venientibus: ilicet omnes 75  
 Uno sternit humi verbo: quem quaeritis adsum  
 Jesus: excussam Malchi tum colligit aurem,  
 Restituitque loco facilis: dein talia fatur:  
 Nam quid opus tanto fuerat molimine, cives,  
 Ad me prendendum, & simul istoc noctis opacae? 80  
 Anne ea parva fuit jamdudum copia nostri,  
 Pene die in templo populum quomodo docerem?  
 Sed vestrorum operum proprium est quaesisse tenebras.  
 Ecce volens nunc dedo manus: mihi nam obsistenti  
 Obuius haud prorsus quisquam se impune tulisset. 85  
 Oscula quid memorem hic Judae simulata? Quid ipsos  
 Caros ah nimium comites, res mira, fugaces?  
 Innocui & pretium quid paucula sanguinis aera?  
 Heu dolor! heu lacrymae! ecce manus post terga reuinctum  
 Lymphati raptant, urgent; late & loca circum, 90  
 Aeraque horrifonis passim clamoribus implent.  
 Nunc Caiphae sistunt: quanta hic convicia! quanta &  
 Ludibria! Obductis velatum tempora vittis:  
 Infraetum colaphos: consputumque ora genasque  
 Cernas, & barbam vulsum, crinesque decentes. 95  
 Nunc cum sole novo praetoria ad alta Pilati  
 Raptatum videas: ustumque plurima loris:  
 Ac spinis penite compunctum tempora acutis:  
 Largifluo & sparsum caelestia membra cruore.

Ne.

Nequicquam: quoniam tot adhuc cruciatibus excors 100  
 Haud saturata feros animos gens illa, Barabbam  
 Donari sibi conclamat, Jesum crucifigi.

Ah genus indocile, ah gens conscclerata, levisque,  
 Mentis inops, semperque odiis addincta nefandis!  
 Nam quod ob admissum tantum sic perdere perstas 105  
 Infontem? nonne ille idem est, qui tramite prono  
 Ad caelum monstrabat iter? qui tollere suetus  
 Morbos, obscenamque famem depellere vulgi?  
 Et furdus aures, & lumina reddere coecis?  
 Et vitam vita functis, adeoque sepultis? 110  
 Nonne idem hic est, cui tu paucis ante diebus,  
 Urbem dum ingreditur costis impostus aelli,  
 Occurris, ramos palmarum, ac pinguis olivae  
 Circumfusa manu tendens, pacemque precaris,  
 Et dominum magno, ac regem clamore salutas? 115  
 Quin Deus ille, Deus manifesto est numine: quod tu  
 Jam sentire diu potuisti, plumbea ni sis.  
 Atque idem Deus ille, tuis qui patribus olim,  
 Postquam servitio exemit longoque gravique,  
 Divisit medium pelagus, siccamque per altum 120  
 Ire viam dedit, adversaque potirier ora:  
 Securi unde sui potuere in gurgite vasto  
 Niliacos hostes, & scuta virum, galeasque,  
 Et currus, & equos undis allusa videre;  
 Quique loco vasto, ac solo versantibus escas 125  
 Demisit caelo assiduus denos quater annos.  
 Tum populos late reges, opibusque superbos,  
 Queis neque mos, neque cultus erat, disflavit eorum  
 Ante ora, stipulas violentus difflat ut Eurys,

Pro-

Promissasque dedit sedes, praepinguia culta 55  
 Amplaque, lacte mero, dulcique fluentia melle. 130  
 Pro quibus, atque aliis vos innumeris benefactis  
 Pulchram vero vicem Ifacidae modo redditis illi.  
 Eheu quot miseri dabitis, mora nulla, nefandi,  
 Qualesque sceleris poenas! E sedibus actos 135  
 Antiquis, patria excisa, profugos, palantesque,  
 Aeterna exilia, & casus omnes pati amaros  
 Vos aget ira Dei: requiesque haud ulla laborum.  
 Sed nihil est: tendunt odiis, caecique furore,  
 Obdurant hominem crudeli absumere leto. 140  
 Ergo crucem aedificant immani pondere, eamque  
 Illius imponunt humeris. In sanguine cerno  
 Lapfantem proprio; ligni dum robora anhelus  
 Tanta trahit, gemitusque imo de pectore ducit.  
 Itur in infamem tumulum, qui proximus urbi, 145  
 Mos ubi puniri fontes capite. Omnia late &  
 Occupat immensum vulgus, juvenesque, senesque  
 Visendi studio, haud secus ac lucusque, segesque  
 Fluctuat, incumbunt rapidi quum flamina venti. 150  
 Et jam jamque tuba horrifonum mage clara sonorem  
 Mittit: jamque subit demum miserabile funus:  
 E medioque omnes cedunt, spatiumque relinquunt.  
 Atque hic carnifices exertos brachia cerno  
 Crudeli intentos operi, suaeque expedientes 155  
 Arma horrenda. Solo ponunt feralia ligni  
 Robora: dejiciunt supera Christum: cadit ille  
 Defectus veluti de monte cadit lapis: ambas  
 Adripiunt, tenduntque manus hinc inde jacentis  
 Immanes necis artifices, scelerisque ministri; 160  
 Per-

Perque illas clavos ( recolens horresco ) trabales,  
 Perque pedum nervos adigunt, ac mutua tundunt.  
 Et jam suffixere: & jam molimine multo

Tollitur arbor amara ingens, nutatque per auras...  
 Hic vero horribilis subito ferit aethera clamor, 165

Caelestem ut juvenem pendentem stipite ab alto,  
 Largoque aspiciunt spargentem sanguine terram:  
 Ac gemitu resonant, & femineo ululatu

Palmiferi circum colles, & roscida rura,  
 Atque imae valles, & camporum aequora late. 170

Ecquisnam sensus cernenti talia matri?

Consiliis illa autem jamdudum conscia magni,  
 Non lamentari misere: non vellere crines:

Et non ungue genas foedare, & pectora palmis.  
 Ut mater dolet ipsa tamen: lacrymisque modeste 175

En stans ora rigat: premit alto corde dolorem,  
 Et sua solatur communi damna salute.

Sed me plus nimio saevus nunc occupat horror,  
 Egelidusque coit circum praecordia sanguis,  
 Dum crassae offundunt sese tenebrae undique tantae, 180  
 Ac rebus demit nox intempesta colorem.

Nam quid id est? quid Phoebe nigra ferrugine tingis  
 Ora, diem & medio sic deseris aetheris axe!

An nova nunc agitat convivia dira Thyestes,  
 Et gnati patriis iterum sunt dentibus escae? 185

An quod homo Deus, auctor rerum, sic male habet nunc,  
 Immane ingratorum hominum scelus averfaris?

Sic est. Illi autem finemve, modumve furori  
 Haud faciunt ullum. Heu quot miserum maledictis

Quotque obfirmavere probris heu figere amaris! 190  
 Queis

Queis tamen ipse bonus pacem est veniamque precatus;  
 Atque inclinato demum capite expiravit.  
 Heu dolor! heu lacrymae! heu pietas! simul hoc, simul ingens  
 Auditus fragor, & tellus a sedibus imis  
 Mota dedit sonitum magnum: scissum que deorsum 195  
 A summo velum templi: tum montibus altis  
 Excussa exsiluere ingentia fragmina: apertis  
 Atque ultro tumulis, vita quae corpora dudum  
 Defuncta, ire vias passim sunt visa per omnes.  
 Queis valide monstros turbati animi extimuerunt 200  
 Ne terra in barathrum pedibus subtracta profundum  
 Sideret, ac mundi fieret confusa ruina.  
 Tanti operis fuit, antiquos abruptere nodos  
 Servitii, humanumque genus reparare caducum!  
 Salve Christe pater, Patris certissima proles 205  
 Aeterni, eque Deo Deus, atque ex lumine lumen,  
 Verus homo, verusque Deus sine fine beatus.  
 Tu Patris invicti robur, tu dextera, per quem  
 Ipsa parens vires natura accepit, & ortus;  
 Quo sine nil fuit, & nihil esset, omnia quando 210  
 Per te sunt facta, & per te servantur in aevum.  
 Tu aeratas vellis Cocyti a cardine postes,  
 Proculcasque: ducem vinclis, ac carcere frenas  
 Tartareum: spoliisque redis Phlegetontis onustus.  
 Salve Christe: tua & quoniam nos morte redemptos, 215  
 Et caeli voluisti insertos orbibus omnes:  
 Ah noli incassum tot sustinuisse labores:  
 Nolito exfortem tanti me muneris esse.

## C A R M E N.

**N**Ec mihi, Anaximene o pater, illaudatus abibis:  
 Et licet effoeto exiguae sunt corpore vires  
 Jam tandem, meme urgebo; frustra que reculent  
 Iratae, faxo ire tua in praeconia musas.  
 Nam mea quae nunc sit pietas, si funeris ullus      5  
 A nobis tibi desit honos; qui pastor, & idem  
 Noster eras Antistes sacrorum? Anne gregalis,  
 Anne patris tanti immemores, durique negemus  
 Et tumultu lacrymas, & lamentabile carmen?  
 Sed castas utinam numquam, doctasque sorores      10  
 Neglexes; facilis laudes labor ire per omnes  
 Quippe tuas foret, ac te concelebrare canendo.  
 Tu vero ad patrii sitientia rura Tanagri,  
 Barbarie in media, primis educatus in annis  
 Pastores inter fatuos, stolidosque subulcos,      15  
 Delicias animi, quibus otia rumpere vulgo  
 Ac fessi rerum sese recreare sueti  
 Sunt homines, modo sint homines, cognoscere nullas  
 Et gustare puer potuisti rebus in arctis.  
 Ut vero tua dexteritas apparuit, & vis      20  
 Ingens illa animi, & pudor, & reverentia recti;  
 Ad iuga continuo properas Pelusia Montis,  
 Missus in imperium; haud magnum sane illud; ovesque  
 Perpaucas licet, ingenti cum laude gubernas.  
 Sed neque tu morem, cultumque hic repperis ullum: 25  
 Quia nemo inventus, quod dicere saepe solebas,  
 Cui



Cui recte pars ulla gregis curanda daretur.  
 Qui tamen & proprio cuperes, urbisque vetustae  
 Consultum decori, stare & sua praemia laudi,  
 Desidie marcescentes, somnoque sepultos 30  
 Dulce excire tibi, tibi dulce docere volentes.  
 Das quod habes: discunt illi quod scire necesse est:  
 Insignemque tibi quaesitam hinc rere coronam.  
 Res alia ad nostras autem quum mitteris oras.  
 Hic seu spectentur caeli, seu munera terrae, 35  
 Sive hominum cultus, credo, nihil inveniat jam  
 Unde hospes possit nos, nostraque temnere quisquam.  
 Nec mihi vitigenos latices, ac pocula Graeca,  
 Nec meliora, Ceres nobis quae farra ministrat,  
 Aera nec vacuum mens est nunc dicere morbis; 40  
 Qualibus a rebus nulli laus ulla paratur:  
 Sed studia, & mores pastorum nostra; quibuscum  
 Nil illis commune, bibunt qui flumina Halecis,  
 Aut Salsi, Lixive, juga aut Galamatia pascunt;  
 Aspera gens victu, duris prognata Sabellis. 45  
 Nam nobis, aliqua arte magis prout quisque valemus,  
 Doctrinaque, bonus quum sit mos ille receptus,  
 In disciplinam pueros, juvenesque quot usquam  
 Nostri sunt, ultro accipere studioque fovere;  
 Hinc rebus mature ipsis instructa juvenus, 50  
 Scriptorum genus omne diu, noctuque volutat  
 Discendi studio: ut jam dicere multa diserte  
 Exaudire queas multos, pede sive soluto,  
 Sive quid adstricto tentent. Non barbara lexis,  
 Non hic verborum portenta, ullaeque tenebrae 55  
 Consulito offusae; neque enim nos stulta moramur

Iudicia, & vulgi plaufum mercamur inepti:  
 Omnia fed pure, ac caſte, melioris & inſtar  
 Actatis, placideque ſuant quae immiſſa per aures.  
 Atque hinc Auſonii quae verberat aequoris unda 60  
 Litora noſtra, & agros, ac rura nitentia circum,  
 Et ſilvas, propior quas ſuſtinet Apenninus,  
 Incolere & Phoebus pater, Aonideſque ſorores,  
 Omnia & arguto compleri carmine paſſim,  
 Laudibus & paſſim reſonare deumque hominumque; 65  
 Ut facile Arcadio noſtros a ſanguine cretos  
 Pervideas, quibus ars adeo ſtudioque canendi eſt.  
 Anne ego propterea irarſci tibi perſequar; omnem  
 Nec deleſcit adhuc ratiove, dieſve dolorem,  
 Egregias adeo noſtras quod ſpreveris artes: 70  
 Quod mihi nullus honos habitus: quod inurere & alte  
 Tentatum noſtrae maculam ſit denique laudi,  
 Quum nova paſtorum coetu dare nomina pubes,  
 Ac nos doctriinae cauſſa clam territa adire?  
 At ſcio, non animi vitio, ſtudioque maligno 75  
 Feciſti, ſatis id bonitas tua magna reſutat  
 Crimen, & excellens, ſeptus qua peſtora, virtus.  
 Nempe bonum, apprimeque bonum par dicere, nullae  
 Cui ſint deliciae cordi; cui nulla voluptas;  
 Cui tot ſuſceptae curae, tot ſponte labores 80  
 Exhausti, ac prope nulla ſibi hora relicta quietis,  
 Publica noſtrorum quo commoda quaereret, & quo  
 Praemonſtraret iter certum, quod ducat ad aſtra.  
 Hoc unum verſare animo noſteſque dieſque  
 Molirique opus: huc quidquid magis ille valeret 85  
 Vel prece, vel pretio, conferre, inſtareque ſemper.

Nam

Nam cui non illud subeat modo, limina late  
 Testaque prima domus, gregibus quam pauperiorum  
 Uno pene die ferverent quoque; famemque  
 Quam bonus ille avidam, ac brumalia frigora longe 90  
 Praesenti auxilio nostris defendere ab agris?  
 Nec satis illud erat tamen, & veste juvare  
 Nudos, collataque omnes stipe; pascere perstet  
 Ni verbo Christi, & doceat quaecumque fideles  
 Scire omnes debent memores, servareque ad unum. 95  
 Ergo revelatae hinc Triados mysteria sancta:  
 Hinc trinumque unumque Deum pueri, atque puellae  
 Discunt, humanumque Deo mixtum genus: hinc et  
 Unigenam Patris integra de virgine natum:  
 Omnia perpeßum sub Praeside dura Pilato: 100  
 Suffixumque cruci, crudeli & morte premissum,  
 Infernas, loca fenta situ, subiisse lacunas:  
 Tertia & ad superos redivivum luce redisse:  
 Dein scandisse polum: primaque in sede locatum  
 Ad magni dextram Patris: unde iturus iudex 105  
 Ad nos, quotquot erunt hominum, fuerintque per aevum.  
 Hinc sensusque pios illi moresque probatos  
 Ediscunt; summumque bonum, quo tendimus omnes,  
 Quoque modo possint recta contendere ad illud.  
 Nam quid ego memorem, ad populum quam verba disertus 110  
 Saepe facit, iustumque canam, castumque, piumque?  
 Quidque aditu facilem affatuque? quid & sine fastu  
 Neglectuque alicujus honestum, praeque potentem?  
 Quidve addam caeli demum tolerata, viaeque  
 Aspera multa viro, dum credita ovilia lustrat, 115  
 Hinc Sagra quot, nostrae testis verissimus olim

Virtutis, clauduntque illinc Bulsana fluentia?  
 Haud equidem credam Martinos, Ambrosiosque,  
 Augustinos, Gregoriosque olim, & Basilios,  
 Totque alios, reparati ingentia nomina seclii, 120  
 Pastorumque decus magnum, voluisse saluti  
 Prospectum melius, proprii & gregis incrementis,  
 Quam nostri nostrum, quamvis haud viribus aequis.  
 At satis ad laudem tamen est voluisse: neque ausis  
 Tantis successu deesset fortuna secundo, 125  
 Si data vita foret paullo vitalior, & non  
 Mors praemature illum funere demersisset.

Sed stulte dixi: nec enim tu funere tandem  
 Mersus, Anaximene, aeternam cui vivere vitam  
 Sorte datur, coetuque frui, mensisque deorum. 130  
 Quin etiam hoc felix, fortunatusque, quod, aegri  
 Quidquid erat tibi perpeffu durum super, omne  
 Condonat Pater omnipotens, recipitque benignus  
 Mature ante diem ad sese, ne tanta videres  
 Illacrymans hominum scelerosa, atque impia facta 135  
 Nostrorum, pudor haud quibus ullus, vertere fundo  
 Dum persentent patriam, magis & ditescere rapto.

## S E R M O I.

**N**Am quid agis? celeri cursu dilabitur aetas.  
 Aude aliquid, concinna aliquid jam tandem aliquando  
 Ferre vetustatem quod possit, eoque nepotes  
 Te vixisse sciant: fateor mea dicta fuere,  
 Ut quandoque gravi possem te excire veterno. 5  
 At non continuo, si velles sanus haberi,  
 Scribere oportebat satyram, tantamque subire  
 Invidiam; modo qui tam diligerere, suaves  
 Ob mores, nulloque infectam crimine vitam.  
 Invidia sed enim dices non ipse malorum 10  
 Commoveor, placeam qui, sim carusque probatis.  
 Quos mihi, stulte, probos narras? quos esse necesse est  
 Tam paucos, & eos tam neglectos miserosque,  
 Ut nihil inde mali valeas sperare bonive.  
 Nam quis Sextilios numero, Cottasque bonorum 15  
 Sexcentosque alios habeat, qui se meliores  
 Ore probant verbisque, negant tum postea factis?  
 Heu nimium vitiis aetas haec nostra redundat,  
 Ut culpa prope nemo vacet. Qui furta, fidemque  
 Proditam, adulteria, & lenocinia, & ganeas, & 20  
 Qui fordes, caedesque, venenaque, totque animorum  
 Tangere tu possis morbos, compressa dolorem  
 Ulcera quin faciant, rabidaeque, trucesque repente  
 Irae exardescant? Nollem quod rusticus olim  
 Passus, me spectante, tibi accidat. impiger ille 25

An-

Ante fores stabuli petimen dum tergit aelli,  
 Scalpendique modum nullum facit; ecce doloris  
 Sive morae quadrupes pertaesus denique, vertit  
 Clunes, ac improviso, nil tale timentem,  
 Calce petit, sternitque. deum tunc ille hominumq: 30  
 Exclamare fidem: miserum se, asinumque scelestum,  
 Qui bene tam meritum dominum male tam accipiebat.  
 Nos hominem effuse contra ridere, ab inerti  
 Qui, ignavoque asino sapientiam quaereret excors.  
 Esto nihil timeas, quod mens tibi conscia recti 35  
 Sit tua; nec sanctae, sancto sub principe, leges  
 Vim metuant. Quid, si multum quandoque negoti  
 Conferi innocuis, indemnatisque vides, &  
 Non ex jure manu confertum semper agi rem,  
 Sed quandoque etiam ferro, lignoque maligno? 40  
 Si sapis ergo, putres animos absiste medendo  
 Attrectare hominum; tibi nam, praedico, creabunt  
 Magnum aliquod, capiti illorum aetatiq., periculum.  
 Rides? Hercle ego vero rideo; nam quis amice  
 Verba tot incassum frustra molimine tanto 45  
 Jactantem non rideret? Sunt, quis neget? haec tu  
 Omnia vera tamen quae dixi; sed nihil ad rem;  
 Quandoquidem non caecus ego ut non ista viderem,  
 Si fuerat visis opus. Ergo tanta remordet  
 Quando mei te cura, meam nunc accipe mentem. 50  
 Principio qua sim provecta aetate, putare  
 Te Mazae velim: mihi, sis ne nescius, una  
 Ad senium nunc jam properanti aetas, hyemesque  
 Binae obstant: natura ut scis subtristis, & asper  
 Sum nimio plus quam vellem: nec factus ad ullam 55  
Mol.

Mollitiem verborum, seu morum. canerem ergo  
 Fulmineos oculos dominae, crinesque nitentes,  
 Sydeream frontem, os roseum, labiaque rubentes,  
 Candidulos dentes? quis non me rideat, atque oh  
 Bellulum amatorem addat? Num per me caput alga 60  
 Testus & ipse suo Tybris de flumine surgat:  
 Audiat aut Caesar Romanus: seu ferus Orco,  
 Sanguine turpatus Teucrum, remeabit Achilles?  
 Aut Anchisiades pectus sustollat ab urna  
 Tempora Vulcani contestus casside, & hastam 65  
 Ipse manu quatiens? nimium sim immitis, eorum  
 Si natibus quoque ego sat jam viventibus addam.  
 Nam nihil est, ut stagna velim inferna irruere ultro,  
 Nullo operae pretio, tantum visurus hiantis  
 Ora canis, foedas umbras, poenasque nocentum; 70  
 AEtherei vel regna patris, sedesque beatas  
 Immensum per iter conscendere nuntius, actum  
 Quidnam nos inter sit, quid non, tum rediturus;  
 Somnia vel tandem chartis mea texere, cum sim  
 Nulla bonus somniare, quibus constet caput, aut pes. 75  
 Ut dicam plane, modicum mihi, vel prope nullum,  
 Brochus uti putat, ac vel re non pessimus auctor,  
 Ingenium est. Moliri ergo cum magna nequirem,  
 Hoc fuerat reliquum, satyram tentare, severos  
 Quae res una meos mores, annosque deceret. 80  
 At ne quid tamen inde putes mihi posse noceri:  
 Nulla, deum virtute, mea exstant impia facta,  
 Aut dicta, & nec, uti spero, exstabant. Facere ullum  
 Non ego mortalem fuetus ludumque jocumque  
 AEgrum animi quemquam; ipse sibi modo strenuus adsit, 85

Ac vitii obset, quantum pote. Ferre sed illos  
 Qui valeas quaeso nebulones, qui sibi nullam  
 Quaerere opem solertes, at faciunt tamen hoc plus,  
 Ut se sponte malos populo quacunq; probare  
 Contendant ratione: bonos autem jam quotquot ubique 90  
 Sunt, habeant prae se contemptos ridiculosq;  
 Hosce impuratos homines, si quid mea possunt  
 Carmina, depexos pulchre dabo, nullus ut Urbis  
 Contentos in se digitos non horreat omnes.  
 Nam sua consistis quantumvis fabula agatur 95  
 Nominibus, nihilo secus at bene tam, graphiceque  
 Describentur, uti videant ipsi sese, atque videri  
 A cunctis illa credant sub imagine turpi.  
 Nec tamen idcirco speres hos lege, vel unquam  
 Vi mecum acturos. Quid enim? Quia vincere nemo 100  
 Detraxisse queat de se nos; hunc ita ludum  
 Ludemus dextre atque cate. Bacchanal adaeque  
 Jucundum saxo nullum lusum lepidumque.  
 Qua id ratione rogas? madidi genialia Bacchi  
 Orgia frige animo; cujus comes unus & alter, 105  
 Dum motus incompósitos dat, dum cooperta  
 Vitibus atque hederis intentat cuspide thyrsū;  
 Spectare incauta, & nihilum sibi turba timere;  
 Huius & illius distringi hic corpora passim;  
 Nec mutire tamen prorsus quisquam; & sapienter, 110  
 Ad damnum ne hypotheca ignominia insuper. Ille  
 Bacchicus interea noster securus abire.  
 At vocet & quis me matula in jus; carmine strictum  
 Seque malo contendat. aget nihil: ipse negabo.  
 Instabit factum: ipse negabo, perque negabo.

Hae.



Haerebit: quid enim dubites? ac denique risus  
 Perpeſſusque jocos omnes, cauſſam mihi tradet,  
 Diſſugietque. domum ipſe meam victor remeabo.  
 Nam vim cur timeam non eſt, cum durus & aſper  
 Publica procurem haud ego veſtigalia; nunquam 120  
 Aut bonus unanimes armare in proelia fratres;  
 Ullius aut foribus putres ſuſpendere feles.

## S E R M O   I I.

**N**imirum mea verba tibi viſa ardua, Galle,  
 Stultaque, quum dixi, non longius abſore, quum tu  
 Optari mores alios, aliasque proſecto  
 Virtutes videas, Anyti quas non reus ille  
 Vidit, Chryſippi nec porticus audiit unquam. 5  
 Sed ne me temere falſove reare loquutum,  
 Auſculta paucis nunc, & mihi quaero operam da.  
 Non ego te auſcultem, quando non huc alia re  
 Veni, quam ſando tecum has uti tranſigerem horas?  
 Ergo audi. Primo ſed enim hoc ponamus oportet: 10  
 Haud regem ſibi poſſe aliquos aſciscere amicos,  
 Ac retinere, illorum mores quin probet una;  
 Nec fieri poſſe, ut quos mores rex probet unus,  
 Illos non plerumque probent juveneſque ſeneſque,  
 Plebs omnis. recte id primum, quoniam annuiſ ultro. 15  
 Nunc age Suffenum ſpectemus amice parumper,  
 Unum noſter habet quem praecipuum aſſiduumque,  
 Cujus & unius Caefar vult omnia cauſa.

Non hunc ulla ... Mane, scio jam quid dicere velles,  
 Scilicet insensum illi me: fateor: quid eo tum? 20  
 An quidquam prohibet insensum vera profari?  
 Nil sane, pudor illi dum sit, qui mihi certe est.  
 Quare ne dubita: nulla hic mea fabula, nulla  
 Et joca, quae nequeat virgo e Vestalibus una  
 Audire atque loqui haud ullo suffusa rubore. 25  
 Nam jure irascar Suffeno, vel secus, illud  
 Videro post alias: nunc me sine dicere, & audi.  
 Non hunc ulla domi virtus spectata, forisque  
 Commendabat. habebaturque probus, quia nulli  
 Dicere, vel facere ausus adhuc male; quum bonus ille 30  
 Interrex, hominis sortem miseratus iniquam,  
 Sordibus aut captus, quod valde sordidus esset  
 Ipse, juventutis domui praefecit alumnae.  
 Noster adhuc terere assiduus sacra limina divum  
 Mane die, & decies saltem, deciesque sub ipsum 35  
 Occasum solis; deciesque minutula quaeque,  
 Noctu, admissa, genu lapsus, peccata fateri,  
 Exque piari. Ardens frenum mordere magister  
 Curio, nunc epulas actus, nunc rumpere somnos:  
 Nam quid id est? absolvi te modo, dimisique: 40  
 Tu modo es hic. Veniam facilis da mi, pater, oro;  
 Nam novus injectus stimulat me scrupulus. audi.  
 Jejunabam hodie, quod, uti scis, terque quaterque  
 Suetus in hebdomada: lautumque invisere ad Hirrum  
 Ibam forte, meus veluti mos est, adeoque 45  
 Scalas ascendebar ipsas, caroque beatae  
 En subito nasum ferior nidore culinae,  
 Qui prorsum me externavit miserum: ergo resisto,

Ac patulis unctas capto dum naribus auras,  
 Me labe inficio, sancta & jejunia frango. 50  
 Tantum est. Conceptam lacrymis ergo ablue noxam:  
 Tum biduum jejuna. ego te absolvo. Eja age abito.  
 It, redit: & fuerat, de quo te consulerem unum,  
 Infit, & exciderat. Nugarum expecto tuarum  
 Nunc aliquid. Nugae haud hic ullae, seria quando 55  
 Aequae nulla quidem certe sunt, atque salutem  
 Quae nostram spectant animorum, ut saepe doces me.  
 Tum porro sic factus ego, dis gratia, ocellos  
 Claudere uti nequeam somno, si conscius unquam  
 Vel dubii ipse mihi sim peccati minimique. 60  
 Dic ergo. A coena ad te dum venio, haud procul hisce  
 Aedibus, ante pedes semissem conspicor, eccum,  
 Namque tuli: quid eo faciam? nam retinere  
 Relligio est, quae res mea non sit. Scilicet aut tu  
 Ludis me, aut semissis homo vere es, nihilique, 65  
 O bone. da, dominum ipse invenero restituamque.  
 Da, quid adhuc cessas? Nunc tete hinc ocyus aufer.  
 Haecenus haec: ut namque domum ingressus in illam,  
 Praefectusque inventuti est, prior illicet omnis  
 Vitae ratio. librae cordi, trutinacque, 70  
 Pondera, mensurae omne genus, tabulae & rationum;  
 Dum patrem sese frugi navumque bonumque,  
 Ac domui cupere aequae vult puerisque videri.  
 Plumbea quin primum discrimine secta fideli  
 Uncia bisseas in partes, instar eorum, 75  
 Quois maclamus aves, globulis; ne tantula casei,  
 Aut laridi, aut panis pueris pars una, salisque,  
 Plus detur iusto, aut minus & dispendia fiant.

Quin multam ad noctem vigilatur saepius, atque  
 Non semel integram, in tabulas dum sedulus omne 80  
 Acceptumque, datumque refert, suaque ipse diurna  
 Lucra putat, conditque bonus. Nam quae annua merces  
 Ipsius esset, eam sibi vel partitus in horas,  
 Dividit, atque aufert cujusque in fine diei:  
 Quod nec deberi sibi vult, debere nec ulli 85  
 Ipse aliquid. Caecum vel dum quandoque trientem  
 ( Saepe, velut magnum, quod praedicat ) elicere instat,  
 Innumeris chartas numeris & sedulus implet,  
 Ne fraudi possit domuique sibi que quid esse.

Attamen & bonus idem, & servantissimus aequi, 90  
 Omnia continuo annonae purgamina, quidquid  
 Furfuris & posthac esset, sibi fortiter ipse  
 Sponte sua addicit: nec eo contentus, ad omnes  
 Res animum versat, rebus queis maxime aduncae  
 Otia nulla manus agerent, arcaeque noceret. 95  
 Opsonj quantum mi obtingit, non edo: possit  
 Quod superest, video, pueris adlescere, & illas  
 Reliquias augere, a nobis quas tot hiantum  
 Expectat miserorum turba in limine primo:  
 Verum quid lucri inde mihi? An non murmura ventris 100  
 Dimidio possim compescere: dimidiumque  
 Vertere tum pretio alterum, & hoc inferre crumenae?  
 Sic factus est usus. facit ergo, vespere & uno  
 Quoque, duos asses hinc, aut paulo amplius, aufert.  
 Vina, rei parcens, iamdudum nulla bibebam 105  
 Nec bibere est animus, modo id esse meam queat in rem:  
 Et glacie nunquam mea frigida pocula amavi.  
 At si vina bibam, glacie illa & frigida facta,

Haec

Haec mihi deberet pretio domus ipsa parare:  
 Illud jus igitur pretium mihi sumere, fasque est. 110  
 Sumit, & in lucem quamque hinc tres conficit asses.  
 Sunt ea parva quidem. Minime autem quotidiana  
 Quae sunt, atque animi fiunt vitio. faciat plus  
 Crede mihi, queat ipse modo. Veluti fuit illa  
 Olim nequicquam tentata redemptio. Quenam 115  
 Nicoleos? nam nunquam audiui. Accipe, eadem  
 Atque opera, quaeso illud specta, quam sit avarus  
 Caecus prae studio, sibi montes dum struat auri,  
 Ut videat, pudeatque nihil, nil cogitet excors.  
 Praefectum ille domus verbis compellat amicis 120  
 His olim Fulcurn: Annonae tua plurima nostrae est  
 Cura, gravisque, scio. quid, ea si te exonerem nunc,  
 Meque onerem? Spero hoc adeo me gratus amabis.  
 Annonam hanc ergo redimam; nec mi amplius opto  
 Frumenti nostrum in capita, anno quoque, medimnos 125  
 Quam senos. Quisnam videor tibi? Nempe modestus,  
 Fulcus ad haec, similisque tui; quando hoc tibi parui  
 Sufficiat lucri, modiorum nempe trecentum  
 Annuus ad minimum numerus, nilq. amplius optes.  
 Hic ubi ludibrio est habitus multum, inde malam in rem 130  
 Iussus abit. Reliqua ast pergam pertexere dictis.  
 Esse aliquos puto, cumque his te forsitan una,  
 Galle, quibus miranda adeo res haec videatur,  
 Quae tam Suffeni jejunia multa feruntur:  
 Quum sit revera nihil hic mirabile quidquam. 135  
 Ille etenim vitae primis assuetus ab annis  
 Et parcae & durae, quod res sic arcta ferebat,  
 Grandior ut factus, quum non aut ditior esset,

Fol-

Folliculi ut animam, lentisqi aut perdere fumum  
 Vellet, pane, & aqua crepitantem plurima ventrem 140  
 Vilibus aut pomis placabat, castaneisque.  
 Nactus ubi tamen imperium est, factusque tyronum  
 Ductor, sic secum: jejunabam antea sumptum  
 Ne facerem: cur non & jejunem modo questum,  
 Ut faciam? An non mi debentur edulia quaeque, 145  
 Vel pretio mutari, aliis quae dantur, & esse  
 Aut morbo affectus, sanusve aliquando recusem?  
 Debentur sane, facere & certum est: nec eo mens  
 Nomine, sat scio, me mea mordeat, ullius unquam  
 Conscia peccati, quando mihi opinio visa 150  
 Est semel utcumque probabilis, atque videtur,  
 Quaeque etiam arridet nostro laud inimica lucello.  
 En tibi Suffeni jejunia, Galle, reposta  
 Omnia & illa quidem loculis, & clausa potenter.  
 En tibi cur festis etiam persaepe diebus, 155  
 Ac Domini natali ipso sese abstinet escis.  
 Ridicule narras; laetorque quod haec teneo rem  
 Denique uti se habeat, quae me torquebat ineptum.  
 Nam capere haud unquam potui. Nec adhuc capis omnino  
 Omnem, crede mihi: neque enim jejunia prorsus 160  
 Hic ulla, aut macer est ullus de more cibatus.  
 Nam quoties agitat pius haec jejunia noster,  
 Communi a mensa ut surgunt, citus ipse cubiculum  
 In proprium recta, foribus seque abdit opertis.  
 Quid faciat quaeque sic abditus? ile minuta 165  
 Aut farctum carne, aut pernam, lactemve coactum,  
 Glandiave absumat, patres quae plurima dono  
 Dant, nimis in gnatos ne saeviat asper eorum.

At.

Atque etiam id scio saepe animadversum, subita re  
 Quando aliqua tunc temporis illum quispiam adiret, 170  
 Eque vocaret, sic pingui, se praesto futurum,  
 Respondisse sono, indicio ut satis esset utraque  
 Completas buccas: ac mox, prodiret apertis  
 Quum foribus, sibi labra manu detergere visum.  
 Quippe pium narras hominem nimis, & pudibundum! 175  
 Quippe magis spero mox dixeris, hoc ubi disces,  
 Quod modo dicturus, scire & te valdius opto.  
 An quidquam dici potis est injustius unquam,  
 Turpius, improbiusque, haec quam sunt, quae modo dixti?  
 Nescio ego: satis aut unum scio, Galle, pudentis 180  
 Non esse hoc omnino hominis, quod dicere pergo.

Ad magni tandem pervenit Caesaris aures,  
 Suffenum tota passim riderier urbe,  
 Seque adeo haud falso differri nomine, quod res,  
 Ut sapiens, qui pervideat, curetque minutas, 185  
 Haud videat, curetque vetus magnum publicumque  
 Hoc latrocinium. Quid vis? Ut denique sensit  
 In sese culpam hanc derivari, quae aliena  
 Culpa esset, doluit: Quatuorvir & unus, & alter  
 Consulti, primos casus quos obtulit ultro. 190  
 Praeter vina tamen nihil est, glaciemque relatum,  
 Aut verbum factum. Demum disceditur, omnem  
 Postquam Caesar eam dixit sibi rem fore curae.  
 Nonne fuit? Fuit & vero; nam noster eodem  
 Illo mane die vinumque, nivemque, culignam 195  
 Imperat & vitream quaeri, suberque picatum,  
 Afferrique cito. Praesto sunt omnia. vitro  
 Insert vina cavo: vitrum demittit in orbem

Subereum: glaciem concidit: frustula dextra  
 Colligit, inque super vitro struit: applicat ambas 200  
 Deinde manus, vannique instar quatitque, rotatque.  
 Tum mensae accumbit: primasque ubi conficit escas,  
 Egregie calices siccare, haud ipse pitissans,  
 Adgreditur, verum tamen haustu, spiritu & uno,  
 Quod faciunt Bromij dudum qui castra sequuntur. 205  
 Caerula quid censes ibi tum legio? subita re  
 Obstupuit: monstri simile est sibi namque videre  
 Vifa: hominem abstemium temeti sic tempore puncto  
 Esse avidum factum, Germanus uti haud mage quisquam.  
 At cessit stupor, ut mox excessere triclino, 210  
 Ac legem rescivere hanc a Caesare dictam  
 Suffeno: aut bibat: aut pretij nihil auferat inde.  
 Verum quid nares corrugas tu modo, Galle?  
 Anne dolet quidquam? Dolet, haec quae falsa putabam,  
 Optabamque, audire ex te verissima. Nam qui 215  
 Omnia, quae lippis nota, & tonforibus essent,  
 Nescirem solus? Dolet autem, quod mea sic est  
 Nunc ratio: docilis nimium plerumque juvenus  
 Est, pravique tenax: igitur si naeta magistros  
 Est semel impuros, quid speres amplius illa? 220  
 Impurata sit ipsa etiam, dum vivat, itemque  
 Impuros alios procudat oportet. Oportet,  
 Narras? haud recte; citius dic, Galle, necesse est.  
 Mortales etenim natura impellimur omnes,  
 Nobis quae utilia esse, & maxime honesta videntur, 225  
 Illa sequi. pueri autem, queis prudentia nulla,  
 Nullus adhuc usus rerum est, nequeuntq: quid inter  
 Sit rectum pravumque videre, aliud faciant quid?

Quid



Quid quaeso, nisi eos imitentur, quos pater ollis,  
 Aut patruus prudens, aut prudentissimus ipse 230  
 Custodes dederit Caesar, vitaeque magistros?  
 Praecipue si rebus eos quam maxime honestos  
 Omnibus aspiciant laetos tota urbe alacresque  
 Pervolitare, vident uti Suffenum, Baviumque?  
 Quem Bavium narras mihi nunc? Quo doctior alter 235  
 Nempe hominem nemo facere est unum duo. nosti  
 Illum sat puto, qui quatuor quum vincula menses  
 Trivisset, vix inde solutus, dignior unus  
 Inventus fuerat, qui scriba & Caesaris esset,  
 Caesareaeque domus praefectus: deinde cohortis 240  
 Designaretur custos, doctorque tyronum  
 Unius: indignum aut facinus, quoniam una bonorum  
 Vox fuit, abstinuit conatu Caesar utroque.  
 Qui tamen haud vellet tantam spectare jacentem  
 Virtutem, sacrum primo cum tempore inungit 245  
 Ocyus hunc hominem, ac urbanorum jubet esse  
 Mystrarum in numero. tum quidquid ubique vagorum  
 Est puerorum extra Suffeni septa, sacram qui  
 Militiam spectent, pretio omnes instituendos  
 Imperat huic tradi ingratis, bene quo misero sit. 250  
 Nam quid ais tu Galle modo? Haud equidem hinc vitiorum  
 Parva seges, video, succreverit, unde ruinam  
 Publica res faciat sacra, Suffenisque redundant  
 Omnia mox, Bavijque; aetas quando puerorum  
 In disciplinam detur pejoribus; ~~et~~ 255  
 Praecipuos habeat peiores, auctet, honestet.  
 Idque ipsū sane fuerat, quod dicere vellem.

## IN TERENTII ANDRIAM

## P R O L O G U S.

O H! quasi res magna sit cum his nugarier  
 Nunc aliquid donec usque comparimini.  
 Abi sis tu. Spectatores, propitiam  
 Salutem dico mihi primum, & nostro gregi:  
 Tum deinde vobis. Quid? numnam, quaeso, dolet 5  
 Salutem dixisse prius me mihi? An puer  
 Quod sum, stultum adeo me putatis, mavelim  
 Ut vobis melius esse, quam mihi? quod neminem  
 Facere usquam vidi, neque vos facitis. Non ita est:  
 Proximus aequae sum egomet mihi, ac quisque est sibi. 10  
 Nunc quid procefferim, quaeso, animum advortite.  
 Pueri hic aliquot coimus hodie, comoediam  
 Latinam acturi Andriam Terentij.  
 Quanam potissimum caussa, si quis roget,  
 Latinam, paucis, ut potero, expediam modo. 15  
 Nos hoc aetatis cum simus, quo cernitis,  
 Quid totos dies agamus? num pila, aut trocho,  
 Talisve ludamus mane a primo in vesperum?  
 Aetas quod unum nostra fert, incumbimus  
 Latinam in linguam, quod ea continerier 20  
 Doctrinas ajunt plerasque omnes, ac bonas  
 Artes, quae nos boni instructos nostri volunt  
 Patres, & nos volumus: boni nam esse, & bonis

Pla-

Placere studemus, atque usu Reipublicae 77  
 Alicui esse aliquando, si vita suppetet. 25  
 Ergo propterea & Plantum, & Terentium  
 Assidue nunc versamus, qui rei principes  
 Latinae habeantur; & certe sunt. ducimus  
 Hanc etenim rationem: qui praestant plurimum  
 Plurimum etiam collaturos. An non ita 'st? 30  
 Annue tu. Verum quorsum haec? dicit quispiam.  
 Quod vana spe aliquem frustrari vestrum haud velim,  
 Qua mox dejectus nobis succenseat male,  
 Cum in agendo nos istance fabulam, rei  
 Prope nullius tenere modum perspexerit. 35  
 Non voce, non gestu, non vultu commode  
 Satis sententiae subservire: non loco  
 Stare, ac excedere, atque ea denique omnia  
 Quae facta oportent, recte facere, atque ordine.  
 Haec si qui sunt servant, nasutissimī 40  
 Homines, ilicet: haud hosce nasutissimos  
 Moramur, qui tam acutum in aliorum vident  
 Vitiis, & nodum in scirpo quaerunt. Conferant  
 Sese ad eos, callent qui histrionicam, & diu  
 Hoc saxum volvunt; pueros mittant parvolos. 45  
 Cur nos ergo advocabatis? quia vos bonos  
 Benignosque putabamus, & nostri omnium  
 Amantes maxime; hosce quo pulcherrimos  
 Conatus, atque ad laudem, & virtutem impetus  
 Nostros juvare, animosque nobis addere 50  
 Velletis. Quare vestrum est nunc, nostro gregi  
 Adesse, favere, &, quod caput est, silentium  
 Comoediae facere, id facere sultis, quod decet.  
 Oh!

Oh ! suntne hic etiam feminae ? & certe satis  
 Si nunc prospiciunt oculi, sunt. Hei mihi, 55  
 Animo male est. quid sperem amplius silentii ?  
 Perimus. garrulae, incommodae, odiosaeque sat  
 Superque sunt omnes. obturbabunt. Caput  
 Mi prurit. actum est. An non ego sum stolidus  
 Qui id metuam ? Nostrae hae sunt, nostrorum scilicet 60  
 Cognatae, aut matres puerum. Nam certo scio  
 Mea hinc abest, intenta lanae, qui sibi  
 Parvisque natis paupera victum quaerit.  
 Nil ergo ab his pericli est feminis: bonas  
 Namque esse oportet, optimas, lectissimas, 65  
 Quae tales natos tali ingenio, atque indole  
 Ornatos habeant, tamque eductos libere,  
 Ut nostri sunt. quare illas nil convicii  
 Nihil tumulti facturas confidimus.  
 Sed revocant: abeo. Vos modo, ornatissimi 70  
 Spectatores, gregi nostro audientiam  
 Facite: adjuvate, qui alacrior sit, obsecro,  
 Neu vos metuat. Valet, nanque eccum senem.

## G R E X.

S Pectatores, peracta nunc jam fabula est:  
 Abimus; neque nos expectetis dum hodie  
 Huc denuo exeamus: intus omnia  
 Quae restant, transigentur. Antequam tamen  
 Abeamus hinc, officio facere vel satis

5  
De-

Decet nos. Igitur vestra quod praesentia  
 Honestatos nos voluistis; quod & largiter  
 Aequi & benigni fuistis in nostrum gregem,  
 Omnibus habemus gratias merito maxumas,  
 Habebimusque dum viveamus. Vos modo, 10  
 O boni, ut incepistis, pergite juvare, quo  
 Vestra meliores opera sumus. Plaudite.

A L I O M O D O .

DAVUS, ET PAMPHILUS.

Spectatores, peracta nunc jam fabula est:  
 Abimus; neque nos expectetis dum hodie  
 Huc denuo exeamus: intus omnia,  
 Quae restant, transigentur. Antequam tamen  
 Abeamus hinc, officio facere vel satis 5  
 Decet nos. P. Desinas, partes hae sunt meae.  
 Quod me, meamque nunc domum praesentia  
 Vestra hodie, nobiles ac disertissimi  
 Viri, tam facile honestavistis, gratias  
 Magnas immortalesque ago merito omnibus. 10  
 Et scorsum deinde tibi praeterea, amplissime  
 Princeps, qui ad ludos hosce pueriles meos  
 Spectatum huc, haud gravatus es, benignitas  
 Quae tua summa est, venire. Diu te sospitem  
 Superflitemque servet Deus. Tum omnes simul 15  
 Sitis felices, ac valete. D. Et plaudite.

IN

## IN TERENTII ADELPHOS

## P R O L O G U S.

**S**illete, spectatores, atque aures mihi  
 Praebete, ut pernoscatís quid procefferim,  
 Quid afferam, quid mi velim; namque haud pote 'st  
 Vos scire, ni ego praedixerim. Non perdiu est  
 Cum in mentem venit nostris praeceptoribus 5  
 Comoediam nobis hisce bacchanalibus  
 Ludis agendam aliquam exhibere; atque exhibent.  
 Alacres statim annuimus; perfacilis nanque res  
 Haec tunc videbatur. Nulla ergo sit mora;  
 Partes distribuunt: nos certatim exscribere, 10  
 Ediscere, ac contendere. Quid tum postea?  
 Periculum ut primum facimus, perdifficilis, &  
 Plus nimio res experiundo visa ardua est,  
 Atque putaramus. Aspere hic, & rustice  
 Adeo: ille vero tam presse, atque exigue 15  
 Pronuntiat: indecore ille alius sic caput  
 Manusque iactat: hic alter sic dissuit,  
 Incondite ille alter sic verba confuit,  
 Sententiam corrumpens, ut ludibrio  
 Vel ipsi nobis simus, & fastidio. 20  
 Quid verbis opus est? animum omnes nos illico  
 Despondere, onus & curam omnem deponere.  
 Quid nostri facerent doctores egregii?  
 Adsunt, addunt animos, & dictis recreant:

Nul-

Nullam adeo difficilem esse, quin facillima 81  
 Sit res, lubens quam facias: naviter sibi 25  
 Operam si demus, his sane ex angustiis  
 Brevi emerfuros, magnam & partam gloriam  
 Nobis futuram. Tum autem, venia cum bona,  
 Ineptiores alios pueros segregant 30  
 Dimittunt: alios aptiores aggregant:  
 Monent, praemonstrant, erudiunt, expoliunt  
 A mane in vespertum. Ut illis bene faxit Deus,  
 Ex animo nobis tam bene qui factum volunt,  
 Nostra adjuvantes studia. Quid multa? in dies 35  
 Magis proficimus magna cum laetitia.  
 Eoque ventum est tandem, ut hanc comoediam  
 Videremur posse agere haud nimis incommode,  
 Modo ad spectandum non desit benignitas.  
 Ei praestituta istaec ergo rei est dies. 40  
 Nunc convenimus omnes. Verum, ut plerumque fit  
 Ubi quid agunt pueri, unusquisque dum suo  
 Se ornatu exornat, annus est; quod mi dolet  
 Impendio magis, nostrum hic vos exitum  
 Praestolantes tandiu esse. Nam quid praedicem: 45  
 Eja agite dum? movent omnes, nec promovent.  
 Insto: verum illi irasci: odiosus es, necas,  
 Inquiunt: si tam dolet haec tibi cunctatio,  
 Prodi, cumque illis aliquid more nunc tuo  
 Nugare, nostrae eos i.e. taedeat morae. 50  
 Probant omnes consilium. Sic factum est opus,  
 Conclamant, & me cum dicto trudent foras.  
 Omnium. . . fed nolo in illos gravius dicere;  
 Ne quorum facta & odi, & vitupero,

Eorum similis sim, ac imiter stultitiam.	55
Quin potius vos oro jam, aequi ut sitis mihi,	
Imprudens siquid forsitan peccavero.	
Verum autem quid dicam tum postea? haereo,	
Miser. Hem succurrit: comoediae proferam	
Principio nunc nomen. Adelphi Terentij.	60
Quid contraxistis frontem? Quidnam tu caput	
Quassasti? dic. an & tu ex illis unus es,	
Cui nostra non probetur haec industria?	
Si id est, tuam nequeo jam mirari satis	
Rationem, qui invocatus huc adveneris,	65
Ubi spectes, audiasque quod placet parum.	
Verum ego veniam haud gravate do, puer, tibi,	
Puer qui sis. verum illis irascor magis,	
Qui te, atque alios in fraudem illiciunt pessumi.	
In quos si forte dixero inclementius,	70
Obsecro, spectatores, meo justissimo	
Dolori ignoscite; nanque eo res denique	
Adducta est, ut spes nobis reliqua nulla sit,	
Quin perpetuo pereamus. Id quomodo	
Fiat, amabo vos, nunc paucis attendite.	75
Est genus hominum, qui haberi primos omnium	
Se rerum volunt; in quibus, si exceperis	
Quod aut aliquo sint genere orti, aut pecunia	
Affluentes, aut scurrae potentioris viri	
Alicujus, nihil est aliud praeterea insuper	80
Quod admirare. Verum, ut sunt plena omnia	
Stultorum, honor ubique illis longe maximus	
Habetur: affurgitur: assidendi locus	
Datur primus, honestiorque. Hi tum bellissimi	
Ut	



Ut sibi quidem videntur, veluti publice  
 Juri praefideant dicundo, quaecunque res  
 In medium veniat, quae aliquid forte habeat  
 Quaestionis, arbitrato suo dijudicant,  
 Definiunt; quod jus ratumque est omnibus.  
 His coram face quis dixerit: Oh! quid novi  
 Nescitis? Nam quid illud est? Adolescentulos  
 Aliquot, ajunt, comoediam Terentij  
 Latinam propediem acturos hic viciniae:  
 Atque ecceum actorem unum: meque offenderit  
 Qui forte ignarus illo appulerim: insuper  
 Addens: bonis puerum, ajunt, studiis deditum, &  
 Spe praeditum animi, & ingenij fatis bona.  
 Tum nostri Areopagitae praeclarissimi  
 Statim pronuntiant: Nugae, nugae merae.  
 Nam quid malum, istoc isti cum Terentio  
 Volunt sibi nunc, qui nulli hercle rei est bonus?  
 Nam si alicujus rei esset, tunc inquit alius,  
 Terentius hic, mihi dedisset, fat scio,  
 Magister meus: at papae qui vir! quo fuit  
 Nusquam grammaticus quisquam subtilis magis,  
 Quin nec futurus est quidem; ut conjicere  
 Cuivis facile est, tot ex viris clarissimis  
 Qui ex illius schola, ceu Trojano ex equo,  
 Prodierunt; atque ex nobis adeo si lubet.  
 Tum post nostram adolescentium vicem dolent,  
 Quod tempus, eheu miseri! & operam ludimus.  
 Sed hos mittamus nebulones nequissimos,  
 Ut digni sunt, in maximam malam crucem.  
 Nunc venio ad illos, qui sancti & pij admodum

Habentur , & sunt fortasse , homines , qui male 115  
 Nostri poetae judicant de fabulis ;  
 Inesse in illis quod lenones audiunt  
 Impuros , meretrices avaras , virgines  
 Compressas , juvenes & amatores , & senes .  
 Et nobis nimio plus fatis , quam aequum est , timent . 120  
 Quid illis facias , per quos non oportuit  
 Profanam nec scribi , nec sacram historiam ,  
 Nec jura omnino nobis , & leges dari ?  
 Et hos quoque etiam mitto , nanque oratio  
 Alio festinat mea nunc jam . Vos interim 125  
 Pergite , spectatores , mi dare silentium ,  
 Ut hactenus fecistis . atque illum , obsecro ,  
 Compescite dum mi impuratum puerum denique ,  
 Jamdudum qui mihi exhibet negotium .  
 Scilicet animi causa me nunc fimiolus hic 130  
 Invenit , quem exagitet . Sed illud tu face  
 Memineris : nanque praedico , puer , tibi :  
 Si te unquam solus solum alicubi offendero ,  
 Nunquam hercle quisquam me esse Angelium dixerit ,  
 Si non te , scelus , ut meritis es dimisero . 135  
 Quid illud modo quod volui dicere ? quid ? quid ? hem .  
 Sunt qui grammatici usurpantur , quos ego tamen  
 Istoc nunquam tam honesto digner nomine :  
 Sed illos potius grammatistas dixero :  
 Id est grammaticos falsos , & vanissimos : 140  
 Qui quoniam ingressos aliam nos vident viam ;  
 Et mature aliquid sapere , quod vel nesciant  
 Ipsi , nedum tyrones eorum , invident ,  
 Carpunt ; neque ulla jam quietos consistere

In re nos patiuntur. Num nam per eos stetit, 85  
 Quo nobis minus hanc interdiceretur ut 145  
 Comoediam ne ageremus; & nostri patres  
 Et praesides a nobis & Terentium,  
 Et Plautum, & omnes libros, uno currere  
 Excepto, illuc juberent, satiri quo solent? 150  
 Scilicet id nollent astuti increbescere  
 Latinam linguam vel nullo negotio  
 Parari posse versandis, & memoriae  
 Latinis mandandis scriptoribus bonis.  
 Nam qui hujuscemodi tu frequentes nunc scholas, 155  
 Ubi te vanis tot praeceptiunculis,  
 Totque apinis, totque tricis tundant, enicent?  
 Quae quum belle barbatus tandem calleas,  
 Latine prorsum intelligere, aut mutire nil  
 Queas. Verum tibi idem ac Ctesiphoni accadat 160  
 Nostro, qui, ut mox noscetur, plenus quum fiet  
 Praeceptorum, ipse tamen nequam est & nihili homo.  
 Ne revocate, obsecro, me: finite dum, boni  
 Gregales, iram ut in eos hanc omnem evomam.  
 Sed persant: eundum est. Verba praeterea duo 165  
 Sola addidero, & redeo. Vos nostro nunc gregi  
 Favete, spectatores ornatissimi.  
 Re facite ipsa, quaeso, facile uti appareant  
 Vestra in nos studia. Valet nanque eccum senem.

## E C L O G A

## PALAEMON, ABEDON.

- S** Aepius hac fratrem secreta montis in umbra,  
 Pascua dum nostri tonderent laeta juvenci,  
 Dulcisona audiui meditantem carmina avena:  
 Suavius ast nunquam, quam paucis ante diebus,  
 Quum stata sacra iterum celebrarent Arcades anno 5  
 Pastores nostri, quae nunc de more novamus.  
 Ille canebat, ego post haec carecta latebam,  
 Ne inturbarem, tacitus, memori omnia menti  
 Contradens, quae nunc referam tibi cuncta volenti.  
**Ab.** Nam cupio certe. Sed primum dic, age, quamdiu 10  
 Expectatis eum, fratres, patruusque, paterque?  
**Pa.** Haud habeo certum, & vereor ne longius id sit,  
 Quam vellem. Nimis ille Tybrim, nimis ille beatos  
 Colles, Parrhasiasque umbras, sylvamque sonantem,  
 Et studia, & mores illorum suspicit alte 15  
 Pastorum, multos quorum sibi junxit amicos.  
**Ab.** Quin id gaudendum potius tibi duco, tuisque,  
 Inque videndum illi a nobis, qui rura pusilla  
 Incolimus semper, patriisque senescimus arvis,  
 Nosque satis magnos, sat dites esse putamus, 20  
 Nec bona sentimus, quae restant multa paranda,  
 Quo vere magni, ac dites vere esse queamus.  
 Ditiior ille autem, spero, meliorque redibit:  
 Atque etiam mage, quod spero, fortassis honestus.

Sed

Sed mihi quod dixi expeditas: nam solvere habenas 25  
Lassis Phoebus equis celerat, tenebraeque propinquant.

Pa. Dicam quam potero paucis. Repetebat ab alto  
Multa quidem frater, primaque ab origine: nostram  
Ut Pater omnipotens fortem miseratus iniquam,  
Sublimi unigenam demiserit aethere natum, 30  
Per quem cuncta Pater, terras caelumque profundum  
Condiderat: caeloque ac terris quidquid habetur:  
Quidquid ubique est, aut fuit: & per quem omnia fervat;  
Virginis intactae sacra quo indutus in alvo  
Mortale hoc spoliū, primaevi ab labe parentis 35  
Humanum ablueret genus, ac inferret Olympo.  
Deinde homines inter gnatus quos ipse labores  
Ac quantos tulerit, pauper, pressusque suorum  
Fraude mala, atque odiis, donec damnatus iniquo  
Iudicio, duplici ligno suffixus obivit. 40  
Nam qualem (hic vero subdebat) te, bone Jesu,  
Ora, artusque omnes lacerum, spinis & acutis  
Tempora compunctum, rigidisque pedesque manusque  
Pertusum video clavis! Ubi nam illa decora  
Caesaries? ubi nam illa ardentia lumina, sol & 45  
Unde suos ignes Phoebe, & vaga sydera habebant?  
Ut clausa! ut nigris cheu suffusa tenebris!  
Concreto ut totum turpatur sanguine corpus!  
Ten voluisse Pater tot dura, indignaque ferre  
Pro nobis? summa o summi miracula amoris! 50  
Flebilisue hic carmen erat: cessabat & inter  
Saepius haec frater, tergebat lumina, credo:  
Nam visi gemitus nostras accidere ad aures.

Ab. Sed satis haec: mulctrae namq; instat tempus. Pa. Eamus.

ELE-

## E L E G I A L

**P**ER maria, & terras longis erroribus actus  
 Post septem demum lustra revertor, & o  
 O quam te cupide, quam avide, ex animoque revisto,  
 O patria, o noster, patria, dulcis amor!  
 At qualem heu video, & quantum te, patria, ab illa  
 Mutatam, populo quae fueras celebris,  
 Ardua quae fueras domibus, quae turribus altis  
 Conspicua, & cultu pulchra hominum nitido!  
 Nam quid te sceleris tantum admisisse putarim, 5  
 Cur mole ista digne opprimerere mali?  
 Squallida, fenta situ, vasta, & deserta, ruinis,  
 Heu dolor, heu pietas! pene sepulta tuis.  
 Eccui nam tantum licuit de te? anne tyrannos  
 Infelix iterum passa Syracosios?  
 Militiamve trucem truculenti praefidis illam,  
 Romani saecem, propudiumque popli,  
 Rursum experta? aliquis solvit vel carcere fratres  
 Daemon Phlegraeos in tua damna malus,  
 Oton, & Enceladum, Rhetum, validumque Mimanta, 10  
 Atque minaci ipsum Porphyria statu,  
 Ceumque, Japetumque, immani & mole Typhoea;  
 Docti qui montes montibus extruere,  
 Pelio Ossam, Ofsaeque virenti vertice Olympum,  
 Urgebant caelum vellere cardinibus,  
 Praecipitemque Jovem folio exturbare deorum,

Atque

Atque hominum Regem, & fidera disjicere ?  
 Ah! sensi modo: non aliquis Dionysius, & non  
 Aut te Pleminius, Pleminiique cohors,  
 Non & Terrigenae conferti: Terrigenarum 15  
 Unus te miseram perdidit ille male,  
 Qui Inarime excussa, fuerat quae imposita superbo,  
 Ulturus Phlegram, litora nota petit  
 Ausoniae propere; Aesopemque adgressus in ipso  
 Adventu primo funditus eruere,  
 Impositurus eum Melio, Aesopique propinquos  
 Post alios montes, insuper atque alios;  
 Ut primo inceptum urget opus, pellitque, quatitque,  
 Omnem jam jam te, patria, dispulerat,  
 Ni Vaticana qui regnat in arce, tulisset 20  
 Tempore praesentem Jupiter almus opem.  
 Ergo illum sceleri instantem pater ipse nefando  
 Deterret tonitru protinus horrifono:  
 Tum trifidum contorquens telum, insigit acutis  
 Picentum scopulis. i modo, temne deos.  
 Ut pater omnipotens, cujus, Benedicte, procuras  
 Omnes assiduus nomine res hominum,  
 Det facilis semper quae tu vis omnia, teque  
 Det nobis longum sospite posse frui,  
 Talia qui perdis portenta, & monstra per orbem, 25  
 Et nos qui tali denique peste levas.  
 Et sane fuerat nostri hoc insigne doloris  
 Solamen, fateor, ni tua damna super  
 Essent, o patria, & clades vastaeque ruinae.  
 Quod Pater ipse etiam prospiciens animo,

Undique conquirir mortalem ex millibus unum,

Quem tibi praesidio det miserae proprium.

Nequicquam datus ille tamen, crudelia quando

Fata unum nobis ocyus extulerunt.

Heu dolor, heu populo nimis invida fata Locrensi!

30

Eheu fata meis invida deliciis!

Tu mea, tu moriens tecum aufers gaudia, amice,

Locrorum & tecum est paene sepulta salus.

Sed stultas hominum mentes, & pectora caeca!

Ecquisnam nobis amplius esse boni,

Bozone extincto, speraret? Scilicet ipsis

Haud sumus invisi nos adeo superis,

Nec nostri est adeo pater optimus immemor ille,

Sceptra pios omnes qui tenet in populos,

Neglectos uti nos habeat. Ex omnibus ergo,

35

Quotquot alit magnos Itala terra viros,

Qua late pelago supraque & cingitur infra,

Unum dat fortem magnanimumque, modus

Et cui sit rerum, rebus spectatus in ipsis,

Sincera & pietas, castaque religio,

Atque, uno ut dicam verbo, omni laude probatum,

Cujus sit nostri propria cura gregis.

Ut Benedicte tibi quæ vis dent omnia divi,

Humani spes, & delictum generis,

Talia qui mactas monstra, & portenta per orbem,

40

Quique Locros tali praeside nunc recreas.

Et sane haud alius cives par rebus egenis

Nostris, non alius, non nisi Caesar erat.

Nullius & fuerat tantas sarcire ruinas,

Ni magni magnum Caesaris illud opus.

Er-



Ergo virum tantum, tantis virtutibus aequae  
 Ac factis clarum, jure avido studio  
 Opperiebamur: jure ergo illum advenientem  
 Tanto cum plausu, cum strepitu ac fremitu  
 Excipiebamus, jure & nunc denique mente  
 Tanta, illo excepto, gaudia concipimus.  
 Nam veluti longe deductus rivus aquarum,  
 Aut veniens caelo candidus imber, agros  
 Arentesque herbas, ussit quas Syrius ardens,  
 Enectumque siti recreat omne pecus;  
 Aut veluti silva in magna si forte viator  
 Deflexit recta de regione viae  
 Imprudens, seque in saltus ac lustra ferarum  
 Induit, & jam jam nox tegat atra diem:  
 Erranti pastor, sive armentarius illi  
 Obvius unus eat tunc cito, opemque ferat;  
 Sic summo adveniens nostro nunc tempore, Caesar,  
 Unus opem nobis auxiliumque tulit.  
 Ille velut nobis demissus ab aethere, rerum  
 Multarum prudens, eloquioque potens,  
 Sanctis hanc iterum formabit legibus urbem,  
 Illam iterum sanctis moribus instituet.  
 Ad decus ad laudem o quantum tibi, patria, & ille;  
 O tibi quam facilem sternet ad astra viam!  
 Aspice uti demum longo post tempore gressum  
 Huc Astraea, deum progenies, retulit:  
 Plurimum erat ubi cum justis vitaeque magistris  
 Olim illis, illo & flore hominum veterum,  
 Gypcio, Onomacrito, Timare, Stenidaque, Zaleucoque:  
 Atque una ut rediit pax, pudor, & pietas!

Fortunata! novus qualis tibi nascitur ordo  
 Nunc rerum, quanta & sunt tibi nata bona!  
 Haud sceleri pretium hic ullum amplius: exploratæ  
 Virtuti sed enim præmia digna manent.  
 Et jam jamque tui justos tibi, patria, & illos, 60  
 Quos dixi, hoc nostro præfule, patre, duce,  
 Atque illos referent, quorum sapientia vel nunc  
 Tanta celebratur, Xenonas, Euticrates,  
 Timæos, Cetos, Acriones, Philodamasque,  
 Et quis pro Christi religione cruor  
 Intrepide fusus, multumque exercita virtus  
 Aras tot passim, templaque demeruit.  
 Provesti atque utinam mihi divi hoc protrahere ævi  
 Dent faciles, possim quo bona tanta frui  
 Una vobiscum, cives, & gaudia vestra 65  
 Gaudere, & magna, & perpetua, & propria.

## E L E G I A II.

Q Uod felix faustum fortunatumque, Locrenses  
 Cives, sit vobis, sit mihi, sit populo  
 Nostro, fas coetu nunc ecce coire frequenti,  
 Atque iterum magnum concelebrare diem,  
 Q Uo pater ipse die sacrorum est Caesar inunctus  
 Rex, datus & populo rite Pelusiaco.  
 A n non vos illum laetum faustumque habeatis,  
 A quo sunt nobis omnia nata bona?

Aſt

Ast ego vel mediis pelagi si verfer in undis, 93  
 Siccae deserto litore vel Lybies, 5  
 Sacra memor semper tamen haec, & vota quotannis  
 Exsequar : & multo thure onerabo focos.  
 Atque utinam nitidae primus calor ille juventae  
 Esset, qua cordi mi citharæ, & choreae:  
 Qualis eram Tyberis quondam flaventis ad undam,  
 Ad juga vel nostri Parrhasii nemoris:  
 Ut, paulum absterfis mihi quas creat usque Cleanor  
 Absens spinosis sollicitudinibus:  
 Cura Cleanor, amorque meus, quem docta moratur 10  
 Intentum Sophiae Parthenope studiis:  
 Me nunc complentem audiretis compita cantu,  
 Nunc pede pulsantem conspiceretis humum!  
 Sed bene habet, nostrum quod prima videmus adesse  
 Pastorum, Phociscum, & Menoea meum,  
 Eurythumque bonum, tantosque ex ordine vates,  
 Carmina queis cordi, queis choreae & citharae.  
 Vos, vos ergo meam vestramque vicem, aethera cantu  
 Nunc complete boni, nunc agitate choros.  
 Et laeti faustae bona dicite verba diei, 15  
 Qua bona sunt nobis omnia nata die.  
 Concita non illam ventorum flabra, sonori  
 Non imbres turbent, aut nebula ulla tegat.  
 Nec paulo gravior rapido sol urat ab aestu:  
 Laetior ast cunctis una diebus eat;  
 Unaq; fausta magis, magis expectataque, quicquid  
 Inceptare boni, aut perficere est animus.  
 Nec non & magni Clementis dicite, vates,  
 Manibus o nostri vos bona verba piis:

Quo

Quo rerum potiente, etiam sua praemia laudi, 20  
 Virtutique suos dignus honos fuerat.  
 Scilicet ipse prior nostrum hunc in regna vocavit  
 Virtute ac factis fortibus egregium.  
 Unde ad nos illum summo post tempore nostro  
 Transtulit, huic urbi praesidium miserae,  
 Ille pater summus, caelum cui obtemperat ipsum,  
 Quemq. horret Phlegeton, Tartareiq. lacus.  
 Quare & verba patri bona dicite vos Benedicto,  
 Per quem nempe bono praecipuo fruimur.  
 Et longum vivat, Benedictus, dicite, longum 25  
 Quo queat humanis addere rebus opem:  
 Discordes populos componere: latius omnem  
 Et Christo errantem subdere barbariem.  
 Et sospes vivat incolumisque diu:  
 Tempora securi per quem tam laeta potimur,  
 Et ludos per quem ludimus innocuos.  
 Tum longum noster felix, longumq. superstes  
 Denique sit Caesar, dicite, noster amor.  
 Spes & amor noster Caesar, quo sospite Locri 30  
 Nil omnino mali, quod vereantur, habent.  
 Illo quin Locri salvo incolumique, quod usquam est  
 Quippe boni, sibi quod polliceantur habent.  
 Huic ergo, vates, bona dicite verba diei,  
 Omnia qua nobis sunt bona nata die.  
 Hac vos ergo die bona fundite carmina, vates, 33  
 Et laeti faustum concelebrate diem.

---



---

### E L E G I A     III.

**N**Empe Patri magno nostrorum est cura, gregales,  
 Et pudor, & pietas, castaque religio,  
 Simplicitasque olli, & mores artesque probantur  
 Nostrae, quum puncto temporis instabiles  
 Res stabilit nostras, casum jam jamque minantes.  
 Occideramus enim, ni tetulisset opem  
 Qui caecas cordis latebras introspicit unus,  
 Ac scelerosa hominum frangere consilia  
 Stultorum potis est. Ergo huic bona dicite verba,     5  
 Unde est, o vates, omnibus omne bonum.  
 Nimirum posito tandem conversa furore  
 Omnia jam sunt, cursu obvia quae fuerant:  
 Nec nostram caelique irae, pelagique timendum est  
 Ne parvam jactent, disjiciantque ratem,  
 Quando gubernator divinitus obtigit, alto  
 Majora expertus ducere navigia.  
 Qualem non poterat sibi spe praesumere quisquam,  
 Non poterat votis fingere. Dicite io,  
 Dicite io, focii, viridi & mihi tempora fronde     10  
 Cingite: nam exsultans pectore laetitia  
 Me lusu jubet ingratis, choreisque, jocisque  
 Indulgere senem, carminibusque novis.  
 Magna peracta, viri, res est, dis gratia. nostris  
 Haud quisquam posthac imperitabit agris

Mu-

Musarum studiis averſus barbarus hoſpes,  
 Quĩ ſeſe plenus deſpiciat reliquos;  
 Ac gentem, & mores melioribus exprobrat excors;  
 Sed noſter, noſtro ſanguine cretus homo;  
 Cui res ampla domi, domus ipſa magiſtra pudoris 15  
 Magnorumque eadem magna virum genetrix,  
 Ingeniique adeo bonitas, virtutis apertam  
 Ac facilem ſtrarunt ad juga celſa viam.  
 Non huic deliciae puero, non otia cordi,  
 Verum doct̃inis, artibus atque bonis  
 Cura fuit formare animum, nullique labori  
 Parcere, virtutis quo citius ſpatia  
 Omnia conſiceret; currentique aemula fratrum  
 Laus, vigil & genitorum pia ſedulitas  
 Addiderunt ſtimulos. Atque hinc prudentia major 20  
 Annis illa fuit, canicieſque animi  
 Praecox: facundaeq. hinc illa opulencia linguae,  
 Quae auditorum aures duceret attonitas.  
 Nam quĩd ego memorem, juveni poſt additus omnem  
 Ad laudem, qualis, quantus & ille fuit,  
 Ille ejus doct̃or; cujus magno abſque dolore  
 Atque piis lacrimis haud meminiffe queat,  
 Principe ſit quicumque viro ſemel uſus amico,  
 Sicut & uſus ego, tempore ſed modico?  
 Scilicet heu nimium celere caeleſtia nobis 25  
 Numina praereptum te voluere ſuum,  
 Philamarine pater, noſtra aetas ne foret uſquam  
 Unde ſuperbiret, deſpiceretque alias.  
 Quam tibi, quam vellem, vitae mage longa ſorores  
 Stamina neviſſent! tu quoque magna chori

Hujus pars esses, sperassem, laetitiamque  
 Expleres nostram, Hermocratisque tui,  
 Nostrorumque hominum; tantoque superbus alumno  
 Maxima nobiscum gaudia nunc caperes.  
 Nec vero ulla tuum haud tentarent gaudia pectus, 30  
 Quamvis & fortis magnanimusque fores,  
 Vivere si liceat, ac cernere tam tibi carum  
 A nobis habitum tanto in honore caput.  
 At te quis divis unquam magis usus amicis,  
 Hermocrate o noster, cui meruisse datum  
 Est duce sub tanto tam longo tempore, & artes  
 Egregias sacrae discere militiae?  
 Sed neque semiferi nomen Chironis, Achille  
 Olim educto, aequae claruit, atque tui,  
 Te educto, aeternum clarescet Philamarini 35  
 Fama recens; nec enim nos patiemur, opus  
 Illius ut faciat in nomine aranea putre,  
 A quo sunt nobis tot modo nata bona.  
 Jure ergo nobis praesumpsimus omnia laeta,  
 Omnia fausta, aures laetus ut ille avidas  
 Nuncius implevit, aliud te prorsus agentem  
 Praefectum nostris rebu' fuisse sacris.  
 Ergo & jure tibi primum ad nos advenienti  
 Sedibus ipsa suis urbs quasi vulsa Locrus  
 Advorsum venit, humerisque velut sublatum 40  
 Intulit ad sese, laetitia exsiliens.  
 Nam qui nunc fremitumque hominum, plausumque jocumque  
 Qui bombos tantos, aeraque pulsa manu  
 Omnia quot pendent templorum e turribus altis,  
 Confratasque vias fronde nova, & titulos

O

Atque

Atque arcus referam, ningentia & alta domorum

Floribus, haec quando attendere non potui,

Unus quum trabea mitraque insignis & auro

Hermocrates, similisque os humerosque Deo  
Nostorum ad sese raperet mentesque oculosque,

45

Candenti ingrediens conspiciendus equo?

Haud aliter curru, credo, sublimis Ioseph

Incedebat ovans urbe puer media,

Ifacidae magni proles, ab rege secundum

Illum dum praeco praedicat ingeminans.

Laxior olli humero, grandi quam fibula gemma

Aurea subnectit, byssina ad usque pedes

Dependet stola, depicto circumdata limbo;

Et collo torquis regius impositus;

Regius & digito simul inditus annulus aureus,

50

Quos sibi detractos rex dat habere homini

Servatori hominum: nam sic vult dicier illum,

Per quem sit Phario parta salus populo.

Fortunate nimis juvenis, rerumque potentis

Cura & amor patris, sic bene cuncta cadunt

Cui ex animo. Fratrum tibi nil odia aspra tuorum,

Spretaque nil falsis uxor herilis obeft

Quidquam criminibus, superent quin fata, viamque

Inveniant facilem, perque ea quae obstitierint.

Quamlibet e medio obdurent te tollere fratres:

55

Quamlibet in puteum praecipitem ejiciant,

Suspendantque, fame atra jamjam conficiendum:

Quamlibet & duro denique servitio

Infontem damnent, ac talia nulla merentem,

Dum vano expediant livida corda metu,

Ne



Ne dominum fratrem accipiant aetate minorem,  
Cui fraterna adeo crimina displiceant.

Namque volente Deo, te denique oportet adorent,  
Et fidei sese praesidioque tuo

Vitam committant; aequus quos accipis omnes 60  
In fortunarum praecipuam miseros,

In regnique tui partem: populumque beatum  
Condis, parta salus unde hominum generi.

Nostra ergo o nobis gratemur tempora, cives,  
Sacrorum Antistes quum datur unus, opem

Praesentem ferat afflictis qui denique rebus,  
Et qui nos omnes servet ametque suos:

Nullaque cui placeant malefacta, aequique bonique  
Cultori. Quare praemia nemo bonis

Debita, seu capite obstituto, seu pectore posthac 65  
Ignavus tunso praecipiet facile.

Nilque animi falsis, nil dehinc technisque, dolisque,  
Perfidiaeque loci. Pestis & illa procul,

Hinc procul illa ibit pestis, quae quod mage honesti,  
Quodque magis sancti est foedat, avarities.

Nostra ergo, o cives, felicia tempora nobis

Gratemur. divumque ipsum, hominumq. patrem 69  
Oremus, nobis eadem haec felicia longum

Tempora det facilis, perpetuoque frui.

---



---

E L E G I A    IV.

NOMINE CLEANORIS PALLADIACI.

**Q**uod me signantem prima vix ora juvena,  
 Ignotum, ignavum, nullius & pretii,  
 Nominis in partem vestri, vestrumque sacrorum  
     Ultero tam faciles, Arcades, accipitis;  
 Id mihi pergratum est, perjucundumque, placere  
     Me quoniam vobis sentio, Phoebus amat  
 Quos pater, Aonidumque cohors dilecta fororum,  
     Quos & amant omnes; suspiciuntque boni.  
 Ast ego fortunae tot merfor fluctibus, ut spes                   5  
     Nulla emergendi vatis ad exiguum  
 Vel saltem nomen superet mihi, munere vestro  
     Quo tanto possim, judicioque frui.  
 Nec juvat aut scriptis Grajorum, Romulidumque  
     Instare assiduum; floriseris & apes  
 Omnia uti limant in saltibus, omnia sic me  
     Illorum depasci aurea dicta avide,  
 Et servare meo studiose in corde reposta.  
     Nam nihil est, quando me mala Pauperies  
 Obsidet: haec nostris magnis conatibus obstat:                   10  
     Una mei haec vires pascitur ingenii.  
 Cui tamen ut possim nitens obistere contra  
     Viribus, ut sortem magnanimumque decet,

Anne

Anne etiam quae pone subit crudelis Erinny,  
 Quaeque caput quassans, me miserum trucibus  
 Unum oculis designat atrox, ac eminus usque  
 Territat, hanc contra stare miser valeam?  
 Haud equidem valeo; illa etenim, nec fallor, Egestas  
 Est: novi faciem, novi etiam comites,  
 Et genus, & mores novi: fata Nocte, Ereboque 15  
 Pannosa est, rugis aspera, sicca fame.  
 Tum quasso horrendos sonitus ciet illa flagello  
 Effera, torva tuens, imperiosa, minax.  
 Agmine quam longo sectantur, devius error,  
 Et Dolus ipse malus, Fraus mala, & Improbitas,  
 Euries, Sitis, ac stimulans Irrisio, & Aegror,  
 Et Dolor, & Quæstus, & Lacrymae, & Gemitus,  
 Tum Morbi, & vigiles Curae, tum denique nigra  
 Mors, heheu Mors, quam mi nigra, & horribilis!  
 Quam grave Pauperies pondus, quam saevus Egestas 20  
 Heu timor, heu visu terribiles facies!  
 Haud potis Alcidem tantis, ac talibus usquam  
 Euristeus durus supposuisse malis:  
 Quamlibet & Nemaëus opus magnum Leo, & Hydra,  
 Harpyaeque truces, & Diomedis equi  
 Naribus efflantes ignes, & janitor Orci,  
 Ac tot victa manu monstra alia atque alia;  
 Ut non aerumnis, aerumnas illius omnes  
 Ipse meis vincam, cui mala Pauperies  
 Imperat, & longe gravior minitatur Egestas 25  
 In nostrum jam jamque, irruitura caput.  
 Nam quid dulce mihi in vita, quid amabile, pestes  
 Hae geminae esse sinunt, quidve boni reliquum?

Non

Non trochus, aut pila me, non talus, non cavus arcus,  
 Non viscus, non me retia rara juvant;  
 Non citharae cordi aut choreae, non daedala cantu  
 Carmina, non mimi, non joca, non epulae.  
 Tempora quidquid habent anni, ver quidquid & aevi  
 Fert nostrum, quidquid fors & amabilius,  
 Mens animi id totum mea fastidit, reicitque, 30  
 Quae mala tanta timet, quae mala tanta dolet.  
 Quod cum ita sit, nolim, noster Miraeae, maligne  
 Me fecisse putes, aut minus ingenuae,  
 Si nimio plus ac decuit, fortasse, canendi  
 Ipse meam spreui, deferuique vicem.  
 Sane ego jamdudum facerem ultro, copia tantos  
 Si foret angores exspuere ex animo:  
 Cum laudis quoque ego tangar dulcedine, alumnas  
 Et pulchras Phoebi depeream ipse quoque.  
 O mea si tandem pietas me, relligioque, 35  
 Et vitae integritas, & benefacta juvent,  
 Atque mihi Deus omnipotens animum det habere  
 A tantis vacuum sollicitudinibus:  
 Ut vestris ego pressa legens vestigia plantis,  
 Ingenioque potens, quod mihi jam trepido  
 Amplius haud rerum, dubio procul augetur,  
 Ad juga perveniam, mox Aeliconis ovans,  
 Castaliisque trahens magnos de fontibus haustus  
 Vel paucis impar vatibus unus ero!  
 Dulcia quin vestris audax mea dulcibus addens 40  
 Carmina carminibus, laetus & ipse canam.  
 Non secus atque gravi defuncto laeta periclo  
 Daulias arguto gutture cantat avis.

Illum

Illam nam perhibent, si quando sub arboris umbra

Ad terram propius sedula pervolitet

Quaesitura sibi, natis vel dulcibus, escas,

Et forte e viridi gramine conspiciat

Colla attollentem colubrum, torvisque tuentem

Sese contra oculis, ilicet attonitam

Horrere, auxilium ut nequeat sibi quaerere ab alis, 45

Praesenti & fugiens se eripere exitio:

Quin se jactantem huc, illuc, ac multa dolentem

Anguineas demum praecipitem cadere

In fauces. Misera! heu, misera! en quonam impia facta

Te tua compulerunt! en datus esca patri

Infelix puer! en tua mens caeca, iraque praeceps!

En furiae! en vindex nunc tibi & ira deum!

An tibi par visum, natum praestare parentis

Culpam, ejusque vicem pendere supplicium,

Illius ut concisa, dapem, vos membra daretis 50

Tereo, crudeles tuque sororque tua?

Scilicet, ah, nimium flos virginitatis adeptus

Te urebat, sentio, meque tui miseret.

Tu tamen omnino vivo condere sepulchro

Viva, nec instanti te excidio poteris

Iam misera eripere, externata pavore, & ocellos,

Ac mentem viru faucibus letifero.

Sed bene habet. venit haec super improvisus, & euge!

Tempore fert volucris pastor amicus opem.

Ocyus ergo fugam proserpens bestia carpit: 55

Nequicquam: duro nam semel atque iterum

Ista caput baculo, squalentia terga resolvit,

Et moriens, tabo plurima spargit humum.

Ut

Ut tibi dii faciles quae vis dent omnia, pastor,  
 Et quisquis miseris fert bonus auxilium.  
 Ut faciles divi fortuna denique eadem  
 Uti mi donent, ac avis exiguae.  
 Quae nunc mente statim prima, primisque receptis  
 Viribus, emissum non secus atque habili  
 Ex arcu telum, liquidum secat aera pennis,  
 Arboris & celsae vertice tuta sedens  
 Persultat victrix, oculosque animumque jacentis  
 Explet nunc hydri sanguine, nunc hominis  
 Tam bene promeriti cara dulcique figura:  
 Nunc canit & suaves incipit ore modos.  
 Illa canit: sociae respondent; cantat & illa  
 Ingeminans: doctae cuncta iterant sociae.  
 Nec mora nec requies, cantu late omnia miscent  
 Circum rura, & agros, & nemora, & scopulos.  
 Laetantur subita tactae dulcedine Nymphae  
 Pectus, & obliti pascua laeta greges.  
 Omnes at vero pastor magis omnibus ille  
 Unus laetitia concipit ultor avis;  
 Quem solide egregii oblectat conscientia facti;  
 Quod magnae est unum magnum operae pretium.  
 Carminis hoc nostri munus pensumque, gregales,  
 Curavi vobis, ut potui melius:  
 Miraci fugerem vecors ne iussa magistri,  
 Muneris & vestri gratia nulla foret;  
 Qui in partem vestri me nominis accepistis  
 Ignotum, ignavum, nullius & pretii.

60

65

70

---



---

E L E G I A V.

**E**Rgo modum nullum facies tu denique luctu?  
 Nulla ergo accepti pausa doloris erit,  
 Arcane? Ecquando tete excruciare, gregales  
 Atque tuos perges, meque adeo miserum,  
 Omnia cui tecum jam sunt communia dudum,  
 Nec possum ipse tuo non gemitu ingemere?  
 Sunt ea magna quidem, simul et verissima juxta,  
 Quae tu flebiliter de juvene eximio  
 Fratre tuo memoras. nemo jucundior illo  
 Alter erat, sic est, aut melius Charites  
 Cui vellent, caelestesque omnes tot mutua divi  
 In quem tam large munera contulerint.  
 Nam monstri id simile, ajo & ego, solertia rerum  
 Admirandaque in hoc vis juvene ingenii.  
 Quare illum clari deserint jure propinqui;  
 Quin urbs nostra fleat, mater & usque fleat,  
 Unanimesque fleant fratres licet atque sorores,  
 Mortalesque omnes, dum datur hisce frui,  
 Munere quas divum vitales pascimur auras.  
 Ast, Arcane, quidem nostra alia est ratio.  
 Haud etenim nobis, qui veri unius amore,  
 Non venti causa, Palladis egregias  
 Artes sectamur, nobisque addiscimus unis,  
 Quae praestare unquam vulnera nemo queat,

P

La.

Lamentanda, sed illa ultro quae admittimus ipsi :

Quod genus est nostrae nunc patriae excidium .

Namque patrum vitio faciat licet illa ruinam ,

Est ibi nostra etiam plurima culpa tamen .

Divitiis illi , ac luxu fastuque superbi

15

Sanguine perfusas in sua damna manus

Dum vertunt , totam spargunt & caedibus urbem ,

Rem perdunt publicam funditus atque suam :

Quin sese perdunt ipsos , aut funere merfi

Crudeli , aut acti vertere sponte solum .

Scilicet ex illo patria haec viduatur in horas

Civibus : ex illo testa sonore gravi

Horriscoque cadunt late , noctuque diuque ;

Et fora pulchra cadunt , moenia & alta cadunt ,

Aeriaeque cadunt tũres , templisque caducis

20

Passim diffugiunt numina sancta deum .

Jamque manus dudum ex illo poscentibus agris ,

Defunt , nosque fames & mala multa premunt .

Nam novus hanc hospes faciem quis viderit urbis

Infortunatae , temperet & lacrymis ,

Atque caput quassans non haec verba insuper addat ?

Haecine magna potens urbs ea dives opum ,

Olim quae populis tot magnis imperitavit ,

Primaque eos scriptis legibus instituit ?

Quae validas circum tot condidit , atque colonis

25

Arces firmavit hostibus oppositas ?

Haec Locrus est ? genitrix ea tot foecunda virorum ,

Quorum etiam laudes fama superstes alit ?

Illa autem nunc ruderibus malvisque sepulta ,

Urticisque , super tertia quaeque domus

Vix



Vix, Arcane, est, atque eadem quae acate, situque  
Fessa sit interitum non subitura brevi.

Tuque mihi doleas unum modo funus acerbe  
Germani fratris, quotidiana tuae

Funera non doleas patriae, quasi prorsus agatur  
Res nulla hic nostra, aut nullius illa preti!

Merce gravis, multis gravis & vectoribus, undis  
Versatur mediis navis in Ioniis;

Quae licet adversis jam tempestatibus usa,  
Iratisque diu caelitibus fuerit,

Haud tamen in tanto est unquam versata labore,  
Infelix, quanto fungitur ipsa modo.

Collectis gravidæ nimbis, atque imbris atris,  
Consertaeque obscura omnia nocte tegunt

Eripiuntque diem nubes, rabidi quibus Euri  
Caurique trusus vi valida & laceris,

Effusi erumpunt imbres: salis aequora plangunt:  
Undae concurrunt: debilis illa ratis,

Et cariota: animis discors iussisque resistens  
Navalis turba est: rector iners, fatuus.

In navi sumus hac omnes nos, nostraque; num tu  
Hoc caelo, hoc pelago, navigioque putri hoc,

His nautis ducibusque, putas, clavique magistris,  
Coeptum nos cursum posse tenere diu?

Actum de nobis, nostrisque est denique rebus,  
Praesenti omnipotens ni Deus auxilio

Adsit, & aerumnas miseratus denique nostras,  
Duros heu nimium molliat ipse animos;

Tuque, tui & faciat similes quot mente vegetis,  
Iudicioque estis consilioque boni,

Ut nobis tandem , vobisque velitis adesse ,  
 Accipere & curas in patriam patrias .  
 Laudibus ergo tuis possit quod deesse videri  
 Tot , Michael , unum naviter adgredere  
 Hunc demum nobis magnum , navare laborem ;  
 Ex animoque foras expue quidquid adhuc  
 Est aegri praematura . tibi morte receptum  
 Germani fratris , quamlibet egregii .  
 Nec descendus enim summi qui munere regis  
 Privoque , ante diem praemia tanta ferat  
 Militiae , vix tiro , sua sine parte pericli ,  
 Ac regni confors accipiatur ovans .  
 Quin juvenes plerosque fleas tu verius hosce  
 Nostros spe nulla , ac re tenui , & misera ,  
 Ignaros , ignavos , quorum est mortua vita ,  
 Et gratare tuo tot modo adepta bona ;  
 Ardua qui caeli nunc occupat , aeternamque  
 Ingressus vitam , coetu epulisque deum  
 Perfruitur , ridens nostra haec vanissima rerum ,  
 Quae tanta stulti primaque nos facimus .

45

50

IN

---

 IN PASSIONE DOMINI

## CARMEN ANNALE.

Q Uod tua sumus in fide,  
 Christe, præcipue, accolæ  
 Locorum Arcades, annua  
 Nunc tibi ex animo sacra  
 Die hac rite novamus.

Qua die faciens Patri,  
 Humanum superis genus  
 Invisum scelere expias  
 Ad aram crucis, hostia  
 Unus, atque sacerdos.

Hunc ergo vacuum tibi  
 Exstructum tumulum aspice,  
 Dive, funereis tegit  
 Arbor quem nigra frondibus,  
 Feralisque cupressus.

Munera & bonus accipe  
 Sola quæ tenues queunt  
 Pastores dare: muscos  
 Modos scilicet, ubere &  
 Sparsa carmina fletu.

Musa-

- Mufarum nec enim bonas  
 Artes tu negligis quidem,  
 Qui tot grandia fuderis  
 Saepe carmina de sacro  
 Vatum ore tuorum. 5
- Pastorum neque enim genus  
 Non gratum tibi, dulceque  
 Nomen; dicere saepius  
 Qui tete solitus bonum  
 Pastorem esse ferare. 6
- Verum quis valeat tua  
 Fando tristitia persequi,  
 Christe, funera? quis graves  
 Et ignominias queat,  
 Exhaustosque labores? 7
- Haud ego, haud alii putri  
 Hoc compacti homines luto;  
 Non ipsi superi, reor,  
 Aerumnas valeant tuas  
 Tot tantasque putare. 8
- At omnino aliquid vicem  
 Canendum tamen est meam,  
 Vel flendum potius mihi,  
 Nam fletu mage nunc opus  
 Est, quam carmine molli. 9
- Et vero sine lacrymis  
 Quis unquam nisi ferreus  
 Sit, lucem hanc memorabilem  
 Transigat, tua qua dedit  
 Te gens effera letho? 10

	111
Jamque amara aderat prope	11
Hora , & more tuo hortuli	
Secretum , Pater , ultima	
A coena tacitae petis	
Per silentia noctis .	
Quis hic te pavidum metu	12
Cernat , aspera cogitas	
Dum tot , quae superant mala ,	
Et fletu abstineat genas	
Irrigare tepenti ?	
Quis te magnanimum ad Patrem	13
Orantem videat , genu	
Lapsum , sanguineo & solum	
Sudore irriguum tuo ,	
Lacrymis sine multis ?	
Quis non & gemitus edat	14
Moestos , quum subito a tuis	
Desertum , ac manicis gravem	
Spectet fraude mala rapi	
Proditoris amici ?	
Quis porro gravia omnia	15
Per noctem Caiphae ad domum	
Quae passus , fatis explicet ?	
Heheu quot miserum modis	
Hic te plurima ludunt !	
Hi infringunt colaphos : sacrum	16
In os hic alii spuunt :	
Hic vellunt alii comam ,	
Ac barbam tibi : verbaque	
Addunt multa pudenda .	

Hinc

- Hinc Praetoria ad ardua 17  
 Pilati trahere: & malis  
 En tibi gravior in caput  
 Tempestas recidit nova,  
 Foediorque priore.
- Hicustus misere flagris, 18  
 Hic lusus chlamyde in rubra,  
 Sceprique instar arundine:  
 Hic circumdatus aurea  
 Spinis tempora acutis.
- Hic fur & latro dignior 19  
 Inventus venia: cruci  
 Tuque addiceris innocens:  
 Nec virtus tua te, neque  
 Tot tegunt benefacta.
- Nam quae sunt odia haec tua, 20  
 Gens Judaea, uti sanguinem  
 Sic fratris sitias, nihil  
 Qui in tete sceleris, Deum aut  
 Ipsum, admiserit unquam?
- Aut quis hic stupor est tuus 21  
 Ipsum olim patribus ducem  
 Tuum, quem cupide cupis,  
 Promissum, haud modo cernere  
 Signis tot manifestum?
- Irato quis enim mari, 22  
 Turbidisque Aquilonibus,  
 Morbis atque rapacibus,  
 Ipsisque imperet inferis,  
 Si non ille Deus sit?

Et vos, vos hominem Deum	113
Letho traditis. & Deus	23
Homo, non alius quidem	
Pro nobis faciat satis,	
Clausum & pandat olympum.	
At tu, Christe Pater, volens	24
Qui mortem oppetis, ut patrum	
Antiquo ab scelere abluas	
Nos, da participes tui	
Tanti muneris esse.	
Da, si simplicitas tibi	25
Pastorum, & studia placent	
Nostra, praesidio frui	
Tuo, & hostium impetus	
In nos frange malignos.	

## IN ASSUMPTIONE B. M. V.

### CARMEN ANNALÆ.

<b>D</b> Iva, quae aërios colis	
Locros, te canimus novi	1
Locrorum Arcades accolae	
Pastores: quoniam fide	
In tua sumus omnes.	
Siquidem, Dea, canticis	2
Gaudes, & canere optima	
Tute es: nosque operam sacris	
Musarum studiis damus,	
Canticisque, chorisque :	

Q

Mu-

Siquidem, & Dea, plurimum	3
Te montana silentia	
Juverunt semel; & juvant	
Montium alta cacumina	
Nos, sanctique recessus.	
Adfis, & pede dextero	4
Haec adi facilis sacra,	
Prima, quae tibi solvimus:	
Nosque, dum canimus, tuo	
Sancto numine adimple.	
Sed quid vult facer hic sibi	5
Horror tam subitus meus!	
Adest, sentio, adest Dea.	
Illi nos igitur novos	
Instauremus honores.	
Tuque Anaximene o pater,	6
Rex o tu pater optime	
Sacrorum, eja age, mascula	
Adde thura calentibus	
Aris, & pia sarra.	
At tu, docte puer, cavam,	7
Illo quae tacita ilice	
Dependet, rape fistulam, &	
Impares calamos, age,	
Unco excurre labello.	
Vosque, o, carmina jungite	8
Nostris carminibus, boni	
Pastores: etenim decet	
Quae solemnia sunt sacra	
Nostra, rite agitare.	
Or-	



Ordior: sed enim lateri  
Adfiste, & mone, & adjuva,  
Si quid deficio, o patri  
Phoebo, & care fororibus  
Musis, dulcis alumne.

115

9

Salve, diva Dei parens,  
Diva virgo parens Dei:  
Salve, o caelituum decus:  
Salve, o hominum decus  
Deliciumque salusque.

10

Semen tu Patris Abrahae:  
Tu Judae genus inclytum:  
Tuque regia regii  
Vatis progenies: tuæ &  
Ingens gloria gentis.

11

Tu rerum domina omnium;  
Potens aetheris ardui,  
Nimborumque sonantium;  
Ventorum, & maris asperi,  
Terraëque omniparentis.

12

Namque te omnipotens pater,  
Nutu qui omnia temperat,  
Regni te sociam facit,  
Has terras ubi deferis  
Caelum scandis & altum.

13

O dies ea, laetior  
Qua non caelitibus dies,  
Non mortalibus extulit  
Ulla caeruleis caput  
Horridi e maris undis.

14

Q 2

Qua

- Qua die sola deferens 15  
 Haec terrae, levis aera  
 Scandis, innumerabili  
 Stipata aligerum manu,  
 Caelestumque catervis.
- Quanta gaudia dixerim 16  
 Tunc fuisse Patrum omnium  
 Principum, proavum omnium,  
 Matris, ac patris, omnium,  
 Verbo uno, Abramidarum.
- Effusa en venit obviam 17  
 Omnis illa tuæ cohors  
 Gentis, exsilit, & bona  
 Dicit verba tibi, caput  
 Te tollitque nepote.
- Sed se praecipue efferunt 18  
 In tete mage feminae  
 Priscaë illae, & memorabiles:  
 Audis a quibus omnibus:  
 Prima gloria sexus.
- Illud ast tibi dulcius 19  
 Sane est plus nimis, flagrans  
 Scilicet studium tui  
 Gnati, qui facit omnia,  
 Quo te maxime honestet.
- Atque en ille uti millibus 20  
 Auratis legionibus  
 Cinctus, obvius it tibi, &  
 Amplexus veteres petit,  
 Tendens brachia collo.

Tum

Tum prensam manu ad optimi	117
Maximi solium Patris	21
Sistit, qui omnia temperat,	
Tellurem, & mare, & aequora,	
Quodque continet Omne.	
Quam petens Pater osculo,	22
Lapsantem ad genua erigit,	
Sede & collocat aurea :	
Quam subter vaga sternitur	
Luna, & auricomus Sol.	
Mox & flavo micantium	23
Bissenum diademate	
Cingit tempora fiderum :	
Ac magni fociam imperi	
Reginamque salutat.	
O salve ergo iterum: & piis	24
Da, virgo, omnia prospera	
Cadant ex animo: & famem;	
Morbosque, & fera proelia	
In fines age Thracum.	
Salve, & hunc facilis tuo	25
Vatum praesidio tege	
Coetum, meque adeo, sacra	
Nam faxo, annua non tibi,	
Non & carmina decrunt.	3

## IN NATIVITATE DOMINI

## CARMEN ANNALE.

**E**T te, sancte puer, cano,  
 AEterni unigena o Patris  
 Gnate, quandoquidem Arcadum  
 Nostrorum sacra sunt tua  
 Haec communia genti.

Pastores etenim fumus

Et nos, solaque montium  
 Silvasque incolimus, levi  
 Pastoralia ludere  
 Sueti carmina avena.

Pastores & erant, quibus  
 Primis forte datum, recens  
 Natum visere te, Pater,  
 Vagitusque tuos cavis  
 Delinire cicutis.

Multa nox erat, & silens :

Quique Bethlemios agros  
 Pascunt, pervigiles gregi  
 Dum caveant, solito & sua  
 More ovilia servant;

Ecce desubito velut

Caeli pandier ostia,  
 Lux & hinc fluere ignea,  
 Qualem haud plenior afferat  
 Luna, aut auricomus Sol.

Ecce

Ecce & lapsus ab aethere

Insignis facie aliger

Nuncius , paribusque se

Pennis aere sustinens

Natum dicere te jam .

Spem tete Patris Abrahæ ,

Judæi populi ducem ,

Seculum & qui referas prius ;

Christe , virginis editum

Sancta matris ab alvo .

Ergo propterea ad specus

Illud , quadrupedum domum ,

Quod Davidis ad oppidum

Monte sub rapido patet ,

Convolent jubet omnes .

Namque adinveniant quidem

Involutum ibi fasciis

Eductum puerum modo

Constrato paleis super

Te prae sepe jacentem .

Pastores mage scilicet

Divorum alloquio invenis

Dignos ; & quibus unice ,

Humanam ingrediens viam ,

Oblectere puellus .

Nam fides tibi candida ,

Morum , & simplicitas rudis ,

Non fraus , & violentia

Urbanorum hominum , tumens

Aut superbia cordi .

119

- 6

7

8

9

10

11

Non

- Non Regum amplifica manu  
 Sic spectas data munera ,  
 Ut nos tenuia quae damus  
 Pauperes: adeo bonam  
 Mentem respicis aequus .
- Quam gratae ergo tibi, sacro  
 Quas antro intulerunt boni  
 Pastores, inopes opes  
 Illae, castaneae, nuces ,  
 Et fragrantia mella !
- Tum carchesia candidi  
 Lactis plena, rubentibus  
 Et malis calathi graves:  
 Quidquid & solet annum  
 Pastor condere in usum !
- / Quam porro subita adjuvant  
 Illa, parve, tuas mele  
 Aures! hic cava cymbala ,  
 Buxea hic crotala, hic manu  
 Tenta tympana pulsat .
- Ille & impare fistulam  
 Conditam calamo, illeque  
 Alter multiforem excitat  
 Tibiam, hic cytharae sonos ,  
 Hic amabile carmen .
- Expectate diu advenis:  
 Promissique memor , fidem  
 En praestas bonus addiem.  
 O felicia tempora  
 Nostra , nosque beatos !

Jam

	121
Jam rerum exoritur novus	18
Ordo ; fineque cladibus	
Facto, servitio premet	
Nulla barbaries genus	
Posthac Abramidarum.	
Versa quin Babylon vice	19
Rerum, Memphis & horrida,	
Terrarumque mari undique	
Quidquid clauditur, in tua	
Ibunt jura volentes.	
Tu custos hominum : gregis	20
Tu custos : nihil oppidis	
Nunc clausis homini, nihil	
Nunc opus canibus gregi.	
O nos quippe beatos !	
Non gregi leo, non homo	21
Insidias homini struet.	
Pax ubique, amor, & quies.	
O felicia tempora	
Nostra, nosque beatos !	
Haec illi. & simile Arcades	22
Ad tua offerimus pii	
Nunc cunabula muneris,	
Pastoralia cantica,	
Et agrestia dona.	
Quare & haec quoque munera	23
A me saepius, & meis	
A gregalibus accipe	
Laetus, inque vicem tua	
In nos munera confer.	

R

Tu

- Tu nostrum face torqueat 24  
 Dira ne populum fames,  
 Dira ne populum lues,  
 Bella neu gravia ingruant,  
 Nostra & otia rumpant.
- Tu me, Dive, tuo ac gregem 25  
 Nostrum, spemque adeo gregis  
 Agnos, praesidio adjuva;  
 Dentisque insidiantium,  
 Quaesio, frange luporum.

## A D D. V E N E R E M

## C A R M E N A N N A L E.

- N Obis quandoquidem facer 1  
 Festus est Veneri dies  
 Tandem redditus, & piam  
 Nostrorum aspiciamus manum  
 Jam coisse frequentem;
- Vates eja agite o boni 2  
 Sertis tempora frondeis  
 Velati, calamos leves  
 Inflate, & nemus insonet  
 Cantu suaviter omne.
- Dicenda est Venus aurea, 3  
 Non ea quae Idalium regit  
 Frondosum, aut veterem Paphon,  
 Piscosamve Gnidon, maris  
 Nata fluctibus atris:

Sed



- Sed quae dives Aletium,  
 Pisauri & juga florea,  
 Cytaeumque ferax, Locrum  
 Et suorum adeo volens  
 Altas incolit arces:
- Quam provectior edidit  
 Annis Hippolyte, Padi  
 Nympharum una, ubi vitreus  
 Lene defluit, arvaque  
 Fündit nostra Novitus.
- Vix in luminis editam  
 Auras, diva suo sinu  
 Excipit Sapientia;  
 Immulgetque meri labris  
 Lactis ubera plena.
- Tum casto teneram locat  
 Lecto, qui liquidis fragrat  
 Caeli semper odoribus,  
 Ac apud se alit ut suam  
 Educatque puellam.
- Hinc ea vis animi, hinc fides,  
 Hinc ea & pietas fuit,  
 Morumque hinc ea sanctitas,  
 Veri & hinc amor, omnium  
 Et prudentia rerum.
- Multos nostra quidem tulit  
 Urbs olim Sophiae viros  
 Praeclaros studiis, bonos  
 Et formare alios bonis  
 Multas legibus Urbes;

4

5

6

7

8

9

- Multosque egregiis item 10  
 Factis militiae, & domi,  
 Alto qui patriam polo  
 Aequarunt; tamen una est  
 Omnium Venus instar .
- Quidquid Grajugenum scholae 11  
 Artium doceant, sacra &  
 Quidquid utraque pagina  
 Sancti contineat, tenet  
 Omnes, proque satetur .
- Ergo eam undique convenit 12  
 Discendi studio excita  
 Ingens turba hominum; ad domum  
 Nemoque est, melior suam  
 Quin subinde revertat .
- Non enim rigidas modo 13  
 Verbis tradere regulas  
 Virtutis placet: omnia  
 Sed quaecumque docet simul  
 Sanctis moribus implet .
- Et jam casta viro fidem 14  
 Servat sanctius uxor, &  
 Florem virgo frequentius  
 Aetatis sacrat integrum  
 Caelesti innuba sponso .
- Jamque justitiam colit 15  
 Quisque civis, & omnia  
 Omnes officia in Deum  
 Implent, in patriam, & suos,  
 Ut peccent prope nulla .

Haec

Haec domi Venus haecenus :	125
Ast longe a patria procul	16
Quae post grandia gesserit ,	
Hanc habent vim , uti fortium	
Vincant facta virorum .	
Christi nomen in ultimas	17
Terras ferre , & amabili	
Illius populos jugo	
Certa subdere , nil timet	
Mille adire labores .	
Tu vero superum patri	18
Virgo carior una , cui	
Mentem eam pater addit : &	
Cui tantos animos , pares	
Et vires animis dat .	
Non te dura viae movent ,	19
Infidi insidiae aut maris ,	
Non aestus , pluviae , nives ,	
Facta non hominum impia ,	
Rerum & mille pericla .	
Quis vero queat aspera ,	20
Quisque suavia dicere ,	
Quot tibi insula Sicelis ,	
Quotque ora Aufonis utraque ,	
Ac gens Graja crearit ?	
Illa sed superant mala ;	21
Illa sed superant quoque ,	
Virgo , plus nimio lucra ,	
Quae septemgemina manent	
Te Mavortis in urbe .	

Vin-

Vincula hic, festaque fortiter	22
Suffers ubera, & hic cruces,	
Clavosque, scopulos super	
Impositos, oleo, ac pice	
Et ferventia athena.	
Ast hic innumerabilis	23
Regi dat populus tamen	
Christo nomina; & integra,	
Virtute illius hinc abis,	
Inceptumque opus urges.	
Tandem abscissa caput, Padus	24
Prata rex ubi fluminum	
Dividit, subis aurea	
Vistrix templa deum, poli	
Cives inter ovantes.	
Ergo, o docta cohors, boni	25
Pastores, bona dicite	
Nostrae carmina virgini,	
Nunc; & illius annua	
Lacti festa novemus.	

## E P O D I

## JUVENIS PASTORIS NOMINE.

**L** Ocorum decus, alma Venus, fortissima virgo:  
 Te quando nostrorum manus  
 Excita pastorum, quota est, hic omnis in unum  
 Collecta, tollit laudibus,

Ac

Ac tua festa novat solito de more sacrorum:  
 Et rura circum suaviter  
 Nomine, diva, tuo resonant, silvaeque, lacusque,  
 Montesque mille cantibus;  
 An stultus taceam, numeroque allectus honesto, 5  
 Nullas iniverim vices?  
 Musaeique nihil stabit tibi muneris a me  
 Vatum tot inter munera  
 Nostrorum? haud faciam, quamvis sim viribus impar,  
 Rudisque carmen fundere;  
 Tu modo larga tuae mihi sis opis aethere ab alto,  
 Meumque conatum juves:  
 Cujus opem nemo incassum quaesiverit unquam;  
 Benignitas tanta est tua:  
 Tamque ingens in te divini gratia sponsi, 10  
 Ut deneget nihil tibi.  
 Et merito, tantum quoniam telluris obisti,  
 Casus per omnes arduos,  
 Munere apostolico fungens, vexillaque in oras  
 Tot diffitas Christi inferens.  
 Felix forte tua, virgo, cui robore tanto  
 Firmata ab alto pectora,  
 Cuique datum cor, tantarum & prudentia rerum,  
 Fandique dives copia.  
 Tu Siculas, tuque Ausonias nunc circuis urbes: 15  
 Nunc inquieti fluctibus  
 Te te das Adriae, Grajorumque oppida lustras:  
 Rerumque nunc pulcherrimam  
 Romam contendis, vanis erroribus passim  
 Humana purgans pectora.

Non

Non te commorunt truculenti aut ora tyranni ,  
 Diraeve tortorum manus :  
 Vincula non , manicaeve graves , & lamina & ignes :  
 Non te securis denique  
 Exserti sublata manu lictoris , & alte 20  
 In colla labens terruit .  
 Felix ! commerita es tali quae dote hymenaeos ,  
 Regisque regna altissimi .  
 Salve : teque tuus noster fac praefide tutus .  
 Sit , virgo , coetus Arcadum :  
 Quo studia haec , artesque bonae , moresque probati  
 In urbe nostra floreat .

## MEDITATIO CHRISTI PASSIONIS.

**T** En' ergo ab alta , Chrifte , pendentem cruce  
 Cassumque vita cerno , largis & genas  
 Atque ora cesso , eheu , rigare fletibus ?  
 Nam cui reservem lacrymas tandem rei ?  
 Quaestusque amaros , ac dolentes naenias ,  
 Gladique tantae plumbeus negem tuae ?  
 Te nempe caeli clara fierunt lumina :  
 Te bruta tellus : teque cunctarum parens  
 Natura rerum . Lucidas Phoebus comas  
 Turpatus atro pulvere , obscuram induit 10  
 Repente nubem , orbique subducit diem .  
 Nec Luna minus argenteos crines secat ;  
 Ferruginaque in veste testatur gravem  
 Doloris aestum , iusta dum facit tibi .  
 Quin magna nutant ipsa mundi moenia

Tremmitque vasto mixta terra murmure :  
 Suumque ita execratur admissum scelus ,  
 Ut sponte reddat multa vita corpora  
 Defuncta , ululatibus vias quae ingentibus  
 Complent , nimisque humana corda territant .  
 Et ipse praesens mente cerno talia ,  
 Nec membra mi pavore conrepunt tamen ?  
 Nec falso ocelli flumine scatent tamen ?  
 Eheu nimis me saeum , heu durum nimis !  
 An non mea tu , Christe , causa maxime  
 Tot dura passus ? Anne vero civium  
 Vecors tuorum mens , & implacabilis  
 Tibi ira tantum invexit , aut quisquam mali ,  
 Quantum unus ego mortalium teterrimus ?  
 Nam quis scelestis anteit factis mihi ?  
 Vel cuinam adeo mortuum tete magis  
 Oportuit ? cui nempe plus redit boni .  
 Mihi ergo plus boni redit , qui nequior  
 Sum omnibus , fuere qui usquam gentium  
 Eruntve posthac , aut modo sunt nequissimi .  
 Sed pulchra vero a me tibi stat gratia :  
 Pulchreque vero me prioris poenitet ,  
 Pigetque vitae ; nullum abire qui diem  
 Sinam , cruentem quin tuo me sanguine ,  
 Crudelis , ac te saepe suffigam cruci .  
 At tu benigne tange cor , pater , meum :  
 Tu ferreum cor frange . da flagrem tuo  
 Amore ; animumque hoc denique avellam luto .  
 Da quaeso , da : nam te sine nil possum , pater .

20

30

40

*Novitii Pastoris nomine.**P H A L E C I U M.*

**P**Astores iterum Arcades frequentî  
 Coetu te celebramus, alma virgo :  
 Te, virgo Venus, Arcades frequentî  
 Coetu nunc canimus, tuosque honores  
 Omnes ex animo hac die novamus.  
 Haud illam canimus quae arundinosam  
 Nunc Gnidum colere, Uxiosque apertos,  
 Nunc sanctum Idalium, Paphumque celsam  
 Canunt falsiloqui impiique vates ;  
 Sed te, quae nitidam, Venus, Pisaurum  
 Divesque Aletium, ac ferax Cytaeum  
 Bacchatamque jugis tuam celebras  
 Locrum praecipue, poloque in alto  
 Inter una choros deum beatos  
 Aurata triplici caput corolla  
 Incedis redimita, virginumque  
 Exerces choreis manum sequacem.  
 O quam te cupide canam tot inter  
 Vates egregios, tuas ad astra.  
 Qui laudes hodie ferunt canendo.  
 Sed stulte faciam & parum pudenter :  
 Si qui sum nihili nimis poeta,  
 Par ire egregiis tot optimisque  
 Velle nunc videar sacris poetis.

Qua-



Quare da veniam, meosque sponsum  
 Qui Patris Sapientia est, rogato,  
 Conatus juvet ut bonus, bonamque  
 Det mentem: ingenii nemo nostri  
 Ut ne spe cadat, anxii & laboris.  
 Sponso namque tuo tibi, faxo,  
 Ac divis aliis, mei laboris  
 Quaestusque ingenii stet omnis: adsis.  
 Dum tu diva mihi Venus virago,  
 Aetatemque meam tegas in aevum.

131

30

34

E P I G R A M M A.

**P**RO nobis quando crudelia funera passo  
 Has tibi, Christe pater, more pio inferias  
 Ex animo facimus, meritosque novamus honores  
 Multis cum lacrymis flebilibusque modis;  
 Aspice nos, oramus; honos & si quis honestis  
 Moribus, & merces si qua piis studiis,  
 Nostris rebus opem fer tempore, & impia verte  
 Injustorum hominum, stultaque consilia;  
 Qui sibi, quae cupiunt, statuentes cuncta licere,  
 In nostram immemores arma inimica movent  
 Pastorum gentem, caram Matrique tibi,  
 Laudatisque viris, principibusque bonis.  
 Absterrentque novam pubem, parvosque quirites  
 Ne sua dent nostrae nomina militiae.  
 Ergo, Christe, bonam stultis his indue mentem,  
 Nosque tuo salvos sis face praesidio.

S 2

PHA.

## P H A L E U C I U M.

**N**on te, magne pater, (quod hic frequentes  
 Tot viri, juvenesque doctiores  
 Certatim faciunt) meis camoenis  
 Laudabo: haud etenim, tuaque dictum  
 Id sit cum venia, videre possum,  
 Vere quod valeam tibi referre  
 Laudi. Sed sapiens, pius, fidelis,  
 Justus, magnanimus, bonus, benignus,  
 Castusque, intrepidusque, candidusque es,  
 Ajunt. ajo & ego, probe diu qui  
 Te novi, omnigenasque praedicavi  
 Virtutes animo tuo repostas,  
 Quae castum deceant & absolutum  
 Virum pontificem. Quid autem eo? Anne  
 Tuas propterea putemus illas,  
 Laudemque inde tibi esse colligendam,  
 Quod ne tu ipse quidem putas probasque?  
 Nam nos saepe doces, boni quod usquam  
 Est nostrorum alicui, ejus esse habendam  
 Gratiam usque rei Deo potenti  
 Omnem, qui bonus unus & perennis  
 Fons est, & dator omnium bonorum.  
 Quid ergo faciam? Deum precabor  
 Ut tete incolumem, superstitemque  
 Diu perque diu det esse, quo nos,  
 In te quae bona tanta collocavit,  
 Diu, perque diu frui queamus.

10

20

27  
EPI.

## E P I G R A M M A.

**E**ja, age sponse, bonis escis te largiter imple,  
 Teque bono hoc imple sponse mero: Hymen adest.  
 Hymen adest: magnisque tibi nunc viribus usus:  
 Viresque, ac animos dant Ceres, & Bromius.  
 Anne parum credis tibi nunc superare laborum?  
 Magnum opus est; ajunt, vertere amoris agrum:  
 Instandum est operi assidue, penitusque medullis  
 Exsudandum, ajunt; ut bene cultus ager  
 Ubere te ditet fructu; quo Sergia fructu  
 Gens vigeat seclis innumerabilibus.  
 Et quo juncta domus Corealia gestiat, amplis  
 Utraque fortunis atque potens opibus.  
 Nostraque laetetur quo demum patria Locrus:  
 Magnorum Locrus magna virum genetrix.  
 Ergo, sponse, bonis escis te largiter imple:  
 Vino imple, ac tanto sis face par operi.

## E P I G R A M M A.

**U**Rbano Octavo nostri qui nominis auctor  
 Templum cum junctis aedibus attribuit,  
 Tot memores meritorum, grati animi monumentum  
 Ponimus unanimes effigiem ex lapide.

## D I S T I C H O N.

**P**hylacidae magni ora vides , quo Tybris in uno  
Arnum, Sebethum, & provocat Eridanum.

## E P O D I.

**Q**uantum Triptolemo segetes, oleaeque Minervae:  
Quantum Liaeo pampini:

Tantum docte tibi debere fatentur, Abedon,  
Politiores literae:

Quaesitas longo quas tu partasque labore  
In patriam huc infers bonus;  
Dividis inque tuos nullo cam foenore cives.

O ter quaterque, patria,

Felix: felices cives o terque quaterque:

5

Et nos beati plurimum,

Felicesque, datum quibus est virtute deorum

Hoc perfrui tanto bono.

O quam nostra tibi dignas persolvere grates

Urbs vellet, & cives tui!

Nosque adeo juvenes, quos moribus imbuis aureis,

Artesque quos bonas doces!

Dum Ciceronis opes nobis, aperisque Maronis,

Carique dites copias.

Sed nos pro meritis dignas persolvere grates

10

Quas possumus tandem tibi?

Nullas: ast, per nos certe, quod possumus unum,

Dum stabit hic immobilis

Mons:

Mons: pelagi & faldas Mericus fluet amnis in undas:

Vitamque habebunt literae

Etruscae, ac latiae, semper nomenque manebit, 13

Abedon, atque honos tuus.

E P O D I.

**T**ollenda virtus est ad astra gloria

Quocunque sit loco sita:

Magis sed illa ornanda multo est laudibus,

Nobisque amanda plurimum,

Ex eminenti quae loco renideat,

Ipsis locata in regibus:

Tunc namque fructus ferre communi bono,

Eosque largos didicit,

Quos ima nunquam possit. Ast illud grave. 5

Ac luctuosum maxime;

Verae quod assentando laudis regibus

Plerumque gustatus perit.

Ut nationem dii, deaeque pessimam

Perdant adulantum canum,

Potentiorum obsident qui limina,

Bonis parati dentibus.

Omnes ferire, longiusque expellere,

Ne vera Princeps audiat,

Sed multa peccet, quaeque peccet nesciat, 10

Ipsi augeantur commodis.

Hac peste saepe, quod videmus, corrui

Privata res & publica.

Hac peste reges saepius cadunt loco,

Bonisque sunt derisai:  
 Nuper misellus ille ceu noster fuit,  
 Exempla ne foris petam;  
 Qui falsus in delectu amicorum semel,  
 Dum rebus ornat omnibus  
 Malos, jacere dum probatos sustinet,  
 Facit ruinam: retrahunt  
 Et ecce se fortunae amici prosperae,  
 Fortuna ubi mutat vices.  
 Mox & jacentem appetunt, bipennibus  
 Accisam ut ornum rustici.  
 I nunc, amicos & tibi tales para:  
 I nunc meliores despice,  
 Qui vera praedicent, tibi que praesto sint,  
 Quocumque fert necessitas:  
 Laudentque vere quidquid est laudabile:  
 Nihil loquantur subdole.  
 Quos inter ipse te tuis ex laudibus  
 Sic orno, Caesar optime,  
 Divis agendas maximas uti putem  
 Noctu diuque gratias,  
 Nostrae dederunt civitati praesidem  
 Quod te, virum virtutibus  
 Tot praeditum tantisque. Prudentissimus  
 Tu nempe: tu castissimus  
 Es unus omnium populos quotquot regunt:  
 Magisque nemo affabilis:  
 Quo nemo ab omni & qui melius injuria  
 Et linguam abstineat & manum.  
 Quare Deum, magnamque matrem virginem

15

20

25

Oran-

Orandum etiam puto omnibus ;  
 Quotquot moventur re sua , ut te sospitem  
 Servent diu & superstitem ;  
 Possint & hunc ut annum laeti diem  
 Tuae unctionis centies  
 Celebrem habere ac millies cives mei ,  
 Laetere tute & plurimum .

### *Ex tempore .*

#### *E P I G R A M M A .*

**A**D caram accessus dominam interdictus amanti est ,  
 Ac fandi coram copia nulla datur .  
 Ergo quid misero faciendum ? Longius aedes  
 Adspectet primo mane die : medio  
 Adspectetque die : adspectetque deinde supremo :  
 Et linguae faciant lintea sparsa vicem .

#### *E P I G R A M M A .*

**Q**Uam tibi , dive puer , dum linquit littora curva  
 Sirenium , infidi & sese iterum pelagi  
 Pastor Carminthus concredens fluctibus atris ,  
 Ad patrios sospes si remeassët agros ,  
 Cespitem de vivo surgentem voverat aram ;  
 Hanc voti ecce reus dedicat , alme , tibi .  
 Desuper atque novo tria spargit cymbia lacte ,  
 Et spargit totidem cymbia plena mero ;  
 Ardentesque addit ceras , fumantia & addit  
 Thura ; nec agnellus , victima parva , deest .  
 Nec satis haec : eadem celebrabit festa quotannis ,  
 Vivere des puero tu modo , dive puer .

*Insus.*

**C**Avere haec quatuor, senex, venena  
Memento senii; diuque vives.

Tu res per Veneris coito nunquam:

Casus praecipites: graves catarrhos:

Et fluxas fugito cacationes.

*E P I G R A M M A.*

**P**ontificis qui, Jane, manu nunc fratris inunctus  
Auges mystarum, mysta novus, numerum;

Mox & pontificum, scito, numerumque decusque

Augebis; fratres & simul unanimes,

Quos tu pontifices magnis virtutibus aequas,

AEquabis meritis, ipso & honore mitrae.

Haec canere ipse modo potis est verissima Abedon

Fata tibi. Phoebus cetera nosse negat.

*E P I G R A M M A.*

**E**Tsi magnorum genitrix foecunda virorum

Exstitit, Antoni, gens tua perpetuo;

Haud tamen ullus erat, quem non virtute referres

Pene puer; fraudi quod tibi quippe fuit

Unum. namque adeo quum ~~te~~ Libitina disertum

Cerneret, atque fide, consilioque bonum;

Legitima aetatis rata jam spatia omnia dudum

Confecisse senem, sustulit e medio.

**Ass**



Ast oculos casu ut pallentia jecit in ora :  
Eheu me caecam , dixit , & ingemuit .

E P I G R A M M A .

Quae valide forma mihi primum , ac gentis honore ,  
Post etiam placita est valdius ingenuis  
Moribus , ac pietate in me , studioque fideli ,  
Hic jacet Hippolyte Grylla sepulta mea .  
Tu tumultum guttis lustralibu' sparge viator ,  
Manibus atque bonus dic bona verba piis .

E P I G R A M M A .

Nuptarum decus , Hippolyte , de sede beata  
Accipe nunc caeli , quae tibi iusta tuus  
Olim vir dictus lacrymans facio : ac prece easdem  
Tu mihi , tu , sedes obtine & hospitium ,  
Queis te mature rex est dignatus Olympi ;  
Nam mi vita nimis te sine facta gravis .

E P I T A P H I U M .

Conditur hoc tumulto quod erat mortale Leonis  
Lucae Winthae . quid contrahis ora modo ?  
Offenditne hospes lucam legisse leonem ?  
Tuque leonem ergo expunge , repone bovem .  
Immortale autem quae sit loca postea adeptum  
Si quaeras , leti tartara , opinor , habet ;  
Promerito vel saltem hoc uno , ricularum  
Quod causam accepto prodiderat pretio .

## E P I G R A M M A.

Q Uod regere imperio populos haud Caesare nostro  
 Quis melior: quod sit religione bonus,  
 Justus, magnanimus, sapiens, praeque omnibus unus  
 Optimus, haud mirum: est Roscius ille quidem.

## E P I G R A M M A.

Q Uandoquidem reduces musas, & Palladis artes  
 Excepit noster Roscius hospitio,  
 Exceptasque sinu fovet, ac laute accipit, ecquis  
 Non amet & musas, Palladis & studia?

*De Hirundinibus.*

## E P I G R A M M A.

S Eptima ab Aegypto redeunt aestate: viaque  
 Ab longa fessis pomaque delicias  
 Et puri faciunt latices. Assuesce labori  
 Ergo quisquis amat delicias faciles.

*Laurentini mors (a).*

**O**ptimus haec noster pleno dum pectore vates  
 Carmina divini fundit correptus ab oestro;  
 Mens animi paullum vacuas succedit in auras:  
 Iamque secat nubes, lunamque & sidera supra  
 Fertur, templa patris donec stellantia magni  
 Laeta subit, divorum & se felicibus infert  
 Coetibus. Aeterni hic regis dum suspicit alte  
 Aeternam majestatem, explerique tuendo  
 Nulla potest; sacri quamvis cessante furoris  
 Asslatu, negat illa tamen se posse teneri  
 Corporeis vinclis, terramque habitare minorem:  
 Ergo tenet caelum, vacuos mors occupat artus.  
 Sic Laurentinus moritur; si mortuus ille  
 Dicendus, cujus felix anima immortalis  
 Aevo, epulisque deum summa cum pace fruatur:  
 Cujus & aeternis consignatum monumentis  
 In terris clarum vivat per secula nomen.

E . P O D I .

**M**irae magne, nostra cui se civitas  
 Custodiendam dedidit;  
 Fideque cujus nostra cunctorum salus,  
 Virtute & alta nititur:  
 Ecquae haec tua est nunc factio?  
 Dum triumve audacium

Nihil

(a) *Quum celeberrimus Vates Franciscus Laurentinus, ob elegantissimam  
 italicam paraphrasin Cantici trium puerorum plus nimio oestro percussus esset,  
 atque misere occubuit.*

Nihil resisti publice? nil consuli  
 Tuum salutem civium?  
 Nam per diu est, cum Spartacus oportuit  
 Hos legibus coercitos,  
 Nostriſque abactos finibus dimitter  
 In maximam malam crucem.  
 Tuas, sed esto, ut magnanimus es ac bonus,  
 Injurias neglexeris:  
 At persequi vel publicas saltem omnium  
 Nostrum decuerat Arcadum:  
 Nemo susurros edat hic inconditos:  
 Jam nemo turbet, dum meus  
 Magnum ille pastor Herculem canit suum:  
 Te nemo, nosque negligat.  
 Hanc namque ad omnes pertinere injuriam  
 Ecquis gravem non sentiat,  
 Hiare prorsus hic licere nemini,  
 Nisi quis horum jusserit:  
 Nullosque scire literas putarier,  
 Quos non ii putaverint?  
 Quando ergo nobis nulla spes est reliqua  
 A legibus tacentibus;  
 Unum quod est id insuper, cavebimus  
 Nobis at ipsi ab improbis.

## P H A L E U C I U M.

**E** St noster fateor Vacerra dives ,  
 Beatusque, domi forisque tantos  
 Qui greges alat usque servulorum :  
 Aedes cui niteant bonis refertae  
 Antiquis tabulis, novisque, docta  
 Quas pinxit manus, & libris disertis  
 Multis omne genus, rubrica & auro  
 Distinctis, legere indifertus ille  
 Quos nescit tamen. At deum Vacerram  
 Factum munere divitem & beatum ,  
 Sortes cui nimium bonae fuissent  
 Hortanae, id nego pernegoque. quid tum?  
 Nil est. Si sapiat, meos potiri  
 Agros me patietur, & mearum  
 Lana & lacte ovium manum abstinebit .  
 Nam si concierit Vacerra bilem  
 In nasum semel: illicet; patebunt  
 Sortes faxo, quibus sit ipse vere  
 Factus tam cito dives & beatus .

## E P I G R A M M A.

**A** Nne parum fuerat, qui mercenarius esses,  
 Ipsum mox dominum vincere divitiis:  
 Fructibus atque illum magnis fraudasse tot annos  
 Agrorum, ac ovium, quidquid ubique & erat;  
 Si non & patriis pepulisses finibus, ipsos

Ejus

Ejus agros, ejus quo poterere & oves?  
 Scilicet iratis natus tu pessime divis,  
 Qui nullo careas aut vitio, aut scelere.

E P I G R A M M A.

PONdera defossi mihi non ingentia, Divi,  
 Auri atque argenti, non dederitis opes.  
 Stercora quandoquidem auro inducere divitiores  
 Gaudent: nosque adeo stercora despiciunt;  
 Hoc date mi faciles oro unum: demite scurrae  
 Illi vos currus, demite dj famulos,  
 Et censum, & titulos, & collo insigne decorum,  
 Quo contra aequato cernere Marte queam.  
 Iam discat, stulto cordatus, faxo, quid inter  
 Sit. Non me posthac, fat scio, despiciet.

AD IO: BAPTISTAM COLLICOLAM

*Principem juventutis.*

TUus quandoquidem, tuique patris,  
 Praeclari hercle viri optimique, amicus  
 Millus, aut dator, aut datator idem  
 Sit, nil denique dat; datatque solum  
 Autem mi bona verba; conficitque  
 Fames me interea, & gravis senectus:  
 Illi cur ego non malam datatim  
 Rem tandem incipiam dare & datare?  
 Nam quam rem rogitas? malos iambos  
 Malos hendecasyllabos, amari &

Tetri

Tetri quidquid habent meae Camoenae.  
 Ast nil promoveo, & caput periclis  
 Oppono. fateor: sed id mea autem  
 Quid? septem novies novas aristas  
 Qui vidi; & Libitina cui sit instans  
 A tergo; ac peream labore in horas?  
 Ast nihil temere, bonoque mori  
 Admittam varium, & meo instituto,  
 Quamvis me assidui enicent labores.  
 Quin illi benedixero, merenti,  
 Ne quid diffimulem, licet pusille,  
 De me prorsum aliquid: bonique, & aequi  
 Quod fecit, memor usque praedicabo,  
 Dum vivam. Sed id est nimis pusillum,  
 Praedixi, senio meo, meaque  
 Pro re, praeque aliis uti datur, qui  
 Certe me nimio minus merentur.  
 Ergo te rogo plurimum, Ioannes,  
 Urbis delictum decusque Romae,  
 Spes & delictum tui parentis,  
 Tuum concilia tuo cienti  
 Millum. Orato aliquid mihi benignus  
 Det nunc insuper, & meae senectae  
 Tandem prospiciat. scio obtinebis,  
 Si voles, facile, optime o patrone.

## E P I G R A M M A.

**A** Bjete quae secta surgit domus, omnibus aequae  
 Atque sibi aedificat Philamarinus eam,  
 Perfugium cum terra tremit; quod saepe benigni  
 Divi adsunt homini, si roget, & faciat.

## E P I G R A M M A.

**H**aec est illa dies, lituo, trabeaque, mitraque  
 Qua datus est primum Caesar in urbe Remi.  
 Quem pater ut vidit flavo tunc Tybris ab amne,  
 Lividus haec fertur dicta dedisse super:  
 Em quo pauper aquis unus nos sponte Tanager  
 Nunc uno tandem provocat, ac superat!

## E P I G R A M M A.

**S**unt perpauca quidem, sunt tenuia nostra, fatemur,  
 Haec Musaeae, tibi munera quae ferimus.  
 Plura brevi sed erunt; multo & majora profecto,  
 Digna abs te Musis praemia si maneant.

## E P I G R A M M A.

**F**ertur Alexandrum spoliis Orientis opimum  
 Sic percontatus quispiam honestus homo.  
 Thesauros ubi nam tantos, rex magne, coactos  
 Servas? ille autem talia dicta homini

Rep.



Repposuisse, & sese digna, & digna magistro:

Thesauri ecce mei hic, ecce meae hic & opes;

Et signasse manu circum uno tempore amicos.

Dives ad exemplum hoc num mihi Caesar erit?

Haud equidem credo, verum pauperimus Irus,

Qui haud bene cuique velit, cui male quisque velit.

*Ad Franciscum Xaverium Franzeum.*

E P I G R A M M A.

Q Uod, Francisce, tuum celeri tibi funere fratrem  
Hunc alium desles insatiabiliter,

Haud facis ipse pie, sapientum aut more virorum;

Namque pius nemo laetitiae invidet

Carorum, divisque resistat; & est sapientum;

Omnia quae perdunt perdita ut illa putent.

Si pius ergo, si sapiens audireque, & esse

Vis, ne fle. haud talem te, bone, flere decet:

*Amplifs. Roccellae Principi; ejusq.  
Concordissimae Conjugi.*

I N S C R I P T I O.

P Astor. Locridius. agri. Phalerusii.

Carafaeorum. ille. germen. inclytum.

Dorisque. germen. Auriarum. nobile.

Illius. uxor. optima. & sanctissima.

Amphisiensium . principes . amplissimi .  
 Quod . nostrum . honestarunt . sua . praesentia .  
 Coetum . Locrensis . Arcadum . coloniae .  
 Hujusce . facti . fama . ne . intercideret .  
 Scripto . caverunt . marmore .  
 PP . AA . C . L .

E P I T A P H I U M .

**H**ospes, resiste quaeso paullum, & haec lege.  
 Hoc Transpadanus ille Caesar Roscius  
 Jacet sepulchro conditus, qui primulum  
 Acherunsiarum praefuit rebus sacris,  
 Nostrisque post Castrensiarum. Hujus tu genus  
 Ne quaere: primum gentis is decus suae.  
 Nunc qui vir accipe. Ingenii magni, sciens  
 Prudensque rerum plurimarum, quae suum  
 Munus juvarent. Semper in negotio;  
 Fractusque numquam mole curarum gravi.  
 Solvenda in opera assiduus: idem diligens  
 Implere quidquid Pontifex debet bonus.  
 Benignus idem; quod daret catus tamen  
 Sibique subducere, & suis hiantibus  
 Servis, aliunde suctus & contradere.  
 Bonos malosque juxta habere: ac neminem  
 Peculiarem adsciscere: id vero fuit  
 Solemne homini: nullique se contradere;  
 Nullique prorsus obsequi; ac raro fidem  
 Praestare dictorum. Unde factum, ut omnibus  
 Invisus aeque vita ab hac discederet.  
 Haec scire te volebam. abire nunc licet.

## E P I T A P H I U M.

**E**Xterminator ille .sus praedivitis  
 Albenlis ágri, omnisque plebis rusticae  
 Horror pavorque, maxima & calamitas,  
 Alter qui fuerat Herculis magni labor,  
 Erimanthioque durior, si viveret  
 Aetate nostra hac Hercules fortissimus:  
 Sus ille, caeli ab arce tactus fulmine,  
 Incondita hac sub mole saxorum jacet.  
 Vos ergo, cives, hospitesque, quot feret  
 Huc casus aliquis, vestra sive curiositas,  
 Ne desiste officio, quaeso, verum bestiae,  
 Ut sese ubi volutet usque suppetat,  
 Locum excacate largiter circum undique;  
 Tum retro cursim vosmet in pedes date.

## P H A L E U C I U M.

**Q**uod te saepe virum gravem, disertum,  
 Principemque locum inter obtinentem  
 Istos, quotquot habet, disertiores  
 Princeps Parthenope urbium disertos,  
 Audiremque bonum, bonisque carum;  
 Erat cur ego plurimum te amarem,  
 Monsoline, tibi gratularer,  
 Nostraeque Ausoniae, urbiumque ocello  
 Reginae urbi adeo, beata semper  
 Quae virtute, virisque foeta magnis.

5

10

Quod

Quod autem Angelius meus recenter Scribit, quod cupide cupiret unum , Tuorum facile in gregem receptum Abs tete, & sapientiae ad officinam Illam tam celebrem, eloquentiaeque,	15
Jamdudum tua testata ventitare , Sectari & fora curiasque circum Te coepisse ; magis , magisque multo est , Te quapropter amem , atque amare porro Meos sim reliquos paratus annos .	20
Quod nulla ab ratione ne videri Dictum possit, & abrogata verbo Huic nostro tua sit fides ; amavi Illum, scito, ego, liberaliterque Eduxi a puero, ut meum, parato	25
Ejus ingenio bonas ad artes Omnes, ac celeri, pudore & illo Captus, quo proprio sibi potenter Adjungit hominum, tenetque amores. Literas nec enim elegantiores	30
Ejus, nec studia utriusque linguae, Nec & multiplicem eruditionem Opus dicere , cuncta quae tibi aequae Mecum cognita jam puto esse dudum . Unum dico : ibi tute quidquid usquam	35
Curaeque , auxiliique , praesidique Amorisque loces tui , futurum Ut laetere : opus ipse cum videbis , Quod spero , egregium tua probari Ab arte , atque tibi illud esse laudi .	40 Aft

Ast cuni laetitia , novaque laude  
 Tua hac , debitio putetur , oro ,  
 Cumprimis mea gratiae , bonumque  
 Nomen ipse habear , quod expedite  
 Solvam , ne dubita , a meis camoenis .

J      A      M      B      I. (\*)

EN laeta venit illa jam tandem dies ,  
 Tuis potiri qua , Michael , amoribus  
 Tibi daretur . En tuas nunc denique  
 A matre , fratribusque , tota & nobili  
 Cognatione adducta ad aedes Martia .  
 Virgo illa Martia , flos , decusque eximium  
 Locrensiū viraginum iu manus datur  
 Habenda semper , donec aetas suppetat .  
 Beate ! cui tam pulchra , diis faventibus ,  
 Tam bella , tam venusta iisque moribus  
 Educta , frustra mille quam optarunt proci ,  
 Quam mille frustra sedulae matres nurum ,  
 Obvenit uxor . En parens annis tua  
 Defessa , totque passa acerbae vulnera  
 Profunda fortis , aegris ut molestiis  
 Exspuitis , animo jandiu quot haeserant ,  
 Vultus priores induit ; bella & nuru  
 Quam gessit , una & gestiunt fratres vide ,  
 Concordes animae ! quamque parte ex altera  
 Et socrus optima , & boni & honestissimi  
 Fratres , virique , feminaeque nobiles

Pro-

(\*) In nuptiis Michaelis Arcani , & Martiae Piconeriae .

Propinquiores sanguine! ut omnis denique  
 Urbs nostra, cives, hospitesque clamitant,  
 Ac verba dicunt hisce nuptiis bona!  
 Nam quid ego de me praedicem? cui quantus es  
 Seu litteris, seu moribus, seu civium  
 Existimatione, gratia, & fide,  
 Benignus acceptum refers, & me senem  
 Colis, frequentas, & foves, & maxime  
 Quibus sit usus cunque rebus adjuvas?  
 Non ipse te te Michael carum mutua  
 Habebo semper donec implacabilis  
 Mihi haud recidat tenue stamen Atropos?  
 Non & tibi fortuna amica aut aspera  
 Quid afferat, mihi que non simul ferat?  
 Ergo tibi adeptae, Martia, nunc talem virum  
 Virtute, genere, moribusque praeditum,  
 Unumque juvenum principem Locrensium  
 In quo reposta sit spes una civium:  
 Talemque adepto tibi Michael virginem  
 Primariam, quae clauso uti flos hortulo  
 Secreta adhuc latebat in matris sinu,  
 Tibique datur, ut perfruire, propria,  
 Non gratuler? non dixerim vobis bene?  
 Quin grator, & jucunda laeta prospera  
 Et fausta cuncta comprecor; nec gaudiis  
 Vestris quid amari iniqua fors immisceat,  
 Nec rebus ullis ulla discrepantia,  
 Sed ut cor unum, & mens ut una utriusque sit,  
 Det oro caeli rex. det oro & liberos  
 Vobis & ore, & moribus simillimos,

Talesque ut animi ac fortis omnibus bonis  
 Possint tueri priscam in aevum gloriam  
 Arcanaeque domus, atque Piconeriae;  
 Suisque bene de civibus mererier.  
 Demum, Michael tibi, tibi, Martia,  
 Ut hac juventa, hac forma, & his vos gaudiis  
 Vivatis annos, auguror, Mathusales.

*J A M B I.*

**S**ophista quondam Grunnius quidam fuit  
 Porcellus, omnes qui sophistas illius  
 Aevi repressit captiosos maxime,  
 Qui saepe lana de caprina disputant,  
 Ipsoque cum Deo cavillantur mali.  
 Cujus rei testem affero Luscinium,  
 Germana & illum, non fide graeca virum.

Porcinae id altis nationis laudibus  
 Sophisticaeque id nationis gloriae,  
 Quod decrat unum, nolui silentio  
 Omnino praeterier: nostro gregi  
 Possent vitio ne vertere adversarii.

10

X

*Ad*

*Ad Carolum Miliaccium.*

## E P I G R A M M A.

NE patrum fle, Carle, tuum, sat fleverit illum,  
 Quod facit efflictum, patria nostra Locrus,  
 Oppidaque & terrae flerint, & litora circum  
 Quot superi infernique alluit unda maris,  
 Nomen ubi tam grande fuit dum vita maneret,  
 Virtutis custos, & pius, & sapiens:  
 Tuque iter inceptum quantum pote confice raptim,  
 Et patrum nobis ocyus ipse refer;  
 Quo decore usque novo urbs haec gestiat austa, tuaque  
 Causa nostra magis sese amet Oenotria.

*Ad Laurentium Clementem, Marchionem  
 S. Lucae, Placanicae &c.*

## P H A L E U C I U M.

JAM dudum fateor, nimisque dudum  
 Factum, quum nomine tuo libelli  
 Sunt mei mihi redditi prope omnes  
 Quotquot villula parva continebat  
 Argillusia nostra: quam secundo  
 Annos post quatuor scelestus ille  
 Latro confodiens, bonique quidquid  
 Instrumenti ibi rustici placebat

No



Non tantum rapuit, sed ausus ipsos  
 Est auferre etiam sacros poetas  
 Scriptoresque alios, nefas! profana  
 Attrectare manu, Placanicæque  
 Oppido in medio tuo isto habere  
 Venales, dare vel quibus placebat;  
 Nec grates ago, munerisque solvo  
 Quod jam debueram a meis camoenis.  
 Sed non factum alia id profecto causa  
 Nisi quod super insuperque & usque  
 Tot morbi in miserum senem recoctum  
 Grassantes, animique, corporisque  
 Vires conficiunt magis magisque.

Quare ne vitio velim quis asper  
 Id ausit mihi vertere immerenti:  
 Abs te namque nefas foret, vereri  
 Quicquam tale, viro gravi optimoque,  
 Leni ac magnanimo, bonisque facto  
 Doctisque ab studiis, bono ac diserto:  
 Et qui tam sapiens es atque fortis,  
 Ut quicquid veniat quod ipse nolis,  
 Susque deque habeas, dolore nullo.  
 Ego scilicet ut reversus Urbem  
 Annos post novies senex quaternos  
 Adveni in patriam, tuasque laudes  
 Exaudiebam homines domi forisque,  
 Ac circum undique saepe praedicantes;  
 Illo ex tempore plurimum te amare  
 Coepi, amicitiamque demereri  
 Tuam concupii, quibus valerem

Rebus officiisque: quum rogatus.  
 A me, continuo meos libellos  
 Scrutare, invenis, & mihi remittis.  
 Non grates agerem, ac referre vellem  
 Quas possem quoque maximas, sed excors:  
 Tam, levisque forem, aut superbus idem,  
 Ut te negligerem, omni honore dignum?  
 Haud fieri id pote; nam licet vetustas  
 Fortunas & opes domus, genusque  
 Praeclarum ipse tuum, meo instituto  
 Modo praeteream, potentiores  
 Laudaro tamen usque & usque cunctos.  
 Sortis munera qui locent beata  
 Quam possint mage recte, ut ipse tute  
 Facis, Socratica tam ab arte magnus.  
 Atque hinc te populi, colunt quot aevum.  
 Suo te domino, velut superne.  
 Demissus fueris suum saluti;  
 Mortalesque alii, quibus paratus.  
 Praefidio, auxilioque adesse semper;  
 Et qui denique cumque amore capti  
 Sunt virtutis, eamque fortiterque  
 Continenter & usque persequuntur;  
 Gaudent te incolumi, ac Deum precantur,  
 Tibi ut Nestorios benignus annos  
 Det, quos perpetua exigas juvena.  
 Laetus, non ut ego meos. Valeto.

ELE-

## É L E G I A.

**D**iva Syracosiae decus urbis, legiferarum  
 Quae cellas arces, & cava saxa Locrum  
 Concelebras haec nostra; oculorum quando potentem  
 Cunctarum rerum te Pater ipse potens  
 Esse dedit, miserum ne despice Abedona quaeso,  
 Quem mala tanta premunt usque nova, atque nova.  
 Nam qui tot facile senii tolerare suetus  
 Morbos, atque aegri tempora quidquid habent,  
 Et latera & febres, artusque manusque tremantes,  
 Atque hebetes aures, & mala alia atque alia;  
 Insuper obscura tenebrarum lumina nocte,  
 Qua gravior clades nulla homini esse potest;  
 Hanc oro nigram mihi Lucia discute noctem  
 Ne vivus peream mortuus ante diem.  
 Anne isthoc vitae reliquum quod denique restat  
 In tenebris agitem? vae mihi vae misero!  
 Nec visenda mihi Argillusia villula posthac?  
 Nec fructus potero carpere quos serui?  
 Nullaque amicorum, qui invitant, gaudia laeto  
 E vultu posthac concipienda mihi?  
 A doctis saltem possim ( qua nempe retenta  
 Haud miser omnino commoditate forem )  
 Quaerere sueta meis solatia dulcia libris:  
 Quod frustra sperem, lumine si careo. (\*)

Ad

(\*) *Deest finis.*

*Ad Andream Serram.**P H A L E U C I U M.*

**Q**uem, Serrae, mihi a meo dedisti  
 Habendum Angelio tuum libellum,  
 Accepi; utque jacens toro infidebam  
 Nullo me valui tenere pacto,  
 Quin vel partem aliquam legendo cursim  
 Praegustarem. Avide ergo eum resigno  
 Percurroque oculis; simulque ab omni  
 Abstractus animi repente sensu,  
 Sum visus mihi disputationi  
 Marci Tullii adesse in urbe Roma,  
 Cum Brutoque suis Atticoque amicis,  
 In xysto spatiantis aedium, quas  
 Tribuni eruerat furor procacis,  
 Postque ardens populi studium integrarat.  
 Nec mirum, simile utrobique namque  
 Dicendi genus est: ubique & ordo  
 Est rerum similis, simillimusque  
 Verborum nitor, aptaque & jucunda  
 Tum comprehensio, nullibique adhaerens.  
 Atque unum quoque idemque pene habendum:  
 Est, summi eximiam exhibere formam  
 Oratoris, ut ille fecit, atque  
 Perfecti Catechistae, ut ipse tute  
 Acque nunc facis, & pii, & disertis;

Quam-

Quamvis res graviorque sanctiorque  
 Sit multo labor hic tuus putandus.  
 Ergo de aureolo hoc tuo libello  
 Amo te valide, ac amabo semper  
 Dum vivam; atque adeo magis magisque,  
 In gregem quoniam tuorum amicorum  
 Accepsti facile, quod ipse tanti  
 Feci, amicitiam potentioris  
 Quanti non facerem viri & beati.  
 Nunc ut de me aliquid meisque discas  
 Vitae casibus, id quod ipse valde  
 Audio te cupere, haec notanda duxi  
 A meme breviter tibi, & modeste.  
 Illud principio at scias oportet,  
 Andrea optime; veris haec tepentis  
 Octogies ego terque decucurri  
 Adhuc tempora; primulumque Loeris  
 Ut quivi in patria meo perungi  
 Mystes tempore, plusculum resisto  
 Hic annum, ac alacre viam capeffo.  
 Dum vindemia confit, atque ad Urbem  
 Recta. Gausidicos ibi ipse primo  
 Sector, atque fori improbos labores,  
 Sperans propediem fore, ut referrem  
 Unctius inde caput, measque uti res  
 Laute constabilirem; at ejus artis  
 Est brevi puditum, ac mei misertum,  
 Aevum qui tererem nimis moleste  
 Ingrateque meum; mihiq; demum  
 Iratus graviter, meas recurro ad

Artes Palladias , sacrasque Musas .  
 Queis freto facile viros potentes  
 Principesque , Patresque purpuratos  
 Invenire datur , modo hunc , modo illum ,  
 Qui scribam ultro suum me habere vellent .  
 Quorum Coscia , & Alberonus ; ille  
 Et dein tertius , a suo Vacerra  
 Qui tam perfidiose amariterque  
 Versatusque dolis , eoque adactus  
 Fuit denique , uti aulicos fere omnes  
 Dimissos faceret , domique clausus  
 Senatu , ac populo diu abstineret .  
 Nam dimissus & una ego , meas ad  
 Romae , quas proprias mihi pararam ,  
 Aedes me refero senex dierum  
 Haud factus numero , sed ante tempus ;  
 Mihi nam volo dum nimis placere  
 Scribendo , laterisque pectorisque  
 Praeter ingenuas levesque labes ,  
 Iam coeptaram aliis aliisque morbis  
 Opportunior esse quasque in horas .  
 Et jam luminibus minus valebam ,  
 Pejusque auribus : ingruerat autem ,  
 Morborumque suas trahebat omnes  
 Post sese celerans senecta turmas .  
 Ergo quid facerem ? domum revertor  
 Demum post segetes quater novenas :  
 Quae res & mihi , patriaeque juxta  
 Magno res cecidit bono , & perenni  
 Communique hominum : vires priores

Nam

Nam brevi reparans , politiores  
 Inferre , haud mora , literas docendo  
 Aggressus , potui viam juventae  
 Commonstrare novam brevem expeditam  
 Ducentemque ; novem & simul sorores  
 Huc postliminio velut reduxe ;  
 Pastorumque manum sacris Minervae  
 Pollentem studiis , canendi & arte  
 Claram frondiferis cito e Lycei  
 Cyllenaeque jugis ad hosce nostros ,  
 Statim , quos colerent agros , vocasse :  
 Quos inter medium bene eruditi  
 Me persaepe viri & quidem faventes ,  
 Multa haud illepidis senem audiebant  
 Ludentem numeris nec inficetis .  
 Atque o tempora scilicet beata ,  
 Illos quum valui improbos domare  
 Ineptosque homines ridiculosque ,  
 Tantum qui dederant mihi negoti ,  
 Ac primae ingeniiisque , moribusque  
 Aetatis operam dare excolendis ,  
 Deque meis bene civibus mereri  
 Posse pro veteri meo instituto !  
 Sed nil hic proprie usquequaque gaudj  
 In terra est homini . Febri repente  
 Horrente opprimor ante quinque circa  
 Annos ; quae miserum senem necasset ,  
 Ni cortex fuerat beatus ille ,  
 Quem Peruvia mittit , & saluti  
 Mi dein saepe fuit , simulque multis .

Nam quid repetam manusque & artus  
 Trementes: stomachum & minus terentem  
 Quae fumo omnia: roscidosque ocellos  
 Usque mutua, & usque lippientes  
 Noctes atque dies: quid & stupentes  
 Sensus quosque magis magisque semper?  
 Postremo ecquid opus referre morbi  
 Illud tam gravis atque pertinacis,  
 Nuper quod fatuus mihi ebriusque  
 Tiro pharmacopolius irrogavit,  
 Quicum sex prope luctor usque lunas?  
 Atque hic dicere de meis fuisset  
 Locus moribus, ac studio flagrante  
 Laudis perpetuo; sed occupatum  
 In hujusce modi aureis libellis  
 Scribendis hominem, scholae & labore  
 Publico, graviter mihi viderer  
 In commune bonum decusque secli  
 Peccare, retinendo vel parumper.

### *Ad Dominicum Malarbium*

#### P H A L E U C I U M.

**M**alarbi optime, & omnium quot unquam  
 Amicos habui foris domique  
 Ubicumque dies adhuc peregi  
 Meos, commodiorque graviorque;  
 Ecquas ipse tibi gratias rependam  
 Tantis pro officiis laboribusque



Susceptis alacre in meis libellis?  
 Hos ego Angelio meo libellos,  
 Ut scias, iterum mei videndi  
 Quum venit studio Locros, domoque  
 Tota dispiceret humi jacentes  
 Blatteisque, tineisque, muribusque  
 Expostos misere cibos, roganti  
 Promisi, modo nomine utriusque  
 Nostrorum tibi redderet, tuique  
 In illis animi ecqua mens futura  
 Disceret, mihi & ocyus referret.  
 Is ad te rediit, mihiq; paucos  
 Post dies mea jussa facta scribit:  
 Chartas se exhibuisse, eas benigne  
 Te excepisse, avidaeque cum legisses  
 Partem tute aliquam, addidisse verba haec:  
 Tete illas nihil esse pernegrare.  
 Quod ego accipiens, in tuo acquievi  
 Prorsus judicio, typisque dandas  
 Promisi, modo ab omnibus recepisse  
 Mendis ac vitiis ineptiisque  
 Absterfas opera tua futuras.  
 Id quod tam bene tamque diligenter  
 Praestas, quam fieri a viro decebat  
 Quem fide gravitate litterisque  
 Clarum ac omnigena eruditione  
 Omnes suspiciunt probi ac disertum.  
 Atque illas utinam queam, Malarbi  
 Amicissime, gratias referre,  
 Jure quas tibi debeo; sed illud

Qui pote est fieri gravi atque inerti  
 Senecta, ingenique tarditate,  
 His morbis patriae, hoc pudore nullo  
 Injustorum hominum, mihi negoti  
 Qui tantum facere usque & usque perstant,  
 Insuavis nimis ut sit ipsa vita?  
 Sed haec omnia susque deque, spectans  
 Unum id quidquid ago, omnium potenti  
 Ut rerum placeam, omnibusque honestis  
 Viris, praecipue & bonis amicis,  
 Qui sese inter amant colunt monentque.  
 Ast ego tamen, unice quod unum  
 Verbis mi facile, Deum precabor  
 Te mei superare det benignus  
 Aevi tempora sospitem ac beatum,  
 Immortale decus tuae additurum  
 Laudi, & praesidium severiori  
 Matthesi, artibus & laboriosis.

F I N I S.

*Comes Castruccijs Bonamicijs*

*Francisco Nicolao.*

S. P. D.

Nicolaum Angelium cum ego per se, juvenem bonarum artium studiosum, & saepe video & libenter, tum etiam libentius, quod sermones multos, mihi quae suavissimos de te habet, qui plerumque ad ingenium pertinent, doctrinam, atque humanitatem tuam. Facit enim nostra vetus amicitia, nullumque, dum Romae eramus, abs te officii erga me, studii quae munus praetermissum, ut tuis valde laudibus delecter. Quod vero nuper ad me tuum de Diva Venere Carmen ille attulit, itaque mecum est loquutus, ut probe intelligerem laborare te, ne meum de eo carmine iudicium tibi denegarem, duplici in voluptate cumulavit. Nam & jucundum mihi fuit carmen legere aureum, optinaeque imitationis, & elegantis ingenii luminibus respersum, te denique dignum: & audire quanti me faceres, quem unum maxime ad iudicandum vocasses de eximio poemate, non potuit non esse gratissimum. Equidem existimo in tanta bonorum poetarum paucitate summam te in illo Carmine consequi famam optimi vatis, quam etiam non mediocrem esses consequutus, si Lucretii Virgilique florerent. Quanta enim in inveniendis prudentia, atque amoenitas! Quam perspicuus rerum ordo! Quam non ineptus verborum ornatus! Nihil praeterea non latine, nihil non dictum magnifice; ut argumentum  
non

non satis illud quidem copiosum , & grande apta tui Carminis , & varia compositione vim quandam , atque ubertatem assequatur . Neque istud mihi mirum esse debet , qui tuorum studiorum sensum , & rationem jampridem novorim ; rarum potius videri debet , cum temporum nostrorum in optimis studiis negligentiam considero , & quam non dico exiguus , sed nullus jam sit fructus laborum egreriorum . . . . . Itaque & tu me , si quando erit otium a militia , . . . . . referre videbis ad mansuetiores Musas , & ego te valde fortunatum judico , qui in solitudinem quandam secesseris , ubi non videas homines ignavissimos , quasi de aliquo illustri facinore , gloriari de contemptu literarum , & habeas jucundissima subsidia senectutis rusticationem , & Musas . Magnae etiam voluptati tibi esse debet , in iis te esse locis , in quibus magnos olim viros magnaeque sapientiae fama praeditos accepimus esse versatos : & facis tu quidem , deducta Arcadum poetarum colonia ; excitatisque tuorum civium ingeniis , ut Locri tui antiquissimae laudis renovatione gaudeant . Reliquum est ut mihi gaudeam , quod in tanto temporis & locorum intervallo non penitus exciderim memoria tua , tibi quoque gratuler , quod in literato ocio vivere liceat , te quoque hortor , ut ea proferas in lucem , quae tuae sint patriae ornamento , tuisque amicis voluptati ; mihi praesertim , qui & vetustate amicitiae , & similitudine studiorum , in te amando , colendoque , vel omnibus anteeo , vel nemini quidem cedo . Vale .

Neapoli iv. Kalendas Octobris A. MDCLVI.

# ERRATA

# SIC CORRIGITO

F. 15. v. 420. suspendit	suspendis
F. 16. v. 462. Parasceves, Agathonis	Parasceves Agathonis
F. 21. v. 605. Exultatque	Exsultatque
F. 37. v. 408. sepe	sepe
F. 41. v. 47. tam	tum
F. 48. v. 77. Quos	quot
F. 51. v. 27. turpaveris	consperferis
F. 53. v. 71. extet	extet
F. 54. v. 148. visendi studio &c.	Visendi studio loca circum, undantque vicissim Sese trudento, haud secus ac &c.
F. 55. v. 159. Hinc inde	utrinque
F. 57. v. 195. scissum que	scissumque
F. 139. PHALECIUM	PHALEUCIUM
F. 131. v. 29. Ut ne	Uti spe cadat
F. 135. dist. 8. Bonis	Bonos
F. 141. v. 5. factio?	factio? licentiae
Ibid. in not. atis	fatis
F. 148. v. 4. Acherunfiorum	Acherusiorum
F. 149. v. 10. five	feu
F. 152. v. 11. praeterier	praeteririer
F. 149. v. 7. Accepsti	Me accepsti
F. 160. v. 8. amariterque	avariterque
F. 163. v. 20. Promisi	Permisi
F. 69. v. 52. Tum biduum jejuna. Ego &c.	Tum porro biduum jejuna- to. Eja age abito.

Fol. 140. In epigrammate *septima ab Aegypto*, perperam appositus est ille titulus *De hirundinibus* ab editore; ab auctore etenim admonitus rescivit epigramma illud pertinere ad picturam quamdam, qua visebatur Virgo Maria cum puero jesu, & Iosephus, post septennium in Galileam ex Aegypto redeuntes, atque in itinere prope rivulum confidentes.

V41  
4515026

1. The first part of the paper discusses the importance of the study of the history of the United States. It is argued that a knowledge of the past is essential for a full understanding of the present and for the development of a sound policy for the future.

2. The second part of the paper discusses the role of the government in the development of the United States. It is argued that the government has played a crucial role in the development of the country, and that its actions have been guided by a set of principles that have been passed down from generation to generation.

3. The third part of the paper discusses the role of the individual in the development of the United States. It is argued that the individual has played a crucial role in the development of the country, and that his actions have been guided by a set of principles that have been passed down from generation to generation.

4. The fourth part of the paper discusses the role of the future in the development of the United States. It is argued that the future is a time of great opportunity, and that it is up to us to make the most of it. We must not allow ourselves to be led by the passions of the moment, but must instead be guided by the principles of reason and justice.

5. The fifth part of the paper discusses the role of the present in the development of the United States. It is argued that the present is a time of great challenge, and that it is up to us to meet it with courage and determination. We must not allow ourselves to be led by the passions of the moment, but must instead be guided by the principles of reason and justice.

6. The sixth part of the paper discusses the role of the past in the development of the United States. It is argued that the past is a time of great wisdom, and that it is up to us to learn from it. We must not allow ourselves to be led by the passions of the moment, but must instead be guided by the principles of reason and justice.

7. The seventh part of the paper discusses the role of the future in the development of the United States. It is argued that the future is a time of great opportunity, and that it is up to us to make the most of it. We must not allow ourselves to be led by the passions of the moment, but must instead be guided by the principles of reason and justice.







184

4

28

*Romance Codrington*

